


15765



Printed in Turkey

M-36

Յ. Յ. ՊԱՐՈՒԵԱՆ

291.542

Դ-34

646


Թիվ 669

ԱԶԳԱՅԻՆ ԶՈԶԵՐ



Ա.

— Խորէն Գալֆայեան — Տիգրան Եռևուովեան
— Ստեփան Ասլանեան — Յովհաննէս Տէրոյէնց — Կարապետ
Ա. Իւթիւնեան — Մկրտիչ Տիգրանեան — Յովսէփ Շիշմանեան
— Կարապետ Փանոսեան — Յարութիւն Մէրբէմ-Գուլի
— Անտոն Հասունեան



Կ. Գ Օ Լ Ի Ս

ՅՊԱԳՐՈՒԹԻՒՆ Յ. ԳԱՎԱՅԵՎ

1879

7046.57

3482

ՅԱՌԱԶԱԲԱՆ

Որչափ ալ բժիշկները վկայած ըլլան թէ ծի-
ծաղն շատ օգտակար է մարսողութեան , կիկուր-
զոս ծաղու աստուածներու արձաններ դնել տուած
ըլլայ սեղանատուներու մէջ և վերջապէս Պղու-
տարքոս կերակուրներու առաջին համեմն կոչած
ըլլայ զայն , մինք , այս հրատարակութիւնն ընե-
լով , երբէք սպատակ ունեցած չենք ոչ փափուկ
ստամոքսի տէր ընթերցողներուն մարսողութեանը
ծառայել և ոչ ալ քիչ կերակուր ուտողներուն
ախորժակը բանալ , եթէ երբէք գործս պիտի յա-
ջողի քանի մը ժամկտ բազել իւր ընթերցողներէն :

Մենք այս հրամանին իսթեամբ աշխատած
ենք մեր ազգին մէջ գտնըլած երեւելի անձերուն
կենսագրութիւններն ընելով՝ անոնց թերութիւն-
ներն ցոյց տալ այն անաշառութեամբ որ կեն-
սազրէ մը կը պահանջիլի առանց սակայն դուրս
ելնելու հեգնաբանութեան սահմանէն :

Կը համարձակինք ըսելու որ ոչ զոր վիրաւո-
րել ուզած ենք և ներկայացուցած ենք անձերն
այնպէս ինչպէս որ են և ոչ թէ ինչպէս որ կ'ու-
զեն իրենք . և եթէ ընթերցողն տեղ տեղ ծանր
կէտերու հանդիպի՝ անոնց պատասխանատուն
մենք չենք . որ հայելին գաճաճն Աքիլէս կ'անդ-
րադարձնէ , որ լեռն սուրբ ստունայ կը կրկնէ :

Կը խոստովանինք որ ծննդեան թուականնե-
րուն մտոին պէտք եղած ճշգութիւնը չը կրցինք
պահել . վասն զի օրինաւոր տոմարներու պակա-
սութեան պատճառաւ բառասուն տարիքն անցած



230-2015

(328)
41

2003

մարդ չգտանք և ստիպվեցանք անոնց իւրաքանչիւրին տալ այն տարիքն զոր ունենալկը թուին :

Յուսալով որ ընթերցողն ներողամիտ ոգւով պիտի նայի գործոյս թերութիւններուն՝ մենք ինք-զինքնիս վարձատրված պիտի համարինք երբ տես-նենք որ մեր աշխատութիւնն իւր նպատակին հասած է :

Printed in Turkey

ԱԶԳԱՅԻՆ ՃՈՃԵՐ

ԽՈՐԵՆ ԳԱԼՁԱՅԵԱՆ

Խորէն եպիսկոպոս, աստուածաբան, կատակերգակ, ազգային երեսփոխան, բանաստեղծ, 1861ին Գալֆայեան, 1780ին Նաբ-Պէյ, 1879ին Լուսինեան — մինչև նոր տնօրէնութիւն — ծնաւ Կ. Պոլիս Սամաթիոյ թաղին մէջ 1841 թուականին : Ծնած գիշերը երեք տեղ հրդեհ պատահեցաւ . Արնավուտ-գեղ, Ախըր գարու և գասըմ-բաշա :

Խորէն չուշացաւ յայտնել թէ իւր ծնունդովն բանաստեղծ մ'ալ աւելցաւ ազգին և ոչ թէ փորձանք, ինչպէս կը գուշակէին քանի մը հեռատես մարդեր . վասն զի երբ մանկաբարձն անոր ոտներուն վրայ դիտողութիւն կ'ընէր, տասնեւվելցոտեան ոտանաւորներն միշտ այսպէս կը վերջանան պատասխանեց երախայ բանաստեղծն որ ազգային քերթող պիտի յորջորջվէր օր մը մեր ազգային համբակ . . . սափրիչներէն : Ութ օր վերջը կատարվեցաւ իւր մկրտութեան հանդէսը : Կըն-

քահայրն Ամբակում դրաւ անոր անունը, սա-
կայն երախայն տուն երթալուն պէս փոխեց
զայն ու Խորէն դրաւ :

Նախազդացմամբ գուշակեց կարծես, թէ
ձեռք պիտի քաշէր օր մը այս աշխարհիս վա-
ղանցուկ հաճոյքներէն, թէ իւր կեանքն Աս-
տուծոյ ծառայութեան նուիրելով մեծ քաղց-
րութիւն պիտի զգար . ուստի օր մը աչերն
վեր առնելով կնկան մը երես չէր նայեր . . .
բազմութեան մէջ . փութանք աւելցնել թէ
մէկէ մը տեսնըվելու կասկած կամ երկիւղ
չունեցած ատենն ալ չէր նայեր կիներու . . .
եթէ ծեր ըլլային . և, հետեւապէս, կուսա-
կրօն ըլլալու համար ամեն տրամադրութիւն
ունէր : Հաղիւ չորս տարեկան կար, դրացւոյն
տղայներն իւր տունը կը հրաւիրէր և անոնց
հետ կրօնական խաղեր կը խաղար, նման այն
խաղերուն զորս երբեմն խաղալու չմոռնար :
Աթոռի մը վրայ բազմելով քարող խօսելու
համար մեծ փափաք ունէր, իսկ երբ այդ ա-
թոռը պատրիարքական ըլլար՝ հոդին կուտար :

Հայրը տեսնելով որ տղան վարդապետ
ըլլալու սիրով կը տոչորի, ինչպէս որ նոյն սի-
րով կը տոչորին միշտ եօթը տարու տղայնե-
րէն ոմանք, որոշեց վենետիկի վանքը դրկել
զինք . և քիչ ատենէն այս որոշումը գործադ-
րեց առագաստաւոր նաւու մը յանձնելով իւր
զաւակն 1847ին :

Երբ վենետիկ հասաւ Խորէն ու վանա-

հօր ներկայացաւ, վանահայրն, անոր շար-
ժումները դիտելով, յայտնեց թէ անկարելի
էր զայն դպրոցի մէջ առնելը . որովհետեւ, ա-
ւելցուց, վանքին տրամադրած օրէնքներուն
հակառակ էր իդական սեռէն աշակերտ ըն-
դունելը : Մեծ դժուարութիւն կրեցին հա-
մոզելու համար վանահայրն թէ աղջիկ չէր ի-
րեն ներկայացվողը : Երկրորդ օրը վանքին
դպրոցը դրկվեցաւ Խորէն, ուր քիչ ժամանա-
կի մէջ հսկայաքայլ յառաջ գնաց այն ամեն
գիտութիւններու մէջ, որոնց չնորհիւ մարդս
կը յաջողի սիրելի ընել զինք ու ամիկներու :
Մեր պաշտօնին հաւատարիմ մնալու համար
պարտաւոր ենք հոս յիշել որ այն ատեն որ-
շափ սրամիտ նոյնչափ ալ խառնակիչ էր Խո-
րէն : Վանահօր ականջներն ալ խուցած
ըլլալով այն տրտունջներէն զորս Խորէնի դէմ
կընէին իւր դասընկերները, որոշվեցաւ որ 'ի
պատիժ' իւր անվայել վարքին, վարդապետ
ձեռնադրիի : Այս ըլլալու էր խելօք չկեցող
աշակերտներուն համար վանքին սահմանած
պատիժը :

Վանքին մէջ քանի մը տարիներ վարդա-
պետութիւն ընելէն ետքը — սենեակ մը քաշ-
վելով քարող տալու վարժութիւն ընելէն ետ-
քը — զգաց թէ վանքը խիստ անձուկ ասպա-
րէլ մ'էր համեմատօրէն իւր ընդարձակ հըմ-
տութիւններուն՝ որովք օր մը փայլ պիտի
առնէր իւր անունն պճնասիրութեան աշխար-

Հին մէջ։ Փափաքեցաւ անանկ ընդարձակ ասպարէզ մ' ընտրել որուն մէջ կարող ըլլար ընդարձակօրէն ծառայել Աստուծոյ։ Այս փափաքն գոհացնելու համար երկու ոտքով ցատկեց մեր ազդային Պատրիարքարանն ինկաւ։ Յիշելու բարեբախտութիւնը չունինք այն թուականն՝ ուր Խորէն Էջմիածնայ հպատակեցաւ, սակայն լաւ յիշելու դժբախտութիւնն ունինք թէ այն թուականէն 'ի վեր է որ մեր կուսակրօններ ամեն պարզութիւն մէկդի գնելով կիներու պէս հադվիլ, սդվիլ և կոտրտվիլ սկսան . . . աղէկ ծառայութիւն ընելու համար։

Այն ժամանակները մայրաքաղաքիս հարուստներէն ոմանք իրենց ձիերուն ապագայ պատրաստելու նպատակաւ, անոնց համար հոյակապ ախոռներ կառուցանելէն ետքը՝ իրենց զաւակներուն համար ալ դպրոց մը շինելու գաղափարն յղացան։ բայց որովհետեւ կ. Պօլսոյ մէջ դպրոցի յարմար տեղ մը գըտնելն անկարելի էր, որոշեցին որ Բարիզի մէջ բանան այս դպրոցն՝ որուն մէջ պիտի դատատիարակվէին իրենց զաւակներն, և թերեւս, իրենց ձիերն ալ եթէ հոս դործ չունենային։ Իրենց այս որոշումին ծնունդ տուին Բարիզի մէջ դպրոց մը շինելով . . . աւազի վրայ։ Այս դպրոցին, որու անուն Հայկազնեան, անօրէններն եղան 1850 ին հռոմէականութենէ Հայոց եկեղեցին դարձած, կամ լաւ եւս, դերու-

թենէ աղատութիւն դարձած երեք վարդապետներն, որոնց յարեցաւ նաեւ վերջէն Խորէն Եպիսկոպոս։ Յիշեալ տնօրէններն եթէ բան մը չորվեցուցին աշակերտներուն, որոնք երր մայրաքաղաքս դարձան բան մը չորվելէն զատ, հայերէն լեզուն ալ կարուսած էին, գոնէ սա սորվեցուցին աղդին թէ՝ շատ լաւ բան է իրաւունք և պարտք ճանաչելն։ Այս սկզբունքը մեզի սորվեցնելէն ետքը մաքուր սրտով, հանդարտ խղճով հարիւր հազար ֆրանքի պարտք թողով դպրոցին դոները գոցեցին։ Խորէն եպիսկոպոս ամենէն աւելի օգուտ քաղեց այդ դպրոցէն։ մեծ քայլեր առաւ հոն գէալ 'ի Պարնասայ դագաթ։ Հոն կատրելագործեց մուսաներու արուեստը։ Սա ինքն է որ, իւր վկայութեանը նայելով, երկու ամիս աշխատելէն ետքը հետեւեալ գիւտն ըրաւ։

Զիւր անուան կոչ

Դիտե՞ս — ոհ, ոչ։

Թէպէտեւ պատմաբաններէն ոմանք Հոմերոսի կընծայեն այս երեւելի գիւտն, որ Ժամանակադրութեան երեւելի անցէցին կարգը դրվելու մոռցուած է դժբախտաբար, սակայն մենք պնդելով կը պնդենք որ այս գիւտին փառքը Խորէնի միայն կը պատկանի։ Քաջ գիտենք որ Խորէն եպիսկոպոս այս գիւտն ընելէն անմիջապէս ետքը հեւալով կը վագէ եղբօրը և անոր կիմացնէ։ Եղբայրննախ չու-

զեր հաւատալ . ասոմնկ գիւտի մը գիւտն ան-
հնար կը թուի իրեն , բայց վերջապէս կը հա-
մոզի և եղօրը փախտըլով , խորէն , կը-
սէ , մեծ ծառայութիւն ըրի ազգին այդ
գիւտովդ . ազգը պարտաւոր է երախտագէտ
մալ քեզ յամենայն աւուրս կենաց իւրոց :
Արդարեւ այդ գիւտը մեր ազգին համար
աւելի մեծ նշանակութիւն ունի քան գիւտ
Նիւբացը , և կը զարմանանք թէ ինչու այդ
գիւտին օրը կիրակի չեն բռներ . . . բա-
նաստեղծները :

Հայկազեան դպրոցին փակումէն ետքը
կ . Պօլիս դարձաւ Խորէն : Քանի մը աւելն հոն
մալէն ետքը դասախոսութեան պաշտօ-
նով թէոդոսիոյ Խալիպեան ուսումնարանը
մտաւ , ուր առաւօտէ մինչեւ երեկոյ դասա-
խոսութիւն կ'ընէր խմբագրութեան պարա-
պելով թերթի մը՝ որուն անունը կամ Մասկա-
ռամնէ էր կամ Պօլոյ առանէ : Աշակերտներն ալ
իրենց վարժապետին յանդ կրելով կ'զբաղէին,
որպէս զի հայրենասիրական եռանդուն քեր-
թուածներ շինէ ազգին : Զհասկցվեցաւ թէ որ
գիտութեան կամ ուսման մէջ յառաջ դացին
յիշեալ վարժարանի աշակերտները . միայն սա
յայտնվեցաւ որ երբ այդ աշակերտներն իրենց
քաղաքները վերադարձան , պատուհաննե-
րուն առջեւէն չին հեռանար փողոցէն անց-
նող աղջիկներն գիտելու համար : Կը հրաժա-
րինք մանրամասնօրէն պատմելէ այն կեանքն

զոր վարեց Խորէն թէոդոսիոյ մէջ . այո՞ , կը
հրաժարինք , որովհետեւ գժրախտութիւնն
այն եղանակով հալածեց զինք թէոդոսիոյ
մէջ ինչ եղանակով որ կը հալածէ մէկն իւր
սպասաւորն որ տան տիկնոջ աչք կը տնկէ :
Կրօնաւոր մը այսչափ հալածվելու չէր . . .
Կրօնաւորէ մը : Եւ միթէ հալածումը յաջո-
ղեցաւ անոր սկզբունքն փոխելու . բնաւ եր-
բէք . այլ , ընդհակառակն , աւելի եւս քա-
ջալերեց զայն իր սկզբունքին մէջ : Սկզբուն-
քը , կ'ըսէ Աղէքսանդր Տիւմայի որդին , բե-
ւեռներու կը նմանին , որչափ զարնես անոնց
գլխուն՝ նոյնչափ աւելի կը հաստատվին :

1864ին դարձեալ ստիպվեցաւ Պօլիս դառ-
նալ . ուր քանի մը ամիսէ ետքը բերայի քա-
րոզութեան պաշտօնը ձեռք անցուց : Իրեն
համար կրնանք ըսել ինչ որ կ'ըսեն Պղատոնի
համար , թէ մեզուները մեզր քսած էին անոր
շուրթերուն — թէպէտ եւ ուրիշներն ալ քիչ
մը կարմիր քսած էին — այնչափ պերճախօս
էր : Ժողովուրդը մինչեւ այսօր սիրով մտիկ
կ'ըսէ անոր քարոզները մինչեւ վերջը և առանց
քրանք թափելու : Իւր քարոզներն աւելի
կը փայլին քան իւր մազերը : Ի՞նչ հարկ կայ
երկարելու . կէտեր կան որոնց մէջ Խորէն տե-
սականի մարդ է և գործնականի չգար . կէ-
տեր ալ կան որոնց մէջ միայն գործնական է :
Դժբախտութիւնն հոն ալ վազեց քանի մը տա-
րիէն , հոն ալ հալածեց զինքը , և Խորէն յօ-

ժար կամքով հրաժեշտ տուաւ իւր պաշտօնին . . . երբ թաղեցիները վար առին զինքը :

1867ին եկեղեցական պատգամաւոր ընտրը վեհափառ Գէորդ կաթողիկոսին յուղարկաւորութեանը գնաց մինչեւ Էջմիածին, ուր եպիսկոպոսութեան աստիճան բարձրանալին ետքը Պօլիս վերադարձաւ և Պէշիկթաշի քարողիչ անուանվեցաւ : Յիշեալ թաղին վարժարաններու վերատեսչութիւնն ստանձնելով բարեկարգութեան ձեռք զարկաւ : Աշակերտներուն սիրտն ու միտքը մշակելու համար անոնց հագուստները հանել տուաւ և համաձեւ զդեստ շնիւր տալով հագցուց անոնց : Ահաւասիկ ըրած միակ բարենորդումն որ կրնայ ըսկիլ թէ աւելի դերձակներու համար եղաւ քան աշակերտներու համար :

Քանի մը ամիս այս պաշտօնը վարելէն ետքը հրաւիրվեցաւ հրաժարիլ անկէ . բնաւ դէմ չկեցաւ, հրաժարեցաւ և Մասիսի խըմքագրապետին տանն ապակիները խորտակել տուաւ : Քանի մը քաղաքներէ առաջնորդ ընտրվեցաւ, բայց ինք իրեւ նախանձ նկատելով այն ամեն առաջարկութիւն որ կ'ստիպէր զինք հեռանալ Պօլիսէն՝ մերժեց գաւառուներու մէջ առաջնորդութիւն ընելլ : Զմիւռնիան ոչ միայն ընտրեց, այլ հրաւիրակներ ալ դրկեց . ընտրութիւնն ալ հրաւիրակներն ալ քաղաքավարութեամբ վոնտեց : Տիգրանակերտն ալ ունեցաւ Զմիւռնիոյ յիմարութիւնը,

և անոր պէս իւր պատիժը կրեց : Ամենէն վերջը Ռոտոսթօյէն հրաւիրվեցաւ որ իրեւ հովիւ հոգեւոր արածէ զիրենք . Խորէն եպիսկոպոս ընդունեց Ռոտոսթօն, բայց ծանր պայմաններ առաջարկեց որով Ռոտոսթօյի բոլոր ազգ այինները կրնային հոս փոխադրվիլ : Հարկ չէ ըսել թէ Ռոտոսթօն ալ ստիպվեցաւ, Զմիւռնիոյ և Տիգրանակերտին պէս, ուրիշ առաջնորդ ընտրել իրեն : Յիշեալ երեք քաղաքներն կը պարծին այսօր Խորէնն իրենց առաջնորդ չունեալուն վրայ :

Տեղեկանալու համար այն վաւերական աղբիւրներուն, որովք անժխտելի կերպով հաստատված է այսօր թէ Խորէն Նար-Պէյ Լուսինեանէ սերածէ, պէտք է ներկայ գըտնվիլ այն գեղեցիկ արքայական երազին զոր պատիւ ունեցած է տեսնել Խորէն եպիսկոպոս 1870ին : Այդ երազին մէջ Նար-Պէյ Լուսինեան կը ներկայանայ Խորէն եպիսկոպոսին և անոր կըսէ . « Ես եմ Նար-Պէյ Լուսինեան, որ 1798ին Կիպրոսի Տաճիկներու հարստահարութիւններէն փախչելով՝ Եգիպտոս դացի և Նարուէնէն մէջ պատուով ընդունվեցայ : Դու ինէ սերած ես . շուտ ըրէ՛ ել, հագուէ՛ և մականունդ փոխէ : » Մենք բնաւ կասկած չունինք առոր ստուգութեանը վրայ : Եատերը արդէն այս երազին ներկայ գտնըված ըլ-

լալով՝ իբրև ականատես վկայ կը պատմեն .
մինչև իսկ կը նկարագրեն Նար-Պէ.յ Լուսին .
եանի կերպարանքն որով երեւցած է , երազի
մէջ , խորէնին : Իբրև զօրաւոր փաստ ուրիշ
թնչ պահանջելու իրաւունք ունինք , միթէ
Մասկու , Թէրէկհանը-Եֆեար և Լըտէր օրագիրներն
չհրատարակեցին զայն արժանահաւատ աղ-
բիւրներէ քաղելով : Բայց թնչ օգուտ , մար-
դիկ որչափ ալ բարձրանան նորէն բարձրա-
նալ կը փափաքին . Խորէն եպիսկոպոս ալ ,
իբրև մարդ , քանի մը տարիներ Նար-Պէ.յով
շատանալէ վերջը ուզեց որ Լուսինեան ալ յոր-
ջորջի նման այն աւաղակին որ ուրիշ մը գոյ-
քը յափշակելէն ետքը կը փափաքի անոր հայ-
րերն ալ կողոպտելու : Այս չափազանց փափա-
քէ մղվելով է անշուշտ որ Խորէն եպիսկոպոս
ելաւ որ մը հետեւեալը հրատարակեց .

« Նկատելով որ Ռուսաստանի մէջ Լու-
սինեան մը կայ որ նամակով ինծի կիմացունէ
թէ ես իրեն եզրօր որդին եմ .

« Նկատելով որ բոլոր եղբայրներս Լու-
սինեան մականունը կը գործածեն .

« Նկատելով որ հարազատ եղբայրներու
մէջ տարբեր մականուններ գործածեն ան-
տեղի է .

« Ես ալ որոշեցի որ այսուհետեւ Լուսին-
եան գործածեմ : »

Փառք տանք Աստուծոյ որ միտքը չէ ին-
կած հետեւեալն ալ գրելու .

« Նկատելով որ եղբայրներս ամուսնացած
են : »

Ինչպէս յայտնի կ'երեւայ , Խորէն եպիս-
կոպոս վերոյիշեալ նկառէցներով բոլոր պա-
տասխանատութիւնն հօրեղբայրներուն վրայ
կը ձգէ : Եթէ հօրեղբայրն բան մը գրած չըլ-
լար իրեն՝ եթէ ներելի ըլլար հարազատ եղ-
բայրներու մէջ տարբեր մականուններ գոր-
ծածել անշուշտ ինքն ալ չպիտի ստիպվէր փո-
խել իւր մականունը . օրինաւորութիւնն է որ
կ'ստիպէ խեղճը լուսինեան յորջորջվելու : Հարկ
կը համարինք հոս յիշել թէ Խորէն եպիսկո-
պոս իւր կարծիքներուն հետ ալ այնպէս կը
վարվի ինչպէս իւր մականուններուն հետ .
միայն սա տարբերութեամբ որ կարծիքներն
ինն օրը անդամ մը կը փոխէ , մինչդեռ մա-
կանունները ինը տարին անդամ մը : Թոնդ ա-
ղօթք ընէ Նորին Գերապատուութիւնը որ վա-
ճառական չէ , Եթէ վաճառական ըլլար և այս-
պէս յաճախ մականուն փոխէր՝ քիչ ատեն-
ուան մէջ վաճառատունը կը գոյէր :

1876ին կրօնական ժողովոյ ատենապետ
ընտրվեցաւ Հորինիւ այն կուսակցութեան որ
իրեն հետ աշխատած էր Խորիմեանը պատրի-
արքական աթոռէն վար առնելու դիցազնա-
կան գործին մէջ : Ատենապետ ընտրվելուն
հետեւեալ օրը բանադրեց մէկն որ բանաւոր
պատճառներով առաջին կինն թողած ըլլարով
ուրիշ կնիկի մը հետ ամուսնացած էր : Այս

բանադրանքը շատերը բաւական խնդացուց : Քանի մը օր ետքն ալ Հայաստանեայց եկեղեցւոյ համաձայն հրատարակեց ճիշդ առջենին նման ամուսնութիւն մը՝ որով ուղիւ մէկն իւր կինը թողած՝ ուրիշ կնիկ մը առած էր : Աս համապատասխան շատ խնդացուց ժողովուրդն : Այս հակասական վճիռներն մինչեւ այսօր իրարուդէմ հրացան կը քաշեն կրօն. ժողովոյ արձանագրութիւններուն մէջ :

1878ին իրբեւ ազգային նուիրակ խրիմեանի հետ Պէրլինի Աւագամողովը զրկվեցաւ : Թէպէտ և չգիտցվեցաւ թէ ինչու չկրցին Աւագամողովին ներկայանալ, սակայն շատերը պնդեցին այն ատեն թէ Ազգը մեծ օգուտ քաղեց անոնց ուղեւորութենէն, թէ ձայն համելու չէ, այդ օգուտին ինչ ըլլալը վերջէն պիտի հասկցվի : Ասոր համար է որ շատերն իրենց բերանը բացած՝ գործերուն վերջը դիտելու կը պատրաստվին : Եթէ այս օգուտներուն երեւակայականն մէկդի նետելելվ իրականին դառնանք՝ սա օգուտը կը գտնենք որ առաջ գաւառներու մէջ եթէ տարին հարիւր հոգի կսպաննըվէին՝ այսօր հազար կսպաննըվին, և այս ալ մեծ օգուտ է անշուշտ անոնց՝ որք բազմութենէ չեն ախորժիր :

Պէտք չէ մոռնալ այն մեծ ծառայութիւններն զօրս մատուցած է Ազգին Երեսփոխանական ժողովոյ մէջ : Իւր ատենաբանութիւններն շատ ներդաշնակ էին, երաժշտական

խումբ մը կը պակսէր զանոնք աւելի ազդու գործելու համար : Իւր ճառերն նոյն ազդեցութիւնը կընէին Երեսփոխաններու վրայ ինչ ազդեցութիւն որ կընեն Հայոցնուիր +աղուածած + դըպրոցական աշակերտներու վրայ :

Զափաղանցութիւն ըրած չենք ըլլար եթէ ըսենք թէ՝ իրեւ մատենագիր աւելի ծառայած է ազգին քան իրեւ կուսակրօն : Իւր աշխատասիրութիւններուն մէկ մասը 1870 ին թէրայի հրդեհին հրոյ ճարակ եղան ինչպէս որ կըլլան դժբախտաբար այն ամեն երկասիրութիւններն որք տպված չեն . . . դրված չեն : Այդ գործերու մոխիր դառնալն մեծ կորուստ մ'է անշուշտ ազգին համար, բայց կրնանք միսիթարվիլ իւր հրատարակած գործերով՝ որոնք քիչ բացառութեամբ, արժանիք ունէին . . . մոխիր դառնալու : Խորէն եպիսկոպոս ունի այսօր տասներկու գործեր : Ասոնց մէջն է Ալաֆրանկ կատակերգութիւն, որ կապիկի պէս ամեն բանի մէջ ուրիշի նմանելէ յառաջ եկած վասաները կը հարուածէ : Վարչենէ, անմեղ սերէ ներշնչված գողարիկ ոտանաւորներ : Դաշնակի Լապարինէ, անմահ բանաստեղծին ոտանաւորներուն գրաբառ թարգմանութիւնը՝ զօր հասկնալու համար այն ատենները չորս հոգիէ բաղկացեալ մասնաժողով մը կազմինեցաւ, որն որ անկարող ըլլալով զայն լուծել թարգմանիչին դիմեց, որ ներումն խնդրելով պատասխանեց թէ վրայէն բաւա-

կան ժամանակ անցած ըլլալուն պատճառաւ
ինք ալ չէր կարող հասկնալ : Քիչսպանեական որ
կը պատռիրէ էրիկներուն ներել իրենց կինե-
րուն որքան ալ անպարկեշտ ըլլան , որքան ալ
մեծ ըլլայ անոնց սիրականներուն թիւը : Նո-
հակընարան ջրանսերէն լըլլ-է , ՚ի պէտս անոնց որք
փափաք չունին ջրանսերէն սորվելու : Սուսերէ
չայկանանէ , որոնց մէջ առաջին տեղ կը գրաւէ
լույշնեաց ասս ՞եղ բան : Օտար լրագիրներու մէջ
անդրալեռնականներու դէմ պաշտպանած է
չայաստանեայց եկեղեցին և ժողովրդեան հա-
մակրութիւնը գրաւած է :

Խորէն եպիսկոպոս անուշ ընաւորութիւն
մ'ունի . ամենուն հետ այնպէս կը վարվի ինչ-
պէս որ խմբագիր մը կը վարվի այն մարդուն
հետ որ տարուան մը բաժանորդ կը գրվի և
բաժանորդագինն ալ կանխիկ կը վճարէ : Վար-
քէն կընանք գուշակել թէ իւր յարդած
սկզբունքներն հետեւեալներն ըլլալու են .

« Սիրէ հայրդ ու մայրդ . . . եթէ հա-
րուստ են .

« Սիրէ թշնամիներդ . . . երեսանց .

« Սուտ մի խօսիր . . . եթէ շահ չունիս .

« Թող մի տար որ կերքերդ գերի ըլլան
անձիդ .

« Դրացիներդ անձիդ պէս սիր է : »

Մեռեալներուն զալով՝ անոնց հետ ալ
աւելի քաղցրութեամբ կը վարվի : Այնպիսի
սրտառուչ դամբանականներ կարձակէր , այն-

պիսի պերճախօսութեամբ կը գովէր արքայու-
թիւնն որ ներկայ գտնվողները մեռնելու փա-
փաք կզդային : Զմոռնանք սակայն ըսել թէ
երբեմն ալ մեռեալն արքայութենէն աւելի կը
գովէր՝ որով ննջեցեալն նախապատիւ կը սե-
պէր գագաղին մէջ մնալ քան թէ արքայու-
թեան մէջ : Ազդային Հիւանդանոցին մոմե-
րուն պէս կարգերու կը բաժնըվէին իւր գամ-
բանականները . մէկ ոսկի տուող մեռեալն
բարեսիրտ կըլլար . երկու զրկողը բարեսիրտ և
քիչ մ'ալ ազգասէր կը հոչակիվէր . երեք նուի-
րողը աղնիւ սրտով և վսեմ զգացումներով կը
զարդարվէր . չորս համինողը հանրածանօթ աղ-
գասէր կը ծանուցվէր . հինգ տուողն՝ կենդա-
նութեանը ժամանակ այնքան գաղտնի ողոր-
մութիւն տուած կըլլար աղքատներուն որ
մարդ տեսած չէր ըլլար , հայրենեաց բարե-
րար կը յորջորջվէր , և ասանկներուն դադա-
ղը ութը հոգի կը կրէր , որովհետեւ չորս հո-
գի բաւական չէին կրել այնչափ գովիտնե-
րով ծանրաբեռնեալ ննջեցեալն : Դադաղն ալ
երբեմն զգացման տէր և ազգասէր կըլլար
եթէ զայն շինող ատաղձագործը գերապատի-
ւին հճորէ մը զրկէր : Խոկ անոնք որ ժամա-
նակ չունէին փրկանք վճարել դամբանախօսին՝
դամբանական լսելու իրաւունքէ կը զրկվէին,
իրենց վերապահելով սակայն մեռնելու իրա-
ւունքը : Խորէն եպիսկոպոս իւր պաշտօնա-
կիցներուն պէս վարվելով՝ լուելեայն սա սկզ-

բունքը կը քարոզէր թէ՛ չար եղէք որչափ
կուղէք, բայց հարուստ եղէք որչափ կրնաք :
Ժողովուրդն որ շատ անդամ աղբանէր, ողբանէ
բարեպատ ածականներուն տրվիլը կը լսէր այն-
պիսի մարդերու՝ որոնք իրենց կենդանութեանը
ժամանակ ազգը մատնած են իրենց շահուն
համար կամ եկեղեցւոյն գանձանակէն սոտակ
գողցած են, ինքնիրեն կ'ըսէր « խորանի վրայ,
բազմութեան մէջ այսափ սուտ ինչպէս կա-
րելի է ըսել առանց կարմրելու : »

Խորէն Եպիսկոպոս մեծ մարդ է . աւելի
մեծ պիտի ըլլայ անշուշտ եթէ յաջողի կիպ-
րոսի մէջ լուսինեանէ մնացած կալուածներն
Անդդիոյ ձեռքէն առնել, և աս ալ անհաւա-
տալի բան մը չէ :

Խորէն Եպիսկոպոս միջին հասակով բարե-
ձեւ կազմով գեղեցիկ մարդ մ'է : Երբ փողո-
ցըն ելնէ՝ ընդհանրապէս այն դէմքը կունե-
նայ երբ բազմութեան մէջ մէկն իւր սիրուհին
գաղտնի նշան ընելէն ետքը ուրիշ մը զայն
տեմնէ և իրեն ըսէ « Ըրածիդ հաւնեցար : »

ՏԻԳՐԱՆ ԵՈՒՍՈՒԹԵԱՆ

Պատմութիրները համաձայն չեն Տիգրան
Եուսութեանի ծննդեան թուականին վրայ :
1850 թուականին ծնունդ կուտան անոր այն
պատմութիրներն որ ամուսնացնելու աղջկի ու-
նին . ուրիշներն որ անոր նախագահութեանը
տակ կորուսեր են իրենց գատը 1820 ին կըս-
տեղծեն զայն : Խակ մենք, որ հաճոյք մը չենք
զգար կիսերու մէջ տարիքի խնդիր յուղելով,
կըսենք թէ այս երեսփոխանը Միջագիւղ ծը-
նած 1835 ին, 1854 ին և 1875 ին : 1835 ին՝ եթէ
գէմքին նայիս . 1854 ին եթէ պարահանդէսի
մը մէջ գտնըլի . Խակ 1875 ին եթէ հասակին
նայիս :

Ծնած ժամանակն այնքան նիհար էր որ
եթէ լիկուրգոսի օրով ծնած ըլլար՝ անպատ-
ճառ ջուրը ծգված պիտի ըլլար :

Մանկութեան օրերուն մէջ հանդարտ ու
հեղաբարոյ ըլլալով՝ բնաւ պատճառ չէր տար
ստնտուին որ զինքը կսմթտէ : Գիշերներն այն-
պէս խոր քուն կը քաշէր ինչպէս որ կը քաշէ³²⁶
երբ իրեն երթաս և բանաս իրեն այնպիսի
խօսակցութիւն մը որ բնաւ վերաբերութիւն
չունի դատի հետ : Զմեռուան այն երկար գի-
շերներուն մէջ անդամ մը միայն կարթննար և
այն ալ ոչ թէ լալու կամ կաթ ուաելու հա-
մար, այլ իւր թաթիկներով ստնտուին ծի-

2046 - 57



ծերը բռնելով քնանալու համար : Ամեն երախայ , ինչպէս յայտնի է , ունի այս սովորութիւնը , սակայն կերեւի թէ այս երախայն բաւական ատեն հետեւած է այս սովորութեան , վասն զի , կըսեն ումանք , չորս տարեկան եղած ատեն տան սպասուհիները Տիգրանիկէն կը գանդատին եղեր :

Տղայական խաղերու բնաւ չէր մասնակցեր . խելքն ու միտքը պարգեւարաշութեան հանդէսին վրայ էր : Ոմեն կիրակի իրեն հասակակից աղջիկներ ու մանչեր տուն հրաւիրելով՝ աթռաներու վրայ կը բազմեցունէր . ինքն ալ սեղանի մը վրայ կենէր . . . ճերմակ ձեռնոցներով և կարճ բայց ազդու ատենաբանութեամբ աղջիկներուն երեսը կը նայէր . . . դաստիարակութեան օդուտներն առնց զգալ տալու համար :

Ամիրայսթեան մեծ փափաք ունէր . իւր կարճ բայց ազդու հասակոմին ամիրայութեան բարձրանալ կուզէր , վասն զի ամեն բարօրութիւն հոն կը փնտուէր . ուստի նախատինք կը համարէր տեսութիւն ընել այն ամեն մարդերու հետ որ ամիրայական արդանդէ մը ծնած չէին : Օր մը նպարավաճառի մը զրկվեցաւ որ քիչ մը պանիր առնէ , բայց ինքն երբ տեսաւ որ նպարավաճառն ամիրա չէր , առանց պանիր առնելու ետ դարձաւ :

Երբ եօթը տարեկան եղաւ թաղին վարժարանը զրվեցաւ որ ուսում առնէ : Այն ա-

տենները վարժարաններու մէջ ամեն բան կը գտնըլէր բաց ի ուսումէ . որով Տիգրանիկն ալ ուսումէն զատ ուրիշ ինչ որ գտաւ առաւ թաղային վարժարանէն :

1850 ին Բարիզ գնաց և վաճառականութեան գպրոցը մնաւ հոն : Մեծ յաջողակութիւն ցոյց տուաւ այն ուսման՝ զոր մենք վաճառականութիւն կանուանենք և որուն Խարէութիւն անունը կը կարդայ Վովլնարկ : Քիչ ատենի մէջ կատարեալ սորվեցաւ մարդ խաբելու սկզբունքներն զորս պիտի գործադրէր վաճառականութեան մէջ : Սակայն բախտը որ եթէ չժպտիր ապուշներու երբեմն անոնց պաշտպան կը հանդիսանայ , ըսաւ Տիգրանին .

«Պարոն , եթէ զքեզ վաճառական ընեմ մահկանացուներուն գլխուն փորձանք մալ պիտի աւելցնեմ : Արդէն վաճառականները պատժել կուզէի , բայց անանկ պատիժ մը կուզէի որ խիստ ըլլար : Ուրախ եմ այսօր զքեզ գտնելուս վրայ . գնա ուրեմն դատաւոր անունով պատիժ եղիր այդ վաճառականներուն վրայ : »

Բախտին պատգամը կատարվեցաւ , եռսութեան առեւտրական ժողովներէն մէկուն նախ անդամ և յետոյ ամբողջութիւնն (նախագահ) եղաւ :

Նախնիք Արդարութիւնը տեսած պիտի ըլլան , որ զայն կշիռ ի ձեռին կը ներկայացնեն . անոր բարի ըլլալն ալ ճանչցած են ան-

շուշտ որ այնչափ յարդ ու պատիւ կ'ընծայեն անոր ։ մենք դժբախտաբար ժողովսերու մէջ ալ իրեն հանդիպած չունինք որ տեսնէինք, ճանչնայինք և կարենայինք այսօր ըսել թէ Եռուսուֆեան շատ լաւ կամ գէշ կը վարվի Արդարութեան հետ։ Շատերը որ մօտէն կը ճանաշեն Եռուսուֆեան էֆէնտին, կըսեն թէ Արդարութեան ներկայացուցին է ան և թէ Արդարութեան պէս կշիռ մը ունի ձեռքը . սակայն պնդողներ ալ կը գտնվին թէ՝ այդ կշիռը ծախու առնված է նպարավաճառէ մը որ պակաս կշռելուն համար ամեն օր առւ դանք կը վճարէր : Աս անհաւատալի է :

— կը տեսնք փաստաբաններն ինչպէս ուշի ուշով մտիկ կընեն որպէս զի կէտ մը բըռնեն և ինձի դէմ դատ բանալ տալով քառասուն յիսուն ոսկի վաստիին . . . : Պարոն փաստաբաններ, մի պարծենաք կենսադրութիւններուս մէջ զիս դատի հրաւիրելու բնութիւն ունեցող կէտեր գտնելուդ վրայ, որովհետեւ կենսադրութիւններս կազմող բոլոր կէտերն նոյն բնութիւնն ունին : Այս պարագայիս մէջ կը նմանցնեմ զձեղ այն ձկնորսին որ այս օրերս տասը բուհնուար որսալուն վրայ կը պարծենայ, քանի որ շաբաթէ մը ի վեր ծովը բուհնուարով լցոված է : Բայց քանի որ ձեզմէ շատերը յօդուածի մը մէջ աւելի իրենց գործ կը փընտրուեն քան թէ արդարութիւն, ես ալ խոհեմութիւն կը բանեցնեմ և խօսքս կը վորխեմ —

Առանց ասոնց կամ անոնց ըսածներուն ականջ կախելու՝ ես կըսեմ թէ Տիգրան էֆէնտիւսութեան միշտ արդարութեամբ վարված է, որովհետեւ ուրիշ կերպով վարվիլը անկարելի է : Մեր բոլոր ժողովսերուն մէջ արդարութիւնը միշտ կը փայլի իւր բացակայութեամբը : Տիգրան էֆէնտիւսի շատ ճշգութիւն կը պահէ իւր պաշտօնին մէջ . օրինակի համար եթէ պատիւ ունենաս օր մը իրեն ներկայանալու . . . դատով, նախ և առաջ քեզի պիտի ըսէ .

Նախ՝ աս կողմը անցիր :

Երկրորդ՝ շիտակ կայնէ :

Երրորդ՝ գլուխդ վեր բոնէ :

Չորրորդ՝ ձեռքքդ վար առ :

Եւ դուն այս հրամանները լսելով անշուշտ պիտի կարծես թէ դերձակի մը առջեւ կը գտնվիս որ չափդ պիտի առնէ . բայց կը սիսալիս, դատաւորի մը առջեւն ես . և որ ժողովին մէջ որ մտնես, այդ հրամանները պիտի կատարես :

Տիգրան էֆէնտին այնչափ կը փափաքի ազգին ծառայութիւն ընել որ հարիւր հօգւոյ գլուխ հանելիք գործը միայն կուզէ կատարել : Սուտ չեմ խօսիր : Գնա օր մը իրեն ըսէ .

— էֆէնտի, թաղիս մէջ կուզենք բարեգործական ընկերութիւն մը կազմել :

— Վսեմ դաղափար :

- Կը փափաքինք որ հրամանքնիդ ալ ատենապետ ըլլաք :
- Սիրով կընդունիմ:
- Այս պատասխանը առնելէդ ետքը դուրս ելիր սենեակէն և դրան քովը կեցիր :
- Ահա ուրիշ մը կը մտնէ .
- Էֆէնտի , որոշեցինք վարժարաններուն պատելու համար ընկերութիւն մը հաստատել :
- Շատ ազգօդուտ ձեռնարկութիւն :
- Արդեօք կընդունէիք . . .
- Ատենապետութիւնը . . . սիրով կըն . . .
- Կընդունէիք տասը բաժին . . .
- Ընկալագիրն ամիսէ մը զրկէ :
- Սենեակէն դուրս ելած ատենը ասոր ձեռքէն քաշէ և քովդ կայնեցուր :
- Երրորդ մը կը մտնէ .
- Բարեւ էֆէնտի :
- Աստուծու բարին :
- Մսավաճառի խանութ մը բանալ կուղենք ընկերութեամբ :
- Ազգային դաստիարակութիւնը զարգացնելու ամենէն կարճ ճամբան . . .
- Ի՞նչ կըսէք :
- Շատ աղէկ խորհեր էք . առողջ մարմին , առողջ միտք կըսէ առածը . հետեւապէս մարդս որչափ միտ ուտէ , այնչափ առողջ միտք կունենայ . ուստի որչափ շատնայ մսավաճառութիւնն այնչափ կը շատնայ բանաս .

- տեղծութիւնը , գրականութիւնը եւայլն :
- Շնորհակալ ենք , ի՞նչ պէտք է այս գործը գլուխ հանելու համար :
- Ատենապետ մը , և այն ատենապետն ալ ես կըլլամ :
- Դրան քովն ես կարծեմ . ասոր ալ օձիքէն քաշէ և չորրորդին սպառէ որ ահա կուգայ .
- Բարեւ էֆէնտի :
- Աստուծու բարին :
- Քանի մը երիտասարդներ մէկտեղ եկած ընկերութիւն մը հաստատած են . ասոնք ոչ իրենց ըրածը գիտեն և ոչ ալ ընելիքը . այսպիսի ընկերութիւններն ազգին չարիք հասցնելէն ուրիշ բանի մը չեն ծառայեր . ուստի մենք որոշեցինք ընկերութիւն մը կազմել . . . այդ ընկերութիւնը կործանելու համար :
- Բուն չայութիւնն ալ աս է :
- Մեղի կոդնէք այս պարագային մէջ :
- Ինչու չք , քանի որ կըսէք թէ ազգին վնասակար է , պէտք է որ կործանվի :
- Ես անոր ատենապետը կանչել կուտամ և կը խօսիմ :
- Ատենապետը կանչել կուտամք . . .
- Այս , պիտի վախնամ իրմէ :
- Բայց այդ ընկերութեան ատենապետը . . . դուք էք .
- Ես եմ . . . Տէր ողորմեա . . . ի՞նչ փոյթթէ ես եմ . քանի որ նպատակին չի ծառայեր կըսէք , պէտք է կործանել :

— Շնորհակալ եմ։

— Մեր պարտքն է կործանել այն բոլոր վսասակար ընկերութիւնները, ով որ ալ ըլլան անոնց ատենապետները։

Կը կարծէք թէ կը կործանէ. քաւ լիցի. — կը կարծէք թէ զը շինէ, երիցս քաւ լիցի. այնչափ ընկերութիւններու անդամ է որ ժամանակ չունի ոչ կործանելու ոչ ալ շինելու։ Սաոյգը խօսելու համար Տիգրան էֆէնտի Եռւսութեան ազգին յառաջադիմութեանը մեր ամենէն աւելի փափաքողներէն է, և ոյս չափաղանց փափաքովէ անշուշտ որ ամենուն մէկէն համնիլ կուզէ և ոչ մէկուն կրնայ հասնիլ։ Ոչ անցեալ և ոչ այս դարուս մէջ չկայ ընկերութիւն մը որուն կամ ատենապետն կամ անդամ չըլլայ. և ինչպէս որ վարդն առանց փուշի չըլլար, ընկերութիւնն ալ առանց Եռւսութեանի չկրնար ըլլալ — առակաբանութիւնը միմիայն վարդին փուշէն անբաժանելի ըլլալուն վրայ է, երեսս ինչ կը նայիք ով չարամիտներ։

1868ին անդամ եղաւ այն խնամակալութեան որ յառաջ պիտի տանէր Շահ-Նաղար և Նուդարեան վարժարանը որ վերջէն աշխարհածանօթ եղաւ իւր . . . կործանմամբը։ Արդարութիւնը խօսելու համար իւր աշխատութիւնը չղլացաւ հոն Եռւսութեան էֆէնտին և ջանաց որչափ որ կրնար կանդուն պահել այդ շէնքը. բայց որովհետեւ անհատի

մը կամքն ու ջանքն միայն բաւական չեն պայծառ պահել այնպիսի շէնք մը որ ժողովրդեան քաջալերութեամբը միայն կրնար յարատեւութիւն գտնել, ուստի և գոցվեցաւ։ Հոն կը դժոնըվէին աշակերտներ որ կէս թոշակով ընդունված էին և քառորդն վճարել կը դժկամակէին. կային աշակերտներ որ թոշակն բնաւ չէին վճարեր և միայն կուտէին կը խմէին. կային որ դրամ մը չվճարելէն զատ կը փափաքէին որ իրենց հագուստն ալ դպրոցէն շինվի։ Այսպէս կը վարվին ահաւասիկ մեր ազգայիններն երբ իրենց զաւակներն ազգային մասնաւոր վարժարանի մը մէջ դնեն. իսկ ընդհակառակն՝ պահանջվածէն աւելի կուտան երբ օտարի մը յանձնեն իրենց զաւակները։

1870ին երեսփոխան ընտրըվելով՝ հրաւիրվեցաւ երեսփոխանական ժողովոյ մէջ աթոռի վրայ բազմելու։ Եյս ժողովոյ մէջ բաւականէն աւելի գործեց, որովհետեւ հոն գործելլ լեզուով էր և ոչ թէ ձեռքով։ Խւրատենաբանութիւններն երբեմն տարապայման կերպնային՝ և ունկնդիր ժողովրդեան գլխուն ցաւ կը պատճառէին. թէպէտեւ շատերը կը յարդեն Եռւսութեան էֆէնտիին ատենախօսութիւններն իրբեւ . . . քրտնեցուցիչ դեղ. և այս է պատճառ որ հարբուխ եղողները փոխանակ թէ, յ խմելով կամ ոտքերը տաք ջուրի մէջ դնելով քրտնել աշխատելու՝

Եռևուգեան էֆէնտիի երկարաձիդ ատենա-
խօսութիւնները մտիկ կընէին և քրտննելով
բժշկութիւն կը գտնէին։ Եթէ սովորութիւն
ըլլար որ թոյլ տրվէր կիներու մտնել երեսփ.
ժողովին մէջ, շատ մը կիներ ուխտի կերթա-
յին անոր երկարապոչ ատենախօսութիւննե-
րուն։ Երբ կարճ կը խօսէր՝ լաւ կը բացատ-
րէր իւր միտքն և զօրաւոր փաստերով կըմ-
բերանէր իւր հակառակորդները։ Ճշմարտու-
թիւնը ովք հարկադրէ զմեղ խոստովանիլ որ
լակոնական ոճին մէջ շատ յառաջ դացած է
իւր . . . հասակը . և երբ զինքը տեսնեմ՝
մտքէս կըսեմ.

Ո՞վ մարդ լակոնական, այդ հասակիդ
ոճը ինչո՞ւ չես գործածեր ատենախօսութիւն-
ներուդ մէջ։

Ոչ միայն երեսփոխանական ժողովոյ մէջ
այլ վարժարաններու և թատրոններու մէջ ալ
ըրած է ատենաբանութիւններ որոնց թիւն
այսօր վեց հազար ութը հարիւր իննունը վե-
ցի կը հասնի։ Իւր ատենաբանութիւններուն
մէկ մասը կսկսի։ «Խնամակալուհի Տիկնայք» ով
մէկ մասը «Տեարք և Տիկնայք» ով մէկ մասն
ալ «Տեարք» ով։

Ամեն պարզեւաբաշխութեան հանդէսնե-
րըն ինք կը բանայ. Եթէ երկու կամ երեք
հանդէս մէկ օրուան հանդիպին՝ երկուքին ալ
կամ երեքին ալ կը հասնի և դաստիարակու-
թիւնը բնաբան դնելով կը համոզէ հանդիսա-

կաններն որ ստակ տան։ Իւր համոզողական
խօսքերուն չնորհիւն է որ այսօր Միջազիւղի
Ս. Թարգմանչաց վարժարանը գոցվելու վիճա-
կի մէջ ինկած է։

1872 ին անդամ ընտրվեցաւ Քաղաքական
ժողովին որուն ատենապետն էր Ապրօ էֆէն-
տի, որուն հասակը լականովան ոճի բնաւ չէր
համապատասխաներ։ Եռևուգեան էֆէնտին
ատենապետիր էր և երբ ատենապետին քովն
նստէր՝ մարդու ինքնիրեն կըսէր.

«Եթէ այս երկու մարդերու կարծիքներն
այնպէս են ինչպէս իրենց հասակները, ժողո-
վը շատ դժուարութիւն պիտի քաշէ որոշում
մը տալու համար։»

Որոշ չգիտցվիր թէ այն ատեն ի՞նչ գործ
տեսաւ Քաղ. ժողովն։ Միայն աա յայտնի է
որ Պրուսայի առաջնորդ Գեր. Բարթուղիմէոս
եպիսկոպոս հոս կանչվեցաւ . Վերջը նորէն
տեղը զրկվեցաւ . դարձեալ հոս բերուեցաւ .
վերստին տեղը զրկվեցաւ . նորէն ետ պիտի
կանչվէր Եթէ Քաղ. ժողովին պայմանաժամը
լրացած ըլլալով՝ չհրաժարէր պաշտօնէն։ Եւ
որովհետեւ օրէն չէ Քաղաքական ժողովոյ ա-
տենապերութիւններն ՚ի լոյս ընծայել — ան-
շուշտ աջ ձեռքին գործած բարիքները ձա-
խին ցոյց շտալու համար — բնական է որ ա-
նոր մեղի ըրած աղէկութիւնները չկարենանք
յիշել։ Եթէ պաշտօնեաներուն վկայութեանը
գիմենք մինչեւ այսօր ասոնցմէ և ոչ մին քա-

ջութիւն ունեցած է խոստովանելու թէ ձեռքէս եկածին չափ աշխատեցայ ազգիս չարիք հասցնելու և խիղճս հանգիստ է : Քաղ. ժողովոյ անդամ մը երբ իւր պաշտօնէն հրաժարի կըսէ .

« Աշխատեցայ որչափ որ կարողութիւնս կը ներէր մեր ժողովին գործերուն մէջ կանոնաւորութիւն մուծանել . շատ բարիք ըրինք ազգին , բայց նա չճանչցաւ . եթէ մեր տեղը ուրիշ Քաղաքական ժողով մը ըլլար՝ ազգին վիճակը գէշ էր : »

Հիմայ շատ աղէկ է . . . խոստովանիմ և հաւատամ :

Ճնտեսական խորհրդոյ անդամ մը կըսէ .

« Մեր պաշտօնի գլուխ անցած ժամանակ մնտուկը շատ պարտք ունէր , իսկ հիմայ քիչ պարտք ունի , զոր վճարելու անկարող է : »

Ալ այնչափ մեր յոյսը կտրած ենք ազգ . մնտուկն պարտքէ խալսելէ որ , անոր քիչ պարտք ունենալն մեղի երջանկութիւն կը համարինք :

Կերջապէս ամեն պաշտօնեայ իւր անձնասիրութիւնները կը համրէ , և շատ զարմանալի է որ ազգն այսափ բարերարներ ունենալով չկարենայ լաւագոյն վիճակի մը մէջ գտնըլիլ : Մենք առանց գիտնալու թէ եռութեան էֆէնտին ինչ ընթացք բռնած է իւր այս պաշտօնին մէջ , կրնանք վկայել որ վարված չէ ոմանց պէս որոնք ազգային պաշտօ-

նատեղին այնպէս կերթան ինչպէս կերթաս դուն վաճառատունդ , միւն իւր խանութը և ես իմ գրասենեակս : Շատ մը պաշտօնեաներ կան որոնք ազգային պաշտօններու չնորհիւ իրենց չնդկաստանի ճանբան ապահոված են :

Եռուսութեան էֆէնտին պատիւ ունեցած է քանի մը անդամներ Միջադիւղի թաղական խորհրդոյ մէջ գտնըլիլու , բայց երբէք թաղական խորհրդարանի մէջ : Այսօր հաստառուած ճշմարտութիւն մ'է որ եթէ զինու որական ասպարէղին մէջ գտնըլիլով՝ զօրաբանակի մը հրամանատար անուանվէր պատերազմի ժամանակ , և եթէ այդ զօրաբանակն ալ Պաղտատ գտնըլիք՝ ինքն իւր թիկնոցին մէջ փաթարված՝ իւր Միջադիւղի տունէն դուրս չպիտի ենէր և Պօլսոյ մէջ հրամանատարութիւն պիտի ընէր Պաղտատի մէջ գտնված զօրքերուն : Եթէ իրեն գիտողութիւն ընէին այն ատեն իրեն խոհարարը պիտի զրկէր պատերազմի գաշտին վրայ իւր հրահանգները զօրաց հաղորդելու համար : Բնաւ կարեւորութիւն չտար այն վասներուն որ յառաջ կուգան ու և է պաշտօն մը ստանձնելով զայն չկատարելէ : Եւ ահա այս սկզբունքով է որ թաղ. խորհրդարան երթալով՝ իւր պաշտօնին գլուխը անցած չէ : Բայց իւր ընկերներէն մին մնտուկը պարպած է , քահանաներուն իրաւունքն իւր կոկորդն անցուցած է , աղքատին գրամը կլեր է . ինչ փոյթ . բաւական գրամը կլեր է . ինչ փոյթ . բաւական

Ե որ ինքն առանկ բան մը լրած չէ և հետեւապէս պատաժանատուութիւնը երբէք իւր վրան չառներ : Անհոգութենէ ծագած վասներն իրեն համար առաքինութիւն կը համարվին : Ծով ինկած մարդ մը եթէ ըսէ իրեն .

— կաղաշեմ էֆէնտի :

— Ատենապետութիւն ընեմ :

— կը խղդվիմ, ձեռքէս բռնէ որ ելնեմ...

— կը խոստանամ զքեղ խալսելու կը պատաժանէ և գրպանէն Մասիս լրագիրը հանելով կարդալու կղբաղի :

Իրեն սկզբունքով՝ այդ մարդը ծովէն հանած եղաւ, որովհետեւ խոստացաւ : Բայց մարդը խղդվեր է, հոգ չէ, Եռւսուֆեանի համար խալսած է :

Իբրեւ մատենագիր շատ ծառայած է ազգին չհրատարակելով իւր երկասիրութիւններն . . . եթէ բերայի հրդեհին մէջ հրոյ ճարակ եղած չեն : Եթէ իւր բոլոր ատենախօսութիւններն լոյս տեսած ըլլային՝ անպատճառ հազար հատոր պիտի կազմէին, և հետեւապէս, մեր կեանքն կարճ ըլլալով զանոնք ամբողջ կարդալու համար մեր թոռներուն պիտի պատուիրէինք շարունակել անոնց ընթերցումը, և եթէ անոնք ալ չկարողանային ըմնցնել՝ տարակոյս չկայ որ անդիի աշխարհին մէջ ալ Եռւսուֆեանի երկարաբանութիւնները կարդալով պիտի պատժըլէինք . . . : Ճշմարտութիւնը չփիրաւորելու համար կը հարկադըր-

վինք խոստովանիլ թէ՛ որքան ալ հրատարակված չըլլան իւր ատենախօսութիւններն, անոնցմէ մեծ մասը շատ ընդունելութիւն դըտած է ժողովուրդէն, որ փութացեր է անոնց իւրաքանչիւրին մէյմէկ արձան կանգնելու :

Ողիմպիական խաղերու մէջ շատ յառաջ դացած է, կըսեն . մանաւանդ առէնի մէջ։ Բոլոր մեծ մարդերու ողիմպիական խաղերէն մէկն է աս . որու մէջ ամենէն յաջողակը մըրցանակ կառնէ : Այս խաղերուն մէջ տրված մրցանակները յայտնի են: Այս ասպարէզին մէջ բաւական հրատարակութիւններ ունեցած է . . . սեղանի վրայ, որոնք չեն կարծեր որ անմեղ զրօսանքի սահմանէն անցած ըլլան :

Եռւսուֆեան՝ եթէ մաս մաս քննըլի՝ Քէօսէ էնէւոյին պէս ձանձրացուցիչ կողմեր ունի . իսկ երբ ամբողջութիւնը քննադատենք՝ ամենքս կը միաբանինք ըսելու թէ չար սիրտ չունի . ազգին շահն իւր շահուն չզոհներ, և երեսիոխանական ժողովին մէջ ճնշման ներքեւ չինար . . . ուրիշ բան է եթէ վսեմափայլ Տատեան Յարութիւն պէյին մէկ կարծիքը հերքելու վրայ է խնդիրը :

Իւր սկզբունքներն են .

Շատ խօսէ քիչ մտիկ ըըէ .

Եթէ քու չուզած մէկուն հետ տեսնըլիլ չես ուզեր, բացէ ՚ի բաց մի մերժեր զինքն այլ այնպիսի ժամադրութեան տեղ մը ընտրէ ուր չկարենայ գալ:

Երջանկութիւնը շատ անդամ պարդեւա.
բաշխութեան հանդէսներուն մէջ կը դտնըվի:
Խոստանալը կատարել է:

Եռտսուֆեան էֆէնտին կարճ հասակով,
բարձր գաղափարով, վայելուչ երիտասարդ
մ'է: Զմեռը այնչափ մեծ թիկնոց մը կը հագ-
նի որ մէջը կը կորավի. այնպէս որ զինքը
տեսնողը շըսեր թէ՝ «որքան մեծ թիկնոց հա-
գեր է» այլ կըսէ. «Եղբայր, կարծես թէ սա
թիկնոցին մէջ բան մը կայ: » Իւր սովորական
դէմքը կը յիշեցունէ մեզ այն մարդուն դէմ-
քը որ երեսուն քայլ հեռաւորութեամբ թըռ-
չունի մը ուշագրութեամբ նշան կառնէ և
երբ հրացանը կը պարպէ՝ կը տեսնէ որ թըռ-
չունը տեղէն անդամ երերած չէ:



ՍՏԵՓԱՆ ԱՍԼԱՆԵԱՆ

— Ըշա . . . Ըշա . . . Ըշա . . .

Եւ ահա կիները կսկսին իրենց գիտողու-
թիւնները յայտնել ինչպէս Պ. Տիրապը չմոռ-
նար իւր քննադատութիւնները հրատարակել
նոր գիրքի մը . . . կազմին վրայ:

Մանկութեան առաջին ձայնը նոր աշխա-
տասիրութեան մը ծանուցումն է, զոր նախ
դրացի կիները լսելով կը փութան գործը տես-
նել և քննադատել:

Այն քննադատութիւններն որ նորատիպ
երախայներու վրայ եղած են շատ աւելի օ-
դուտներ ընծայած են ազգին քան անոնք որ
նորատիպ մատեաններու վրայ գրված են:
Պատճառը պարզ է և յայտնի: Երախայի հե-
ղինակներն իրենց առաջին երկին պակասու-
թիւնները տեսնելով՝ աշխատած են միւս գոր-
ծերն նուազ թերութեամբ 'ի լոյս ընծայել:
Միթէ կիներու քննադատութեանպուղը չէ

տեսնել որ անդրամիկ մը միշտ հօր մը և մօր
մը Գլուխ Գործոցը չէ և միշտ կրտսերներն են
որ պատիւ կը բերեն իրենց հեղինակներուն՝
որք միայն իրաւունք ունին այսօր պարծենա-
լով իրենց մէկ կրտսեր զաւակին ձեռքէն բըռ-
նել, ազգին ներկայացնել զայն և ճակատա-
բաց կրկնել այն խօսքը՝ զոր Պ. Մամուրեան
ըստ Պ. Նորայրի բառարանի նկատմամբ թէ՝
«շատ աւելի գիւրին է բանադատել գործ մը
քան յօրինել, քանի որ բանադատութիւնը
սովորաբար մի քանի էական սկզբունքի վրայ
լինելով ընդհանուր տեսութիւններ կընէ քըն-
նելի գործի մասին . մինչդեռ հեղինակութիւն
մը աշխատութիւն և հմտութիւն կենթադրէ:»
Գիրքի հեղինակներն այսպէս վարված չեն
գդրախտաբար : Ուսո՞նք ո՛և է բանադատու-
թիւն իրբեւ յարձակում նկատելով՝ շարունա-
կած են իրենց միւս երկերն օժտել ճոխ . . .
թերութիւններով : Սուտ խօսած չենք ըլլար
եթէ թող տրիի մեղ խոստովանիլ որ մեր ազդն
այսօր ունի աւելի հանճարեղ մարդեր քան
հանճարեղ երկեր : Եթէ մեր հարուստները
հրատարակութեան ծախքը հոգային՝ աւելի
հանճարի տէր մարդեր պիտի ունենայինք :
Բայց հարուստները չեն յօժարիր այս բարիքն
ընելու : Ինչո՞ւ : Վասն զի իրենց ծախքով
մեծած, մեծած ու դաստիարակված տղայինե-
րու ճակատը չպիտի կրնան գրել ողորդւել և
հրադարակեալ որդեսք և ժամինաւ . . . աղջու , ինչ-

պէս գրել կուտան ճակատն այն գիրքերու՝
սրոնց տպագրութեան ծախքն իրենց քսակէն
կուտան :

Արդ քանի որ կիներուն քննադատու-
թիւններէն այսչափ օգուտ քաղած է ազգը,
կը ներես , ընթերցող որ անոնց ձայնը իրղ-
դեմ : Հարկաւ ոչ :

— Ըղա . . . Ըղա . . . Ըղա . . .

Խօսքը ձերն է կիներ . բայց կաղաչեմ
շատ մի երկնցնէք . . .

— Ոտքդ պագնեմ , ինչ սիրուն տղայ :

— Տիկին Մարթա , տես ինչպէս աղուռ-
րիկ է :

Երախայն կը ժպտի :

Ով շողոքորթութիւն . . . ամեն տարիք
կը սիրէ զքեզ :

— Ադ ինչ սեւ մազեր են քուրուկ . . .
ներկված են կարծես . . .

— Ըղա . . . Ըղա . . . Ըղաաաաաաաաաա
ի բաց գնա ով ճշմարտութիւն . . . ինչ
գործ ունիս մեր մէջ . . .

— Ուեւուն մեռնիմ , շատ խելացի զա-
ւակ է :

Երախայն հաւանութեան ցոյցեր կընէ :

— Մեծ մարդու պէս աչքերը չորս դին
կը պտըտցունէ :

— Ըղա . . . Ըղա . . . Ըղա . . .

— Ես չէի ըսողը , մեղայ . . .

— Ինչ բարկացող տղայ . . .

— Ըղա . . . Ըղա . . . Ըղա . . .
 — Երեսներուն վրայ վարդ է բացվեր :
 Ծիծաղը վերստին կը փայլի :
 — Աստուած թշնամիիս ասանկ զաւակ
 աայ :

— Ըղա . . . Ըղա . . . Ըղա . . . Ըղա . . .
 — Աս տղուն ինչպէս խօսելու է . գովես-
 տէն ալ չախորժիր :

— Կախորժի . բայց շատ սրամիտ ըլլալով
 կարծեց թէ թշնամիէդ վրէժ լուծելու հա-
 մար նշանիս առանք լուսի դարիր :

— Ես ձեզի բան մը ըսեմ . այս տղան
 կատակէ չախորժիր :

Ասոնք են ահա դիտողութիւններն զորս
 դրացի կիներն ըրին սոյն երկասիրութեան
 կազմին և գեղեցկութեանը վրայ , մեզի թող-
 լով անշուշտ անոր պարունակութեանը վրայ
 մերիններն ընել :

Ստեփան Ասլանեան , աշակերտ ճեմարա-
 նի , դարձեալ աշակերտ արքունի բժշկական
 դպրոցի , վարժապետ Ստեփան Բաբազեանի ,
 կառավարիչ աղքային երեսփոխանական ժո-
 ղովոյ ծնաւ : Ծնիլը հաստատապէս դիտենք
 բայց ծննդեան թուականին ճշգութեանը վրայ
 չենք կարող պնդել : Եւ իրաւունք ալ ու-
 նինք , վասն զի սուրբերու տօնախմբութեան
 օրերուն պէս ամեն տարի կը փոխի մեծ
 մարդերու ծննդեան . . . տարին : Զենք պըն-
 դեր , բայց շատ հաւանական է որ 1825 ին

ծնած ըլլայ . որովհետեւ երբ անդամ մը նկա-
 տողութեան առնենք այն վազն որով կը հա-
 լածէր Խրիմեանը՝ որ ծնած է 1823 ին , իս-
 կոյն կրնանք մակարերել որ Խրիմեանի աշ-
 խարհ գալն իմանալէն անմիջապէս ետքը
 ճանբայ ելած ըլլայ :

Ստեփան Ասլանեանի որորանն ըլլալուն
 վրայ իրաւունք ունի պարծենալ այսօր Բե-
 րայի թաղն՝ որուն վարժարանին մէջ առաւ
 առիւծորդին իւր առաջին . . . որսը : Սրա-
 մըտութեանն ու ճարպիկութեանը շնորհիւ
 սուղ ժամանակի մէջ իւր դասընկերները ճեղ-
 քելով առաջ անցաւ : Այնչափ կը վազէր դա-
 սերուն մէջ , ինչպէս նաեւ փողոցներուն մէջ ,
 որ վարժապետը կը խորհիւ զայն գտնված
 դասէն հանելով ուրիշ դասատու մը բերել
 տալ և անոր յանձնել . սակայն մէկ աշակեր-
 տին մէկ դասատու յատկացնելու դիմադրու-
 թիւն կընէր թաղական . . . մնտուկը : Կզդար
 ինք որ դասընկերներուն ծուլութեանը կը
 զոհվէր . որով կստիպվէր իւր դործը քալեցնե-
 լու համար , շատ անդամ անոնց օգնել : Երբ
 ընկերները դասի կենէին , ինքը յուշարարի
 պէս անոնց ետեւէն կըսէր այն օրուան դամն
 ինչպէս երեսփոխանական ժողովոյ մէջ կըսէր
 դասընկերներուն իրենց համարը : Իւր ան-
 դուլ աշխատութեամբն յաջողեցաւ չորս ամ-
 սուան մէջ ուսանիլ չամաձայնութիւնը զոր
 չէ կրցած սակայն դոյացնել օր մը ժողովոյ

մէջ : Տէր բային ուր ալ դտնվէր , անմիջապէս կը ճանաչէր , կարծես պարտք ունէր անոր : Վերջապէս օր մը դասատուին քանի մը սըխաները դտնելով համոզվեցաւ թէ այդ վարժարանն անկարող էր յագեցնել անօթութիւնն զրը կը . . . մնուցանէր սրտին մէջ ուսման և գիտութեան համար : Բախտաւոր էր , վասն զի այն ատենները ազդին զաւակներուն դաստիարակութեանը համար խորհող հարուստ գլուխներ և մարդեր կային :

1838 ին՝ բարեյիշատակ կարապետ ամիրա Պալեան և անոր քեռայրը Յովհաննէս , արքունի ճարտարապետներ , որոշեցին , ազգային մանկուոյն լոյս տալու նպատակաւ , իւսկիւտարի երուսաղէմի վանքն հիմէն նորոգելով վարժարանի փոխարկել : Այս որոշման վրայ ուրախացաւ Ստեփանիկն ինչպէս կուրախանայ աղջիկ մը երբ իրեն ըսես . եւ պարհանդէս ունիւ ուղէ : Այս ամիրաները երուսաղէմի Պատրիարքին իմացուցին իրենց որոշումը , խնդրելով նորին Սրբազնութենէն որ այդ շէնքն աղդին չնորհելու հաճելէն ետքը բարեհաճի նաեւ տարին հարիւր քսան հազար դահեկան տալ աղքատ տղայներու կրթութեան համար : Նորին Սրբազնութիւնն , որուանունն բարեբախտաբար Եսայի չէր , որ օր մը ենէր և աղդին ըսէր՝ լանիւ ուանե հինգ հարաբ ոսկի պարագաներու մէջ ունիւ ունի . օբհնեա՞լ Ճաղլուրութէ Քարենքէ այն ճարեւ , ընդունեց իրեն ներկայացված առա-

ջարկութիւնը : Հայկական հաստաբազուկ Եղբայրներ փլցուցին այդ մեծ վանքը . . . տասը վայրկեանի մէջ , ինչպէս կործանեցին Արմաշու միաբանները հոմանուն վանքը , ինչպէս պիտի կործանէ օր մը Մամբրէ Մուշի վանքը , եթէ գեռ կործանված չէ : — Այս , տասը վայրկեանի մէջ . իրարու երես նայելու հարկ չկայ . եթէ չէք հաւատար՝ ցոյց տուէք ազգային շէնք մը և հիմնայատակ ընենք տասը վայրկեանի մէջ . . . Հայու արիւն կը կրենք մենք : — Քանի մը շաբաթ ետքը վարժարանի մը շինութեան ձեռնարկեցին և քանի մը ամիսէն վանքին տեղ կանգնեցին վարժարան մը զոր Արիստոտէլեան ճաշակոլ կոչեցին ժէմառան ուր պիտի դասախոսէին դաստուները . . . պառկելով : 1838 գեկտ . 9 ին ճեմարանի գուները բացվեցան : Ալաննեան գիրքերը ժողվելուն պէս վաղելով ճեմարան մուաւ , և հազիւթէ դասերու բաժանումը պիտի սկսէր ամիրաներու դասուն բաժանումը սկսաւ :

Քանի որ ճշմարտութիւն է , ինչու վախնանք ըսելու թէ մեր դաստիարակութեան շէնքերը Յանոսի տաճարներ էին մինչեւ մօտժամանակներս . եթէ կռուոյ ժամանակ չէին բացվեր անոնց գոները՝ գոնէ բացվելուն պէս կռիւը կսկսէր և փակվելուն պէս խաղաղութիւնը վերստին կը հաստատվէր : Ճեմարանի բացվելէն քանի մը ամիս ետքը մէկ կողմէն աշակերտներու ոմանց ծնօղքը մեծ զրկանք

կը համարէին իրենց տղայները ճեմարան զըրկելէն ետքը տարեկան թոշակ վճարելը : Միւս կողմէն ամիրաներու մեծագոյն մասը կը փափաքէր որ ի փառու ազգին ճեմարանը . . . կործանվի , սպառնալով որ եթէ անոր դռները չփակվին՝ պիտի ստիպվէին ֆուլիայի առնել . . . ճեմարանը : Ազգին պատիւը կը պահանջէ որ , կըսէին , ճեմարանը գոցվի : Այս լուսոյ տաճարն սկսաւ օր ըստ օրէ պարտքի տակ ճնշրվիլ : Ամիրաները յաջողեցան երուսաղեմէ առնուելիք հարիւր քսանի հազար դահեկանի վրճարումն ուշացնելով և իրենց ծանօթներուն զաւակները ճեմարանէն քաշելով փակել տալ անոր դռները հասարակ այն ջանքերու՝ զորս ժողովրդեան արհետաւոր մասը թափեց կանգուն պահելու համար այդ շնչքը : Քանի մը տարի կռուոյ ասպարէզ ըլլալէն ետքը 1841 հոկտ. 3 ին դռնփակ նիստ ըրաւ ճեմարանը . . . իբրեւ պատճառ խռովութեան . . . կեցցէ ամիրայութիւն :

Չեզ կը հարցունեմ հիմա . ասանկ վարժարանի մը մէջ Բ'նչ կրնար սորմիլ Ասլանեան . անշուշտ լաւ կռիւ ընել . և եթէ այսօր աղդային կռիւներու մէջ մեծ համբաւ հանածէ , այն ալ ճեմարանի պարտաւոր է : Զմոռնանք սակայն հոս յիշել որ հոն համողվեցաւ Ասլանեան թէ անհրաժեշտ պէտք է Սահմանադրութիւնը հաստատել որպէս զի Ամիրայութիւնը կործանվի : Ամեն ազգերու մէջ այս-

պէս եղած է , երբ միապետութիւնն սահմանէն անդին անցած է՝ ծնած է հասարակապետութիւնն՝ որ միապետութեան ծնունդ արուած է երբ օրէնքը չարաչար գործածած է : Ես ժամանակ չունիմ հիմա պատմութենէն ոչ ալ Ալֆիէրիի Բռնաբարունիւնէն ապագոյցներ մէջ բերել հոս . եթէ իմտեղս բժիշկ Շիշմանեանն ըլլար՝ երկար յօդուածով մը կը հասկցնէր ձեզ թէ միապետութիւնը սահմանադրութենէն կերնէ թէ սահմանադրութիւնը միապետութենէն :

Այնշափ զգուեցաւ Աոլանեան ամիրաներու բռնած ընթացքէն որ ամիրաներու հետ բոլոր մարդերն ալ սկսաւ ատել . ահ , կըսէր օր մը , ջրհեղեղ ըլլայի և ամենը ջնջէի : Շատ ուշ հասկցաւ անշուշտ որ Նախախնամութիւնը մարդերը ջնջելու համար ջրհեղեղէն ետքը բժիշկները զրկեց ախտահճ . որք հին ժամանակներու մէջ ջրհեղեղէն աւելի գործ տեսանշատ ուշ հասկցաւ բայց բնութիւնը շատ կանուխ զգացուց իրեն թէ բժիշկ ըլլալու էր : Եւ արդարեւ քաջ բժիշկ ըլլալու համար նախ և առաջ Բ'նչ պէտք է ունենալ : Ապառաժի ձեւով սիրտ մը : Ե՞տքը : Ետքը՝ դանակ , ասեղ և դերձան : Ուրիշ : Մատիտ մը և կտոր մը թուղթ : Ասլանեան այս ամենն ունելով ունէի , մանաւանդ առաջինը , որու չնորհիւ կըրնար սառէ արիւնով ձեռք կտրել , աչք հանել , ոտք կոտրել և վերջը կարել : Եթէ նոր

աշխարհը բժիշկներու համար ալ կարի մեքենայներ հնարքը՝ բժիշկները այս ձանձրութենէն ալ կազմառվէին, մանաւանդ հիւանդներն ալ չարչարանքէն : Ամլանեան, ինչպէս ըսինք, բժշկութեան կոչում ունէր, ներգործապէս և կրաւորապէս, ուստի ճեմարանէն ելնելէն քանի մը ամիս ետքը արքունի բժշկական վարժարանը գնաց: Դարձեալ իւր մեղուաջանաշխատութեամբն սորվեցաւ թէ ինչպէս կապաննը վիճն մարդեր . . . առանց զէնքի . . . երբ կը տեսնեմ մարդասպան մը որ դատի ելածամանակը իւր յանցանքը պարապ տեղը ուրանալու կաշխատի, կը զարմանամ թէ ինչու դատաւորներուն դառնալով եւ բնէցէ եւ չըսեր ինքինքը արդարացնելու համար: Երբ էք ամիրաներու կամ Պատրիարքներու առջև ծունկը յանձնարարական թուղթ չըուրաց, միայն իւր խելքէն, ջանքէն յանձնարարվելով աստիճանէ աստիճան բարձրացաւ: Տասնապետ, յիսնապետ, հարիւրապետ, հազարապետ ըլլալէն ետքը բաշայութեան բարձր աստիճանն ելաւ ուր կը վախնամ ես ելնելու: Ահա մարդ որ կրնայ ըսել հանդարտ խղճմուանքով և պարծանքով. էս է՞րծերու շաւան էս: Այսօր սուր մ'ալ կը կախէ մէջքէն որպէս զի դեղերովը եթէ չկարենայ նպատակին համնիլ սուրը քաշէ: — կը փափաքէի որ բոլոր բժշկներն ալ մէյմէկ սուր կրէին, իրերւ նշան իրենց արուեստին — : կրնանք վկայել իրեն համար որ

արհեստը չարաչար չգործածեր. երբեմն աղքատներն ալ կայցելէ առանց գրամ ընդունելու — այսպէս չվարվող բժշկներն բամբասանքի կենթարկվին . լու, բայց գնահ հարուստ վաճառականի մը և աղքատի մը համար կտաւ ուղէ, կը ծաղրեն քեզի և չեն ալ բամբասպիր — : Օր մը երկու ծեր և հիւանդ կիներ իրեն դուռն ափ առած էին: Սպասաւորն դուռը բացաւ և կարծելով թէ այս կիներու ներկայութիւնն ձանձրոյթ կը պատճառէ Բաշցին՝ վրումեց զանոնք ըսելով ինչպէս որ սովորութիւն է.

— Հոս չէ, դուրս ելաւ:

Բաշան վերէն իմանալով եղելութիւնը՝ պատուհանը բացաւ և ըսաւ.

— Թող տուէք կիներուն ինձի դալ:

Եւ այդ ծերերը քովս առնելով անոնց բազկերակները քննեց, բայց ոչ ունելիով ինչպէս կընեն փափուկ բժշկներէն սմանք, դեղագիրը դրեց և ճանքեց:

Մինչեւ հոս իբրեւ Ասկղեպիոսի աշակերտներկայացաւ Ստեփան փաշան. ասկից ետքը պիտի տեսնենք զինք ազգ ային ասպարէզին մէջ Անաքարսիսի աշակերտ ատենախօսաւթեան մէջ. Մովուէսի հետեւող . . . օրէնքներու գործադրութեան մասին և կենդանի Պրոտէոս . . . գոյն փոխելու տեսակէտով:

Սահմանադրութեան հաստատութեան օրերը կը մօտենային, և ինքը կ'ուրախանար

որ ամիրաներէն վրէժ լուծելու ժամը պիտի հնչէր, այս պատճառով աշխատակից կը լլար այն ամեն անձերու որ պատիւ ունին այսօր Սահմանադրութիւնն հասդարող անունը կրելու : Ժամը հնչեց . ֆուլէնա վերցրվեցաւ և Սահմանադրութիւնը հրատարակվեցաւ : Ուրախութենէն նոյն օրը քանի մը ամիրա ծաղրեց :

1862ին անդամ եղաւ Սահմանադրութեան գործադիր ժողովին, որ չկրցաւ գործադրել Սահմանադրութիւնն անոր համար որ միւս անդամները Ստեփան փաշային պէս խիստ չէին գործադրութեան մէջ :

1863ին Քաղաքական ժողովոյ անդամ եղաւ, և առաջարկեց որ ազգային լրագիրներուն բերանը սանձ դրվի : Սահմանադրութեան բարեկամէ մը ասանկ առաջարկութիւն լսելը շատերուն զարմանք պատճառեց . բայց արդարացուց ինքզինք առարկելով թէ՝ առաջիւ լսի, բայց չըսի թէ առաջ դրվելն երբէ կառաւերու քին : Այս առարկութիւնն այն ատեն իբրեւ գոհացուցիչ նկատվեցաւ . բայց Ստեփան բաշա չկրցաւ իւր վրայէն վանել ժողովրդեան այն համոզումը թէ՝ իւր կարծիքները դեռ հաստատ հիման վրայ չեն և թէ այնքան փոխվելու ենթակայ են որքան մարդուս դիրքը :

1874ին Երեսփոխանական ժողովոյ ատենապետութեան աթոռին վրայ ելաւ նստեցաւ: Գլուխ եղաւ ձախակողմեան անուանված եւ

ըեսփոխաններուն՝ որք կը պնդէին թէ ազգին շահերը պաշտպանելու վրայ հիմնըված է իրենց կուսակցութիւնը, թէպէտ և աջակողմեաններն ալ պօռալէ չէին դադրեր թէ իրենք են ազգային շահուն պաշտպանները : Զախ կողման մէջ այնչափ խորը գնաց որ աջ կողմէն եկած հեւանդները չէր բժշկեր կամ, լաւ եւս, չէր մեռցուներ : Ատեն եղաւ ուր յայտնեց թէ Սահմանադրութեան վերաքննութիւնը ազգային շահերուն հակառակ էր . սակայն ժամանակ ալ եղաւ ուր ոչ միայն համաձայն դատեց այլ վարչութեան կազմակերպութեան համար ծրագիր մ'ալ պատրաստեց և Փռաջ լրագրի մէջ հրատարակել տուաւ : Իւր ատենապետութեան օրովն էր որ յաջողեցաւ Խրիմեանը վար առնել Սահմանադրութեան կտերը, ստորակէտները, բութերը չգործադրելուն համար, որոնց անդործադրելի ըլլալն ինք ալ հաստատեց վերջէն իւր պատրաստած ծրագրովք : Քանի մը անգամներ դուռփակ նիստ ընելով՝ ժողովուրդը գուրս հանեց . խորաններուն ետեւը վնտուել տուաւ և քիչ մնաց որ Աստուածածնայ պատկերն ալ դուրս հանել պիտի տար որպէս զի ճնշման ներքեւ շխօսին երեսփոխանները : Երբեմն ալ ատենապետութիւնը վարեց այն նաւապետին պէս որ նաւուն մըրիկի բռնըված ժամանակը օթեակը կը քաշվի և հրաժարական կը գրէ նաւուն տէրերուն : Ի վերայ այսր ամենայնի խոստովա-

նինք նաեւ թէ մեծ յարմարութիւն ունի ժողովը կառավարելու . . . երբ մըրիկ չկայ : Այնչափ լաւ համոզել գիտէ , այնչափ քաջ ուսած է կիրքերը յուղելու կամ , եթէ ուղէ , խաղաղելու արհեստն որ , կարող է զոյդ մը աղաւնիներն իրարմէ պաղեցունել կամ , եթէ ուղէ , կատուի և շան մէջ սէր և միութիւն հաստատել : Երբեմն երեսփոխաններն իրարու հեա զուգակշռելով կ'ըսէի . Օտեան խորհելու է , Ալանեան խօսելու է և ֆափաղեան դործելու է . և ամեն անդ ամ որ ազդը տագնապալից ժամանակներ ունեցած է , աշմենուն ըսած եմ . կ'երեւի որ դարձեալ Ասլանեան կը խորհի , ֆափաղեան կը խօսի և Օտեան կը դործէ : Այսպէս վեց եօթը տարի ատենապետութեան պաշտօն վարած է : Թէ պէտ և եթէ այսօր օրակարգը աչքէ անցունելու ըլլանք՝ կը տեսնենք որ ուրիշ բան չէ եթէ ոչ բանտ մը որուն մէջ եօթը տարիէ ի վեր բանտարկված խնդիրներ կան զորս հարցընող փնտող չկայ . մեռած խնդիրներ ալ պակաս չեն հոն : Օրակարգին մէջէն ենող խնդիրները փախչելով բանտէն խալսողներուն կարգէն են : Սակայն ասոնց պատասխանատութիւնը ատենապետին վրայ բերւցունելն անիրաւութիւն է . վասն զի քանի որ երեսփոխանութիւնը միշտ չնորհակալութիւն յայտնած է իր ատենապետին դիւրին է գուշակել թէ ուրիշ ատենապետի մը օրով ոչ թէ

միայն խնդիր մը այլ երեսփոխաններն ալ չը պիտի կրնային ենել օրակարգին մէջէն : Գրական ասպարէղին մէջ մտած չէ , թէ պէտեւ կրնար հոն աթոռ մը ունենալ : Եթէ քաջ խօսելու , մարդ համոզելու արհեստը պարունակող գիրք մը հրատարակէր՝ մեծ ծառայութիւն մը պիտի մատուցանէր ազգին : Վասն զի մեր երիտասարդներէն շատերն որ ինքինքնին պերճախօս կը կարծեն՝ մինչեւ այսօր օգուտ քաղած չեն մարդ համոզելու արհեստէն . . . երբ հացալաճառի մը կամ մասավճառի մը առջեւ գտնըլին : Ստեփան բաշան եթէ փափաքէր՝ դժուարութիւն չէր կրեր նաեւ հրատարակելու գիրք մը Առողջունութիւն անունով և որուն մէջ ընդարձակօրէն խօսիլ գոնէ մէկ հիւանդութեան վրայ որ բժկուելու ենթակայ է , ինչպէս նաեւ այն տենդերուն վրայ որ առաջ կուգան խօսք ուղելին և ատենապետին խօսք չտալին : Վերջապէս գրելու ձիրք և դիւրութիւն ունենալին ետքը չգիտենք թէ ինչ պատճառով այսափ հեռի կապրի այդ ասպարէղէն :

Սկզբունքներուն գալով՝ կրնանք հետեւեաները կարծել . . . այս տարուան համար :

Բարկութեանդ մէջ լեզուիդ իշխէ , ականջներուդ համբերութիւն մաղթէ , իսկ կիրքերուդ յարատեւութիւն :

Կարծիքները պէտք է սպասաւորներու պէս դործածել , շոյելու է զանոնք եթէ քե-

զի շահ կը բերեն . իսկ վոնտելու է երբ շահուդ կը դպչին :

Բամբասանքը հով մ'է որ կուգայ կանցնի . վայ անոնց որ ամեն հովէ կը շարժին :

Ստեփան բաշա վայելուչ հագուստով ,
միջին հասակով , միջին գերութեամբ գեղեցիկ մարդ մ'է : Վարդի պէս կարմիր այտեր և
ածուխի պէս սեւ յօնքեր ու մազեր ունի :
Ամեն անդամ որ տեսած եմ զինքը երեսփոխանական ժողովոյ ատենապետական աթոռին
վրայ կարծած եմ թէ լուծողական դեղ խմած
է որ մօտ է իւր արդիւնքը ցցունելու . եւ
միշտ ասանկ պարագաներու մէջ է որ ոտք ելնելով յայտարարած է , « Ատեանը գոցված է ,
տեարք երեսփոխանք : »

ՅՈՎՀԱՆՆԵՍ ՏԵՐՈՅԵՆՑ

Յովհաննէս Տէրոյենց կամ Յովհաննէս պատուելի կամ Պրուսացի Յովհաննէս կամ Յովհաննէս Տէր կարապետեան կամ Զամուրճեան Յովհաննէս , օգնական Պետրոս Առաքեալին , աստուածաբան , մատենագիր , փաստաբան գեւերու , լեզուագէտ , մաթեմաթիկոս , խրմբագիր , դասատու , կրիտիկոս , ծնած է , անցեալ դարուն վերջերը , Պրուսայի գիւղերէն մէկուն մէջ : Իւր ծննդեան հետեւեալ գիշերը ծնան գեւերն որոնց գոյութիւնն այն թուականէն ի վեր հաստատված ճշմարտութիւն մ'է :

Թուարանական հաշուով պարտ էր իրեն կիրակի օր մը գալ այխարհ , բայց ջերմեռանդ և բարեպաշտ ըլլալով ուղեց սուրբ պահել հանդստեան օրն և , այս պատճառաւ , քսանը չորս ժամ երկարածգելով իւր ծնունդն հետեւեալ օրը բարեհաճեցաւ ի լոյս գալ : Ականատես և հաւատարիմ պատմագիրներ կաւանդեն թէ , երբ մայրն եկեղեցի կերթարիւր սովորական աղօթքն ընելու՝ ինքն ալ մօրն արդանդին մէջ երկրպագու կը լլար Պետրոս առաքեալին պատկերին : Ոմանք այս աւանդութիւնը կը հաստատեն պատմելով թէ՝ ամեն անդամ որ գիպուածով այս առաքեալին խօս-

Քը կը բացվէր, մօրը ցաւը կը բռնէր և որ չէր
անցներ մինչեւ որ եկեղեցին չերթար և այն
պատկերէն կտոր մը . . . չուտէր : Դրացի կի-
ներու այն գուշակութիւններն՝ որովք կը մար-
դարէնային յայտնելով իւր մօրը թէ՝ տղադ-
կամ ձկնորս պիտի ըլլայ կամ ուրացող, լիովին
կը վաւերացունեն պատմագիրներուն խօս-
քերուն ստուգութիւնը : Տէրոյենցին բարե-
պաշտութիւնը այսօր առած դարձած է, վկա-
յութիւններու կարօտութիւն չունի : Ծնած օ-
րէն սկսաւ պահեցողութեան . չորեքշաբթի և
ուրբաթ օրերը երբ մայրն ծիծն անոր բերանը
կը դնէր, Տէրոյենց կը մերժէր նետելով իւր
մօրը վրայ այնպիսի նայուածք մը՝ որ կը թարդ-
մանվէր . ինչո՞ւ կոտիզե՞ս զի՞ս պահո՞ս սուբէլ ժայռէն . —
այս թարգմանութեան նշութեանը կը վկա-
յենք, որովհետեւ Տէրոյենցինը չէ : Ծոմա-
պահութեամբ ալ ոչ նուազ նշանաւոր է Պատ-
ուելին, եթէ այսօր դասատու մը կամ խըմ-
բագիր մը գրամ չունենայ հաց առնելու և
մինչեւ իրիկուն անօթի մնալ ստիպի՛ Տէրոյեն-
ցի պէս բարեպաշտ է կըսեն :

Զամուրճեան Պրուսա անցուց իւր ման-
կութեան և պատանեկութեան օրերը : Ամեն
առաւօտ կանուխ եկեղեցի կերթար : Իւր ա-
զօթքին մէջ թէպէտեւ երկնից արքայութիւ-
նը կը խնդրէր, սակայն հարուստ ամիբաներ
ալ խնդրելու չէր մոռնար : Նեղութեան ժա-
մանակները կստիպվէր երբեմն մարդուս սխա-

լական ըլլալը հաստատել ըսելով, արտայանելու
ենութեան բայց հացագործը ուրամ կուտէ, ամբաներ գու-
նէն, Ասորուած, և ամէն բան սանեցած կըլլամ : Ազօթ-
քըն աւաբանելէն ետքը շապիկ կը հագնէր ու
ձայնաւորութիւն կընէր : Զայնն այնչափ բար-
ձըր էր որչափ իւր ոճը, այնչափ անուշ որչափ
իւր յօդուածները և այնչափ բարակ որչափ
երեւակին թուղթը :

1832 ին Պօլիս եկաւ Տէր կարապետեան
իւր ձեռքն ունենալով պայուսակ մը որ կը
պարունակէր չորս շապիկ, վեց վարտիկ, քա-
նի մը հայերէն գիրքեր, քիչ մը զրպարտու-
թիւն, ծրար մը կուիւ, չորս թաշկինակ, կը-
տոր մը պանիր և կտոր մ'ալ վեհանձնութիւն:
Ասոնցմով կրնամ, կըսէր, քիչ մը ժամանակ
ապրիլ : Արդարեւ երեք չորս ամիսի չափ Պօլ-
սոյ փողոցները քննելէն ետքը ներկայացաւ
Յովհաննէս գոտֆոյին որ իւր զաւակներուն և
աղքատներու համար մասնաւոր վարժարան
մը բացած էր իճասիէ՛ զոր քանի մը տարի
առաջ Միսաքեան խաչատուր, երեւելի գրա-
դէտ, Հեարաւանի փոխեց գրականութեան
փոքրիկ ծառայութիւն մը մատուցանելու նը-
պատակով : Այս վարժարանին դասատու —
Տնօրէնութիւնը ստանձնեց Զամուրճեան : Նախ
աշակերաններուն սկսաւ սորվեցնել թէ ինչ
գիրք առնելու է մէկն աղօթելու ժամանակ,
թէ ինչ զգուշութեամբ ծռելու և գետինը
համբուրելու մէէկը գայթակղութեան տեղի

չտալու համար, և այս ուսումն կամ գիտութիւնը լաւ տպաւրելու համար աշակերտներուն . . . ծունկերուն մէջ, առաւօտէ մինչեւ երեկոյ այնչափ երկրպագութիւն ընել կուտար որ խեղճերուն բանալըներուն ծունկերը երկու օրը անդամ մը կը բացվէին: Աշակերտներուն ծնողքը տեսնելով իրայ վիճակը, կանչի կտոր մը կարեցին բանալըներուն ծունկերուն վրայ: Ես ալ օգուտ չըրաւ, և աշակերտներն սկսան իրենց բանալըն վեր առնելով աղօթք ընել: Աս ալ չյաջողեցաւ և վերջապէս որոշվեցաւ որ աշակերտներն իրենց բանալըն հանեն և այնպէս աղօթեն: Այս եղանակով քանի մը տարուան մէջ աղօթք ընելու գիտութիւնն անոնց սորվեցունելէն ետքը սկսաւ դասախոսել այն բաներու վրայ զորս չէր գիտեր: — Այս՝ չէր գիտեր, բայց սորվելու մեծ փափաք ունէր: Ինքը ժամանակին յարգը լաւ գիտեր. ինքնիրմէ կ'աշխատէր գիշեր ցերէկ և անշուշտ այս անդուլ աշխատութեան նորհիւն է որ այսօր բաւական լեզուներ գիտէ, կ'ըսեն: Եթէ այսօր լեզուները խառնելու պէտքն ըդդացվի՝ կարծենք իրմէ աւելի արժանաւոր և յաջողակ մէկը չպիտի կրնան գտնել — : Երբ այդ աշակերտները եկեղեցի կ'երթային և դասուն ետեւը շարվելով երկրպագութիւն ընէին՝ ժողովուրդը կ'ըսէր. առէին, առէին, չ'նչ առանձնական բղնուեր, և Զամուրճեան ինքինքը փառաւորված կը կարծէր ազգին այսպիս

ծունկ չոքող աշակերտներ հասցնելուն վրայ: 1838 ին աղայվեցաւ ձեմարան մտնել իբրեւ փորձառու և իբրեւ ուսումնապետ: Հոն մտնելուն հետեւեալ օրը ծրագիր մը պատրաստեց և սկսաւ գործադրել: Այս ծրագրով աշակերտ մը ինը տարուան մէջ պիտի սորվէր չայերէն լեզուն այսպէս:

Երեք տարի քերականութիւն.

Երեք տարի ճարտասանութիւն.

Երեք տարի տրամաբանութիւն:

Քերականութիւնն ալ երեք տարիի բաժնեց.

Մասն առաջին՝ բառագիտութիւն.

Մասն երկրորդ՝ զուդագրութիւն.

Մասն երրորդ՝ շարադրութիւն:

Այս քերականութեան վերջին նրկու մասելը արժանի չեղան լցու տեսնելու. բայց առաջինը մեծ, խիստ մեծ ընդունելութիւն գտաւ . . . նպարավաճառներէն, որոնք յիշեալ քերականութեամբ սորվեցան թէ ինչպէս պանիր կը փաթարվի թուղթերու մէջ: Խօսքին ութը մասերուն մէջ զգալի փոփոխութիւններ ըրաւ. Անունին պաշտօնը Մակրայի տուաւ, Մակրայինը Դերանունին, Դերանունին պաշտօնը Շաղկապին, և այնպէս վարվելով բարեկարգեց Հայաստանը. . . Քերականութիւնն ըսել պիտի ուղէի: Վարժարանին յառաջադէմ աշակերտները սկսած էին

այն քերականութեամբ սխալ խօսելու և սխալ դրելու վարժըվիլ, երբ անոնցմէ մին անոր սխալները Պատուելին ցոյց տուաւ : Այն օրէն ետքը յիշեալ քերականութիւնն իրրեւ վարժութիւն տրվեցաւ աշակերտներուն որ մէջի սխալներն ուղղելով կանոններուն համեմատ դրեն : Պատուելին հոն ալ չկրցաւ երկար ատեն մնալ . վասն զի ձեմարանը գոցվեցաւ :

1846 ին լրագրական ասպարէզին դուռը բաց գտնելով ներս մոտաւ : Թուղթ մը գտաւ, առաւ և վրան Հայաստան գրեց — Քիւրտստան ըսէ, Քիւրտստան, կը պուայ Սըր Լէյըրտ — և սկսաւ հրատարակել : Հայաստանով սկսաւ Հռովմի գաճը գովաբանել, որով քիչ ժամանակի մէջ այնպիսի ջարդ մը տուաւ ընթերցողներուն որ իրմէ զատ Հայաստան կարդացող չմնաց :

1848 ին տեսնըվելու բարեբախտութիւն ունեցաւ Ցէրիէրի կարդինալին հետ որ Հռովմէն հոս զրկված էր մոլորեալ և հերետիկոս քրիստոնեաները համոզել որ Ս. Պապին հողաթափը համբուրեն : Սկսաւ պատմել Տէրոյէնց թէ՛ ինչպէս եղեր է որ Նախորդ բառը Նաշէրէն ելած է, թէ՛ բրօչտէրէ բառը բրօ և չէրէրէ բառերէ ծնած է — բրօ Երիկն, իսկ չէրէրէ կնիկն անշուշտ — թէ՛ բուրդոնքէնում բուրդուառէն կելնէ — բէրէրինքն ալ մունալու չէ — թէ հայերը Քիւրտստի վրայ երկու Նախորդ չեն ճանչնար, թէ՛ Հողւոյն Սըրոյ համար միայն

ի հօրէ բրօչտէրէ կըսեն . թէ՛ ի յորդւոյ բրօչտէրէ ըսելը չեն ընդուներ հայերը, թէ՛ Հայաստանեայց եկեղեցւոյ դաւանանքը Հռովմայեցւոց պէս է և թէ՛ հայերը Հռովմայնախաղահութիւնը կընդունին և կը փափաքին որ սէր և միութիւն հաստատեն Հռովմայ աթոռին հետ : Զամուրճեան՝ Հասունի պէս ափ մը հայ չէր ուղեր արքայութիւն տանել, այլ կը փափաքէր որ բոլոր հայերն մէկէն տանի արքայութիւն Հռովմի ճանրով : Սակայն չյաջողեցաւ . և եթէ այսօր հայերը գժոխք երժան՝ Պատուելին յանդիմանելու իրաւունք չունին :

1857 ին սկսաւ Երեւան անունով տիսուր հանդէս մը հրատարակել : Օր չէր անցներ որ հաւն երեք անդամ չխօսէր հոն : Դեւերու գոյութիւնը ուրացողները հերետիկոս կը հռչակվէին, և ինք ամեն ճիդ կը թափէր գեւերու գոյութիւնն հաստատել իւր . . . գոյութեամբը, և, որ զարմանալին է, դատը միշտ կը վաստիէր : Հռովմայ եկեղեցւոյն գէմխօսողները աղգին մէջ բողոքականութիւն տարսելու զրպարտութեան կը մատնըվէին : Այն ատենները Մասիս, Մանուկյան և Մելքոն, որք բաժանորդ չէին Երեւանին . . . կարծիքներուն, անդապար անոր գէմ կը խօսէին : 1864 մարտ 16 ին Զամուրճեան ելաւ Մասիսի խմբագրապետին գէմ դատ բացաւ : Այս դատին համառօտ արձանագրութիւնը հոս կը հրատա-

ըակենք ի զուարճութիւն մեր ընթերցողներուն :

Սրբազն Պատրիարք . — Դուք երկուքդալ Հայաստանեայց եկեղեցւոյ զաւակ ըլլալով ի՞նչ է պատճառն որ քանի մը ատենէ ի վեր ձեր մէջը անհամաձայնութիւն մը կը տիրէ :

Տէրոյենց . — Ես անոր անձին հետ դործ չունիմ, Սրբազն :

Իւթիւնեան . — Ես ալ չունիմ :

Տէրոյենց , — Ամեն թերթի մէջ ինձի կանապատուէ :

Իւթիւնեան . — Սուտ է, ես բնաւ անպատուած չեմ զինքը . Ես ճշմարտութիւնը կը գրեմ. ինքն է որ կանպատուէ զիս Շահաժըտն հերեակն անուանելով :

Սրբազն Պատրիարք . — Ինչու անանկ բաներ կը դրես, պատուելի :

Տէրոյենց . — Որովհետեւ Նալբանդեանն ալ դռնամիջեանն է, և այս Նալբանդեանը համարձակեցաւ օր մը դիւաց դոյութիւնը ուրանալ :

Տ. Յ. Հիւնքեարպէյէնտեան . — Ատկէ բոլոր դռնամիջեաններուն հերետիկոս ըլլալը կը հետեւի :

Տէրոյենց . — Զհետեւիր մի եա :

Իւթիւնեան . — Միշտ պապականութիւնը կը պաշտպանէ, և երբ Հայաստանեայց եկեղեցւոյ դէմ յարձակում տեսնէ՝ ձայն չհաներ:

Տէրոյենց . — Հայաստանեայց եկեղեցին պաշտպանութեան պէտք չունի :

Սրբազն Պատրիարք . — Պատուելին ասկէց վերջը Հայաստանեայց եկեղեցին պաշտպանելով այս արատն վրայէն կը ջնջէ :

Տէրոյենց . — Կը պաշտպանեմ. բայց նախ պատիւս տեղը բերէք :

Հիւնքեարպէյէնտեան. — Սակարկութիւն կընէք, Պատուելի :

Տէրոյենց . — Ի՞նչ իրաւունքով ինձի եօթանանամեայ ըսած ըլլալուս համար հերետիկոս եղած կըլլամ, բուն տարիքդ զրուցէ, շաբաթ աւուր Մասիսին մէջ հրատարակեմ:

Տէրոյենց . — Միշտ կանպատուէ զիս :

Իւթիւնեան . — Քաւ լիցի . Ես խղճի ազատութիւնը կը յարգեմ. Եթէ Պատուելին խոստովանի թէ պապական է, այն ատեն բան մը չեմ ըսեր . . . :

Տէրոյենց . — Եկեղեցին ընդունիր խղճի ազատութիւն :

Սրբազն Պատրիարք . — Հաշտվեցէք :

Իւթիւնեան . — Ես անոր անձին հետ դործ չունիմ. առէք Մասիսը և հաշտեցուցէք, եթէ կրնաք, երեւակի հետ :

Սրբն Պատրիարք . — Ի՞նչ կըսէ, Պատուելին :

Տէրոյենց . — Հերետիկոսութիւն ընեն որ ես ալ չգրեմ:

Տէրոյենց Պատուելին խթիւճեանի ճակատէն համբուրելով կէս-հաշտութեամբ տուն կը դաւնայ : Քանի մը ամիս ետքը այնչափ ջերմեռանդով կակաի ջատադովել պապականութիւնն որ Մօս անուն անդրալեռնական լրագիրն 1864 դեկտ. 12 թերթին մէջ հետեւեալը կը հրատարակէր .

« Կ . Պօլսոյ մէջ, Երեւակ, շարաթական թերթ մը , չմիացեալ Հայոց ամենէն ներհուն և ամենէն լուրջ անձէն խմբագրեալ, զանոնք իրենց Հռովմէական եղբայրներէն բաժնող նախապաշարմանց և կանխստկալ կարծեայ միջնորմը խրամատեց . . . իւր զէնքերը Հռովմայ զինանշանները կը կրեն »

Խոստովանիմ և հաւատամ :

Խոռովութի՛ւն ամենեցուն :

Երեւակին երկրպագեսցուք :

Այս է ահա Պատուելիին խմբագրական կեանքը : Իւր չնորհիւ աղդային լրագրական ասպարէզն տղայական և անօդուտ վիճաբանութիւններու թատրոն հանդիսացաւ : Երբ Հայ թերթ մը փափաքէր քիչ մը լոյս վառել, Պատուելին կուգար կը փչէր զայն : Մինչեւ այսօր երբ կը մինի խնդիր մը ծագի՝ Պատուելին առանց հրաւէրի սպասելու ասպարէզ կը նետիի և ակարելով որ բողոքականունիւնը աղդին հջարդենու ջաները կը լուսով սկիզբ կուտայ իւր յօդուածներուն որոնց վերջ կը մաղթենք մեր բուլը սրտով :

Բայց Պատուելիին աղօթքներն ընդունելի եղած էին . գրեթէ միշտ Ամիրա մը գտնըված էր իրեն ձեռնտու : 1865ին կարապետ Ամիրա նուիրեց Երուսաղէմին գումար մը որուն տոկոսը , տասը ոսկի օամանեան , Պատուելիին կը տրվի ի վարձատրութիւն Եկեղեցական Պատմութեան մը զոր պիտի գրէ Զամուրճին : Այս աշխատասիրութիւնը գեռ ի լոյս չեկաւ և գալու պատճառ մը չունի . վասն զի Պատմութիւնը գալուն պէս Պատուելիին տասը ոսկին պիտի երթայ : Տարակոյս չկայ թէ կարելի եղածին չափ ընդարձակել պիտի ջանայ Պատուելին այս Պատմութիւնը :

Բաց ի Զօհու և Երեւակ հանդէսներէն քանի մը գիրքեր գրած ու թարգմանած է : Բասդալայ խորհրդածութիւնըն երեւելի տեղ մը բռնած է այսօր թարգմանութիւններու մէջ իւր . . . սխալներովը : Այս գիրքն աշտարակաշինութեան ժամանակ թարգմանված ըլլալուն պատճառաւ է որ Բասդալին ըսածը սխալ հասկցած է Պատուելին . թէպէտ և ինքը կը պնդէ որ շատ հաւատարիմ գտնըված է թարգմանութեանը մէջ , և եթէ տեղ տեղ սխալ թարգմանված է՝ պատճառն այն է որ բնագիրն ալ սխալ գրված է : Խորհուրդ Գալունի ընկերութեանց որ գարձեալ անդրալեռնականութիւն կը հոտի և գլխու ցաւ կը պատճառէ : Քաղաքավարութիւնն ուսկից բնաւ օդուտ քաղած չեն Երեւակի և Զօհալի յօդուածները :

1871 ին երեսիոխանական ժողովոյ անդամ ընտրվեցաւ, բայց ինքը մերժեց առարկելով թէ մեղք կը համարէր կիրակի օրերը ազգին բարիք ընելը։ Չմոռնանք ըսել թէ՝ կիրակի օրը աղքատին ողորմութիւն ալ չտար։

Պատուելին իւր սուր յիշողութեան չնորհիւ կրօնի մասին ընդարձակ տեղեկութիւններ հաւաքած է գլխուն մէջ։ Լաւ հեզնել դիտէ։ Օր մը իւսկիւտար Ս. կարապետ եկեղեցոյն մէջ ապատկալի քարոզի մը ունկնդիր ըլլալէն ետքը դուրս ելաւ եկեղեցիէն ըսելով։

« Գաւաղանը ասանկ մարդերու ձեռք տալու տեղ կրնակը տալու է։ »

Տրամաբաննելու մեծ յաջողութիւն ունի։ և եթէ հաճի օր մը, գոնէ օր մը, արդար գատի մը պաշտպան կանգնիլ ակներեւ պիտի երեւի որ զինքը գերազանցող զիայ այս ճիւղին մէջ։ Տիեզերական Պատմութեան ալ օտար չէ, և առանց ճակատը շփելու ծանօթութիւններ կուտայ այն ամեն անձերու վրայ՝ որոնց գործերը, քանիերորդ գարուն մէջ եկած ըլլալը, երբ մեռնիլը, դդումը միսով թէ ձէթով ուտելը, առաւ օտաները կաթ թէ խահվէ խմելը, շարաթը քանի անդամ ածիլվիլը, կատու թէ շուն սիրելը կուղես իմանալ։ Ամենէն նշանաւոր հեղինակներուն գործերն ուշի ուշով կարդացած և ըղեղին մէկ անկիւնը զետեղած է։

Այն համբաւն որ կը վայելէ և որ այն քան կը վայէ իրեն՝ որքան իւր երկար վե-

րարկուն, շատերու փափաք կը ներշնչէ անդամ մը գոնէ տեսնել այս մարդն որ հրապարակի վրայ այնքան գոռում գոչում կընէ։ Ինչպէս ժամանակով Աղէքսանդր Դիոդինէմն այնպէս ալ երբեմն Ամիրաները Պատուելին տեսնելու կերթային։ և երբ առաջարկէին իրեն ինչոք գոնէ կը պատուելին կը պատասխանէր կը ինչոք որ դրամ դարձ էնչ։ Ամիրաներն այս աղատ և հանճարեղ պատասխանին վրայ հիանալով կը քաջալերէին զինքը սակիներով, զորս անձնանուիրաբար կառնէր Պատուելին . . . կիրակի օրերը, և այդ գումարներով Հայաստանեայց եկեղեցին կը պաշտպանէր։

Տէր կարապետեան սովորական կերպով նստիր իւր սենեակին պատուհանին առջև։ Եթէ փողոցը նայիլ հարկ ըլլայ՝ մեղի պէս գըլուխը պատուհանէն դուրս չաներ այլ ոտները։ Շատ անդամ զարմացած եմ թէ ինչպէս կրնայ տեսնել ոտներովը, մանաւանդ թէ անոնց վրայ ակնոց ալ չէր գներ։ Ոտներէն մէն կուն մատներէն անցած է իւր ծխափայտն որ կարգելու իրեն դուլպայ հագնիլը։ Եթէ հարկ ըլլայ իրեն յօդուած մը գրել կրօնի վրայ, կերթայ գրասեղանին առջև, որուն վրայ միշտ անպակաս է գրիչ, մելան և ածուխ։ Վայրկեան մը կը խորհի և կոկոի գրել։ Գրութիւնն աւարտելուն պէս կերթայ բազմոցին վրայ կերկնայ և գիլք մը առնելով կը կարդայ։ Բարեկամ չունի . . . բացի գիրքերէն՝ որոնց

իւրաքանչիւրն իւր տեսակին համեմատ շարած է մատենադարաններուն մէջ :

Պատուելիին վարդապետութիւններն հետեւեալներն ըլլալու են .

Պէտք է մարդերն իրենց խօսքերէն դատել և ոչ դործերէն . և երբ մէկն ըսէ մեղթէ ևս վաճառական էս և երթայ լեռներն աւազակութիւն ընէ , պարտաւոր ենք զայն իրեւ պատուաւոր վաճառական յարդել . վասն զի բերանը սրտին թարգմանն է .

Ժամանակին յարմարիլը փոքր մարդերու գործ է , մեծ մարդն այն է որ դիտէ ժամանակն իրեն յարմարցնել . վասն զի հագուստը պարտաւոր է մարդուս յարմարիլ և ոչ թէ մարդս հագուստին .

Լաւ է Սրբազն Պապին ոտները համբուրել քան էջմիածնայ եպիսկոպոսներուն ձեռները .

Ոչ թէ ժամանակն այլ դրամն է որ կը փոխէ ամեն բան .

Երբ ճանբայ մը բռնեցիր շարունակէ զայն եթէ սիսալ ալ ըլլայ :

Պատուելին պարզասէր է . . . հագուստի մասին , սխալ չհասկցվի : Օր մը երբէք մտքէն անցուցած չէ նեղ կոշիկներու մէջ չարչարել իւր ոտները . այնչափ մեծ և ընդարձակ են իւր ոտքի ամաններն՝ որոնց մէկ հատը միայն կը լինայ երկու հոգի միանդամայն հագնիլ և առանց նեղութիւն իմանալու քայլել : Երկար

վերարկու մը կառնէ երբեմն իւր վրայ ինչպէս երբեմն վրան առաւ ճեմարանի ուսումնապետութեան պաշտօնը . . . ուրիշ մը եթէ վրայէն քաշէ առնէ վերարկուն՝ ինքը չիմանար : Կեանքին մէջ երբէք փողպատ և ողջ մտութիւն գործածած չունի . ոչ թէ չունենալուն համար , այլ ինքինք նեղութեան հպատակ չընելու համար : Բանբուլն շատ ընդարձակ է հակառակ այն անհիմն զրոյցներուն՝ որովք շատերը կուզեն հաւատացնել թէ , իւր եկեղեցական պատմութիւնն աւելի ընդարձակ է :

Զամուրճեան հաստկով և կզակով երկար , համբաւով և քիթով մեծ , գոյնով և մաղերով ճերմակ , աչքով կապոյտ քաջառողջ մարդմէ : Ճակատն այնքան խորշոմ ունի որ արդուկն անդամբաւական չէ շտկել զայն : Մատներն երկար են և աստուածաբանութիւն գըրելու կոչում ունին : Ուզած ժամանակը ձայնն այնքան հաստ կը հանէ որ որոտման կարծիքը կուտայ լսողներուն :

Զամուրճեան կը նկարագրի դետինը պառկած կոնակի վրայ և գերք մը բռնած : Ճակատին վրայ մեծ տառերով վիմագրված է կը ծած : Դեւերու խումբ մը շրջապատած են զինք և զինեալ են զէնքերով որոց վրայ պատրաստիւն գրոշմիւծ է : Քիթին վրայ միշտ կը բզզայ հըմը և երբեմն կը խայթէ : Մասիս , Արեւելեան Մամուլ անոր վերարկուէն կը քաշեն : Քարա-

քաշեան կը ներկայացնէ իրեն տղու խաղալիկ
մը որուն վրայ գրված է հրձակն ուսունիս : բռ-
վը գետնի վրայ փռված է աքաղաղ մը որ ի-
րեն համար զոհված է երեք անդամէն աւելի
խօսած չըլլալուն համար : Քանի մը հոգիներ
Պատուելիին գլխուն վերեւը կայնած փրցու-
նել կաշխատին այս պսակը զոր նուիրած էր ի-
րեն երբեմն Պատրիարքարանի հաւատաքըն-
նութեան սուրբ ատեանը : Եւ Պատուելին ի-
րեն շուրջը գտնըվողներուն այս հեգնութիւն-
ները տեմնելով կը դառնայ անոնց կը նայի
այնպիսի դէմքով մը , զոր մենք կունենանք
երբ տասնը չորս տրամ անդ դիական ալ՝ ջուրի
մէջ հալեցնելով խմենք :

ԿԱՐԱՊԵՏ Ս. ԻՒԹԻՒՃԵԱՆ

Կարապետ Ս. Իւթիւճեան , Խմբագիր-Տը-
նօրէն Մատուական լրագրույ , ազգային
երեսփոխան Ընդհանուր ժողովոյ , ծնած է ,
Պալատ , 1823 Հոկտեմբերի 18 ին : Վիպագիր-
ներէն ոմանք կը ջանան հաստատել թէ իւ-
թիւճեան ծնած ժամանակն այնպիսի հեգնա-
կան դէմք մը ունէր որ կարծես դայեակին ը-
սել կուղէր . ի՞նչ ժէ գործ ունո՞ր : Կան պատմա-
գիրներ որ , հակառակը պնդելով , կը զրուցեն
թէ իւթիւճեան աշխարհ փոխագրված ժամա-
նակն այնչափ խոժոռագէմ էր որ դայեակը
վախնալով ինքինքը սենեակին դուրս նետեց
և , գինիի մէջ քիչ մը մոխիր խառնելով խմե-
լէն ետքը , դրացիներուն վաղեց աղդարարել
թէ առջի գիշերը տեսած մէկ երազն կատար-
ված էր : Դայեակը երազին մէջ տեսած էր որ-
պէս թէ մէկն սագի փետուրով ահագին
քարեր կը նետէր իւր վրայ : Երախայն այս
բաներէն բնաւ տեղեկութիւն չունէր . իւր
սովորութեանը համեմատ տասը տարի ետքը
խմացաւ , սակայն այս ատեն ալ լրագիր չու-
5

նէր որ Ներքին Լուրերուն մէջ հրատարակէր :
Կարապետ մօրն արդանդէն բաժնըվելուն
պէս զգաց թէ մարդս պարտաւոր է նախ իր
փորը գոհայնել և ապա բաժնորդները : Ուս-
տի մօրը ծիծերէն կախվեցաւ և այնչափ ան-
յադաբար ծծել սկսաւ որ քանի մը ամիսէն
մօրը ծիծերը բոլորովին պարզեց , և ստիպվե-
ցաւ մնացած ամիսներն աղուէսի կաթով ան-
ցունել :

1834ին ուսում և գիտութիւն առնելու
համար Պալատու վարժարանը մտաւ այն ձե-
ւով որով կը մտնէ այսօր մրգավաճառներու
խանութը ինձոր առնելու համար : Դասատու-
ներու հետ շատ անդամ կը վիճաբանէր : Ա-
պուշ տղայի մը պէս իրեն տրված ամեն դասն
առնելով տուն չէր դառնար . շատ անդամ իւր
դասատուին կը լսէր .

— Այս տուած դասդ աղէկ չէ . ես աղէկ
տեսակէն կուզեմ :

Դասատուն կը ջանար համոզել զի՞նքը թէ
տուած դասը լաւագոյն է : Իսկ իւթիւնեան
դասատուին խօսքերուն ընաւ կարեւորութիւն
չէր տար և կը պնդէր որ դասն առաջին տե-
սակէն ըլլայ : Դասատուին կ'առաջարկէր միշտ
այս խօսքը . Ներկն հանէ զոր իւր հայրը կը դոր-
ծածէր երբ մնավաճառէն միս առնելու եր-
թար : Իրաւունք ունէր իւթիւնեան այդ խօսքը
կը կնելու . վասն զի այն ժամանակի դասա-
տուներն հիմակուան մնավաճառներէն աւելի

ճշմարտախօս չէին : Այս ընթացքով և փա-
փաքով իւր բոլոր ընկերները գերազանցեց
հայկարանութեան և սատանայութեան մէջ :
1834ին Պալատի վարժարանին հրաժեշտ տա-
լով՝ Գանիլ Քիչուէի գոլոցը դնաց : Քանի մը
տարի հոն աշակերտելով՝ կատարելապէս ձեռք
բերաւ Հայկարանութիւնն , Տրամարանու-
թիւնն և Ճարտասանութիւնը : 1838ին մոտաւ
ճեմարան , ուր ճեմելէն զատ բան չսորվեցաւ :

Հայրն՝ որ շատ հարուստ չէր , զաւկին
ճեմելը տեսնելով՝ գիրքերն առաւ իրմէ և
արդուկ մը տուաւ որ անով հագուստներ ար-
դէ : Այն տեսն շատ սրբ համոզվեցաւ կա-
րապետ որ աշխարհաբառն ուղղելէն առաջ
վերարկուներ և վարտիքներ ուղղել պէտք էր:
Հնազանդեցաւ հօրը հրամանին և սկսաւ խա-
նութը երթալ : Շատ չանցաւ , հոն ալ փայ-
լեցուց իւր հանճարը . մէկ ժամուան մէջ քա-
ռասուն վերարկու կարդէր , թէպէտ և շատ
անդամ կը խանձէր զանոնք , բայց տրամաբա-
նութեան ուժով յանցանքը կամ երկաթին
վրայ կը բեռնաւորէր կամ կրազին վրայ : Եւ
այս եղանակաւ քանի համոզէր յաճախորդ-
ներն այնքան աւելի փափաք կուտար գիտու-
թիւններու՝ զորս ուրիշները խարելու համար
ստեղծված կը կարծէր : Երբեմն Հայր Արսէնի
քերթուածները կարդալու կզրադէր և յա-
ճախորդները ժամերով սպասել կուտար : Պա-
րապոյ ժամերուն մէջ բնաւ չէր մոռնար աշ-

խարհաբառ գըութիւն մը գրաբառի դարձունելէն ետքը նորէն աշխարհաբառի վերածել։ Օր մ'ալ տեսաւ որ թիկնոցին երեսը շատ հինգած էր, շըջեց զայն ու հագաւ . և երբ հայրն պատճառը հարցուց՝ պատասխանեց թէ՝ թիկնոցը գրաբառէն աշխարհաբառի դարձուց : Բնական է որ կարդալու համար սրտին մէջ այնքան փափաք մնուցանող մէկը լաթեղէն ասպարէղն խիստ անձուկ գտնար . ուստի թողուց հօրն արուեստն և դասախոսութեան սկսաւ :

1845 ին ազգային վարժարաններու և քանի մը առներու մէջ այցելու դասատու ընդունվեցաւ : Երեք տարի այս պաշտօնն ամեն յաջողակութեամբ վարելով քիչ մը գրամ պատրաստելէն ետքը միտքը դրաւ բարիդ երթալու վաճառականութեան դպրոց մտնել :

1848 ին Պոլիսէն մէկնեցաւ բարիդ երթալու համար, ուր երկու տարի ու կէս վաճառականութեան վարժարանին մէջ առեւտրական գործերու վրայ կատարեալ հմտութիւն առնելէն ետքը 1851 ին Պոլիս դարձաւ և հետեւեալ օրն ուղեց վաճառատուն մը բանալ : Վաճառականութեան համար պէտք եղած ամեն բաներն ունէր, միայն ստակ չունէր : Իր դէմ ենող բոլոր բարեկամներուն կառաջարկէր որ գրամագլուխ դնեն և իրեն հետ ընկերութեամբ վաճառականութիւն ընեն . իսկ անոնք կը մերժէին անոր առաջարկութիւնն :

Վհատութիւն եկաւ վրան . և որովհետեւ վրհատութիւնն մեր ազգին մէջ մարդս կամ գերեզման կը տանի կամ խմբագրութեան ասպարէղ կը նետէ, այս վերջինին մէջ ձգվելու դժբախտութիւնն ունեցաւ :

1851ին Մասկու անունով լրագիրն հրատարակելու ձեռնարկեց : Այս լրագիրն բնաւ նպատակ չունէր հասարակութեան լուրեր տալու . այլ պարզապէս կը հրատարակվէր աշխարհաբառ լեզուն կոկելու և գեղեցկացնելու համար : Եթէ մինչեւ մօտ ատեններս լուրերն ամենէն ուշ կը հաղորդէր՝ պատճառն այն էր որ զանոնք սահուն և կոկիկ աշխարհաբառի կը վերածէր և այնպէս 'ի լրց կը հանէր : Եւ այն լուրերն՝ որոնց մէջ խորթ բառեր կը գըտնըլէին՝ բնաւ չէին հրատարակվեր Մասկուի մէջ որքան ալ օդտակար ըլլային . իւր ընթերցողներուն . լաւ է, կըսէր, որ ընթերցողներս վսավին քան թէ Մասկուի լեզուն : Զարմանալի չպիսի թուի անշուշտ եթէ յայտնեմ որ երբեմն սկզբունք ալ կը զոհէր լեզուին . և եթէ աղոյի բարուացականութեան դէմ այնքան յարձակեցաւ 1872ին՝ պատճառն տղակերուացականութեան ազգին վնասակար ըլլալը չէր, այլ իւր դըժուարահնչելի և երկար ըլլալն էր : Եւ բարուացականութեան մեր ազգին համար ամենէն լաւն է . վասն զի կըսէր — մտքէն — , կոկիկ բառմէ , և ականջին անուշ կը հնչէ . մինչդեռ, կըսէր — մտքէն — , կործանում է մեր ազգին

աղուկերտուացականութեան որ ճաշակի տէր ականջներու խորթ կուգայ : Եթէ այն ատեններն աղուկերտուացականութեան տեղ աղուկերտուաց կամ պատկերն բառը առաջարկվէր՝ շատ հաւանական էր որ ազգին շահն ազգին ականջներուն չզոհվէր : Ինչ որ ալ ըսեն իւր թշնամիները գոնէ կը միաբանին այս կէտին վրայ թէ բաւական կոկած է աշխարհաբառ լեզուն . և այս ճշմարտութեան համոզվելու համար 1850ի աշխարհաբառները կարդալը հերիք է : Զմոռնանք խոստովանիլ թէ՝ իւթիւնեան իւր քերականութեան մէջ ներդաշնակութեան առաջին տեղ տուած ըլլալով՝ բաւական բառեր հարստահարած է , շատ բառեր սպաննած է . բայց այս դարուս մէջ ո՛ր բարեկարգութիւնն առանց արեան կարելի եղած է որ աշխարհաբառի բարեկարգութեան համար զոհողութիւններ չըլլան :

Ուրիշ խմբագիրներու պէս շաբաթն անդամ մը չփոխեր իւր կարծիքները : Թերեւս առարկիի թէ՝ կարծիք ըսվածը լաթի պէս է . մէկը շատ լաթ ունենալու է որ շաբաթն անդ ամ մը կարենայ փոխել : կարծիքներու մասին աղքատ չէ ինքը , մանաւանդ թէ զինքը աղքատ ամբաստանողներէն շատ աւելի հարուստ է . բայց զանոնք չփոխելը այն հիմն վրայ հաստատված է թէ՝ մարդս այն ատեն փոխելու է կարծիքը երբ կը հիմնայ և ալ չգործածվիր : Ամեն կարծիքներն իրարու

ետեւէ գործածելը՝ ըստ մեզ միտքը շոայլութեան վարժեցունել է , և ինքը շատ խոհեմութեամբ կը վարվի իւր կարծիքներուն վրայ հաստատ մնալով : Արժէթուղթերու գիներուն հետ ալ իւր կարծիքներուն պէս կը վարվէր Մասկէ մէջ . բնաւ չէր փոխեր զանոնք : Երբ արժէթուղթերուն գիները երկու փրանք բարձրանային պէտք է , կըսէին , Մասկէ մէջ տրժէթուղթ . դնել և Ղալաթիւյ հրապարակին վրայ երկու փրանք շահով ծախել :

Արդարութեան ներմ և նախանձախնդիր պաշտպան է : Ո' և է խնդիր մը անաշառութեամբ քննելու համար զայն կը պարզէ , անոր մէջ ճշմարտութենէ առաջ բաժանորդ կը փընտրուէ . վասն զի առանց բաժանորդի ճշմարտութիւնը չպաշտպանվիր : Երբ կը տեսնէ որ ճշմարտութիւնը խոհեմութեամբ կը վարվի՝ անոր կուսակցի կըլլայ . իսկ երբ կը նշմարէ որ կը յանդդնի իրեն շահուն դպչիլ՝ բոլոր ուժովը կը զինվի անոր դէմ . և իրաւունք ալ ունի , քանի որ անձնապաշտպանութիւնը օրէնքն ալ կը ներեն :

Շատերն իրեն մոռացկոտ բնաւորութենէն օգուտ քաղելով՝ երբեմն երբեմն յաջողած են իւր աղդօգուտ լրագրոյն մէջ հակառական նամակներ հրատարակել տալ : Բայց քանի մը տարի առաջ Շահ-Հիւսէ յինի խընդրոյն նկատմամբ փունջի դէմ բացած դատէն խրատվեցաւ և հիմայ առջի դրածները չը

մոռնալու համար մատը դերձան կը կապէ :
Եւ որովհետեւ այս դատն 1875 ին՝ բոլոր
փաստաբաններն և դրագէտները յուզեց հարկ
կը համարինք անոր վրայ համառօտ ծանօ-
թութիւն մը տալ : Գրիգ որիս եպիսկոպոս
Ալեաթճեան, Երզնկայի առաջնորդ, իւր պաշ-
տօնաթեղին երթալէն անմիջապէս ետքը հան-
րածանօթ չարագործ Շահ-Հիւսէյինի դէմ
նամակ մը կը դրէ Մասկոն : Սոյն նամակին հը-
րատարակութենէն քանի մը ամիս ետքը նո-
րին գերապատութիւնը ՚ի նպաստ Շահ-
Հիւսէյինի նամակ մ'ալ կը դրկէ Մասկոն որ
կը հրատարակէ իւր էջերուն մէջ : Ժողովրդեան
ատելի չարագործի մը Մասկոն մէջ փառաբան-
վիլ տեսնելով Փանջ՝ իւր պաշտօնակցին վրայ
կը յարձակի առուշ, կնորոշ, ուսու և չոր պատ-
ուանուններով : Մասկոն այս պատուանուններէն
վիրաւորված կենթադրէ իւր անձնականու-
թիւնն և ՚ի դատ կը հրաւիրէ Փանջը : Այս
դատին պղտիկ պատկերը կրնայ համարվիլ
հետեւեալը .

Դատաւոր — ինչու համար այս մարդուն
պատուոյն դպար :

Փունջ — Ես չհայհոյեցի :

Մասկոն — ինձի կոր և կնորոշ ըսելէն ետ-
քը հիմայ կը պնդէ որ կնորոշ բառը մուշ կը
նշանակէ, և աս նշանակութենէ կեղրակա-
ցունէ թէ ես ալ մարդ եմ :

Դատաւոր — Մուշ բառը չէք ընդունիր,

անո՞ր դէմ կը բողոքէք :

Մասկոն — Զէ, մարդ եմ բայց կենդանի
չեմ :

Փունջ — Եթէ կենդանի չես, ուրեմն մեռ-
եալ ես :

Մասկոն — Մեռեալը դուն ես :

Փունջ — Կենդանի բառն անասուն չնշա-
նակեր . Եթէ ինձի չէք հաւատար Տէրոյէնցի,
Լուսինեան Խորէն եպիսկոպոսի հարցուցէք :

Մասկոն — Հարցնելու պէտք չկայ, կեն-
դանի բառը հոս գէշ մտքով դրված է :

Փունջ — Ես աղէկ մտքով դրի :

Մասկոն — Վառ բառին համար ի՞նչ պիտի
ըսէք :

Փունջ — Վառը յա՞ն չնշանակեր :

Մասկոն — Բարձր կը նշանակէ :

Փունջ . — Բայց ալ չնշանակեր : Ես միայն
այս դիտեմ որ այդ բառը քու արարքու նշա-
նակող բառ մ'է :

Մասկոն . — Հայհոյութիւն է :

Փունջ . — Ոչ . Վառ բառը ծալ, նաև այս կը
նշանակէ :

Մասկոն . — Դուն ես ծոյլ, թոյլ, յոյլ . . .
նոյնայանդ բառերը ժողովեր եկեր է . . . ո-
տանաւոր շնուրու չեկանք հոս :

Դատաւոր . — Ծոյլ ըլլալը կրնաս հաստա-
տել :

Մասկոն . — Պնկարելի է :

Փունջ . — Եթէ ծոյլ չէ՝ վախկոտ է, վասն

զի գորը Հեթիոր ալ կը նշանակէ :

Դատաւոր . — Ես այդ բառերը Պատրիարքարան կը զրկեմ, անոնց ինչ ըլլալը կը հասկընամ և յետոյ ձեզի կը կանչեմ:

Բառերը Պատրիարքարան դացին և հոն մնացին : Եթէ օր մը ենեն՝ հասարակութիւնը հարկաւ պիտի լսէ ու իմանայ անոնց նշանակութիւնները : Սակայն երկու խմբագիրներն պատուաւոր կերպով հաշտվեցան և յաղթութիւնը մնայ . . . երկուքին ալ քովը :

Պաշտպան է ոչ միայն ճշմարտութեան այլ նաև Պատրիարքներու . . . որչափ ատեն որ ասոնք մնան պատրիարքական գահուն վրայ . երբ գահէն վար իջնան՝ ինք ալ կը գաղրի անոնց համակարծիք ըլլալէ : Այս գարսաւոր սովորութեանը չնորհիւ է որ հիմակուան ամենապատիւ Ներսէս Պատրիարքի օրով պաշտպանեց Խաչատուր կաթողիկոսը, Վանցի Պօղոս վարդապետն և ի տանէն Մամիկոնէից Մամիրէ եպիսկոպոսը՝ զորս կը հարուածէր Խրիմեանի օրով : Որչափ ալ անհեթեթ ըլլայ Պատրիարքի մը որոշումը՝ զայն յարգելու սովորութիւնն ունի, և տարակոյս չունինք որ եթէ կալիդողայի օրով խմբագրութեան պաշտօնի մէջ գտնըված ըլլար՝ գովաբանելով պիտի գրուատէր կալիդողայի այն որոշումն որով ձին հիւպատոս անուանել կուզէր և անշուշտ խմբագրական յօդուածով մը ձին ալ պիտի չնորհաւորէր ըսելով :

« Հոռվմայեցիներու համար նոր դարադլուխ մը բացվեցաւ :

« Մինչև հիմայ հիւպատոսները իրենց պաշտօնը չարաշար դորձածելով ժողովրդեան դանդ ատներուն առիթ տուած էին :

« Բարեխնամ կալիդողա կայսրը ժողովը դեան գանդատներն ու բողոքները նկատութեան առած ժամանակ՝ փափաքելով միանդամ ընդ միշտ անոնց վերջտալ՝ հիւպատոն իւր պաշտօնէն հրաժարեցուց և անոր տեղ անուանեց իւր հաւատարիմ վսեմափայլ ձին որուն մատուցած ծառայութիւններն արդէն ծանօթ են մեր ազդայիններուն :

« Քաջայոյս ենք որ նորընտիր, հայրենասէր և արդարակորով ձին իւր խոհական և փորձեալ քաղաքագիտութեամբը ամեն ճիդ պիտի թափէ երկրին և ժամանակին պահանջումներուն համեմատ բարեկարգութիւններ ընելով ժողովրդեան յարգն ու համարումն իրեն գրաւել :

« Անօգուտ չըլլար յիշել նաեւ թէ վսեմափայլ ձին գէշ տնօրինութիւն մը ըրած չը համարվիր եթէ իրեն օգնական կարգէ մեծապատիւ (այս անուն) էջն որ ծերակոյտի ժողովին մէջ մեծ ձոյն ունեցած է ժամանակով, էջն որ սերելու պատիւն ունի այն աղնուական աւանակէն որ մեծ տեղ մը գրաւած է Հին Պատմութեան . . . ախոռին մէջ :

Այս խմբագրական յօդուածը գրելէն

քանի մը օր ետքը ներքին կուրերուն մէջ պիտի կարդայինք հետեւեալները .

« Ժողովուրդը չնորհակալութեան ուղերձ մը դրեց կալիգողա բարեխնամ կայսեր իւր ձին հիւպատոս անուանելուն համար :

« Այս ինչ կառավարութեան դեսպան երէկ հիւպատոս ձիին այցելութիւն մը տալով երկու ժամու շափ տեսակցեցաւ հետը :

« Այս ինչ կառավարութիւնն իւր ինդակցութիւնը յայտնելու նպատակաւ հիւպատոս ձիին պատուանշան մը զրկեց : Վաեմափայլ ձին հեռագրով չնորհակալութիւն յայտնեց յիշեալ կառավարութեան :

« Երէկ գիշեր վաեմափայլ հիւպատոսին ախոռին մէջ կոչունք տրվեցաւ դիւանագէտներուն , բոլոր երեւելի ջորիներն իրենց ազնուաշուք ընտանիքներով և նշանաւոր էշերն պարահանդէսի զգեստով մեծ փայլ մը կուտային սոյն շքեղ հանդէսին : Էշերուն կենացը գաւաթներ պարպլեցան :

Այսչափով չպիտի շատանար , այլ պիտի առաջարկէր ճանճերէ զինուոր առնել , մեղուներու վրայ տուրք դնել , ուղտերը թաղապետութեան անդամ անուանել , և հասարակաց ապահովութեանը համար միջիւններէ ուտիկանութիւն մը կազմել . և վերջապէս պիտի առաջարկէր ինչ որ այս այլանդակ կայսեր կը խորհէր :

Մենք զինքը մեղադրելու նպատակաւ չէ

որ կալիգողայի զրկեցինք իւթիւնեանը , այլ ցոյց տալու համար այն ընդունելութիւնն զոր կընէ ամեն Պատրիարքներու որոշումներուն և առիթ կուտայ ըսել տալ ուրիշներուն թէ Մահակ Պատրիարքունիքն է :

Մինչև մօտ ատեններս չափազանց խոհեմութեամբ վարկելով պահպանողական ընթացք մը բռնած էր . իսկ տարիէ մը այսինքն այն օրէն ի վեր որ Մասիս ամեն օր կը հրատարակի բաց ի կիրակի օրերէն , տօնի օրերէն և գրաշարի հիւանդ եղած օրերէն , յարձակողական դիրք մը բռնած է : Ամեն ազատութեամբ կը խօսի այսօր ինչ որ մտքէն անցունելու կը վախնար երկու տարի առաջ : Անաշառաբար խօսելով քաջութեամբ պաշտպանեց և գեռ կը պաշտպանէ հայկական խընդիրն իւր քաղաքական յօդուածներովն : Երբէք առիթ չփախցուներ հալածել ամեն անոնք որ ազգային իրաւունքներուն դպիլ կուղեն : Այս ամենն ընելով դարձեալ չէ արժանացած այն քաջալերութեան որով միայն կարող է թերթը մեծցունելով ազգին հայախօս և մեծ լրադիր մը կարդացնելու փափաքն իրականացնել :

Բաց ի Մասիսէն ունի երկու ընտիր թարգմանութիւններ որ մեր ժողովրդեան վիպասանութեան ճաշակ տուին : Թափառական Հրեան և Գաղղոնիք Հաստատագնութեան մեր ժողովրդեան բաւականէն աւելի ներկայացուցին անդրա-

լեռնականները : Այս թարգմանութիւններու համար թարգմանիչն բաւական դափնեայ պըսակներ ընդունեց, զորս քակելով տունը կը զրկէր որ օձածուկ առնեն և դափնիներուն մէջը դնելով կասկարայի վրայ եփեն . նուիրեցին իրեն նաև բաւական ձիթենիներ՝ զորս չորհակալութեամբ ընդունելով կը մըրմըրար.

— Աւելի աղէկ չէր ըլլար եթէ այսչափ ձիթենիի տեղ սափոր մը ձէթ զրկէիք ինձի : ձիշդ եղորոսին աքաղաղին պէս որ կը մէր .

— Մարգրիտն ինչ ընեմ . գարիի մը հատիկն ինձի համար աւելի կարժէր :

Թարգմանած է նաեւ վէտչէլու երեցն և Քողական պատեստիդունիւն, որոնց ինչպէս նաեւ բոլոր թարգմանութիւններուն մէջ ցոյց կուտայ որ մեր թարգմանիչներուն արժանաւոր յաջորդն ըլլալու պատիւն կը վայելէ :

Իւթիւնեան ոչ նուազ նշանաւոր եղած է աղդային երեսփոխանական ժողովոյ մէջ : Անիւրաւութիւն ըրած կը համարինք ինքդինքնիս եթէ չյիշենք հոս որ աղդային պատմութեան մէջ Սահմանադրութեան հիմնողներուն մէջն անցած է նաև իւր անունը : Քանի մը երեսփոխաններու պէս խօսած ըլլալու համար խօսելու սովորութիւնը չունի . վասն զի ուրիշներու գլխու ցաւ պատճառելն խղճին կը դպչի : Խիստ քիչ անդամ խօսք կառնէ և քանի մը բառի մէջ իւր միտքը բացատրելու

յատկութիւնն ունի : իսկ անուբանալի է որ երբ ոտք ենէ և ատենապետէն խօսք ու դէ այնպիսի շարժումներ կընէ որ կարծես տղայ մէ և վարժապետին կըսէ .

— Վարժապետ, գործ ունիմ :

Կարապետ էֆէնտի իւթիւնեան, իւր ամբողջութեամբն առնելով, բարի և աղդին օգտակար մարդ մէ : Քսան և ութ տարիներէ ի վեր խմբագրութեամբ աղդին ծառայելէն դատ շատ մը Յանձնաժողովներու, Ժողովներու և Խորհուրդներու մէջ աղդին ծառայած է անձնանուիրաբար և նոյնչափ տարիներ եւս պիտի ծառայէ եթէ իւր կաղմին նայինք : Երկշոտութիւնը թողլով քաջութիւնը ձեռք առած է, թէպէտև աս ալ ճշմարիտ է որ աղուէս ձեւանալ չմոռնար երբ ագռաւ մը տեսնէ : Երբեւ խմբագրի մեծ թերութիւններ կրնայ ունենալ, բայց երբեւ սխալական մարդ մեծ առաւելութիւններ ունի : Մէկու մը վընաս տալ չուզեր, սակայն ամենէն ալ օգուտ քաղել կը փափաքի : Ուրիշներու բարիք ընելու չղանար եթէ պարագաները թող տան : Կը սիրէ այն ամեն գործերն որ բարի, գեղեցիկ և օգտակար են, իսկ կը պաշտէ երբ գեղեցիկ են : Եթէ դէմքէն գատես զինք վըճիու կարծակես թէ անմատչելի մէկն է . իսկ երբ օր մը հետը տեսնըլելու պատիւն ունենաս տուած վճիռդ յետս կը կոչես և կը խոստովանիս որ այս մարդուն դէմքը սրտին հետ

Հակասութեան մէջ է։ Յաւ է մեղ սակայն խոստովանիլ որ եթէ գրիչով մէկու մը դէմ գրելու որոշում տայ շայիթեր այլ կը վիրաւորէ։ Աքելէս միայն կընայ դէմ դնել անոր հարուածներուն։ Վերջին օրերս յանձն առած է Ղալաթիա տպվող լրագիր մը կրթելու։ Յիշեալ լրագրին մարդարէ խմբագիրն որ միշտ գուշակութիւններ կընէ բնաւ չէր գուշակած Մասիսէն խրատվելուն պէտքը։

Իւթիւնեան էֆէնտին երկար հասակով, թուխ դէմքով սեւ ընքուիներով և աչերով քաջառողջ մարդ մ'է։ Սովորութիւն ունի փողոցը քալած ժամանակ միշտ գետինը նայիլ։ կարծես բաժանորդ կը փնտուէ։ Խակ երբ գըլուխն վեր առնէ՝ այն դէմքը կունենայ երբ Շիրքէթի շոդենաւներէն մէկուն մէջ նստած ժամանակդ քովէդ հարիւր քսան օհանոց մէկը անցնելով ուժով ոտիդ կոշտին վրայ կոխէ և անյնի երթայ առանց ներողութիւն խնդրելու։



ՄԿՐՏԻՉ ՏԻԳՐԱՆԵԱՆ

Սուրբ Գիրքէն գիտենք որ Փարաւոն երբ Աստուծոյ առաջարկութիւնը մերժեց, Աստուած սկսաւ Եգիպտացիներուն իրարու ետեւէ պատիժներ զրկել որոնց թիւը տասնի յանգեցաւ։ Փարաւոն մինչեւ իններորդ պատիժը յամառութեամբ գէմ կեցաւ, և տասներորդին առջեւ ալ կը վարանէր հնազանդութիւն յայտնել երբ Մովսէս և Ահարոն իրեն յայտնեցին թէ՝ եթէ նորէն յամառիս՝ իրերւ մետասաներորդ պատիժ Մկրտիչ Տիգրանեանը պիտի զրկէ Աստուած։ Փարաւոն այս յայտնութենէն սոսկալով՝ Մովսէն և Ահարոնը անմիջապէս կանչել տուաւ, արտօնեց զիրենք որ ենեն երթան իրենց ունեցածն ալ մէկտեղ տանելով։ Փարաւոնին հնազանդութեանը վրայ Աստուած ստիպվեցաւ քովը պահել Տիգրանեանը։ 1815 թուականին երբ տեսաւ Աստուած որ մեր կրած տառապանքներէն շարատվելով՝ անարժաններն վարդապետ, քահանայ կը ձեւնադրենք և ազգին իրաւունքներն

անոնց ձեռքը կը յանձնենք, բարկացաւ և Մկրտիչ Տիգրանեանը, պատիմներուն նախագ ահը, զլկեց որ խրատվինք. թէպէտ և մենք այս պատիմն ալ առ ոչինչ դրելով շարունակեցինք և կը շարունակենք մեր ընթացքը:

Մկրտիչ եպիսկոպոսին աշխարհ դալուն բուն պատճառն մեր ընթերցողներուն յայտնելէ ետքը, պարտք կը սեպենք անոր քանի մը մականուններն ալ հոս յիշել որպէս զի ուրիշ Մկրտիչներու հետ չշփոթեն իւր անունը:

Մկրտիչ եպիսկոպոս Տիգրանեան Պօլսեցիներէն կ'անուանվի հրաշտուծ. Հայտստանի մէջ քիւրտերէն կը յորջորջի շահնա հուլու որ կը թարդ մանվի ապրուէ Հարդապէտ. լուսահողի Յակոր Պատրիարքէն կը կոչվի Եօնն Հոբյան, զորս արդի Վեհափառ Գէորգ կաթողիկոսն մեր աղդին համար բաւական չհամարելով՝ Քոյշան+ մ'ալ ինք աւելցուց եպիսկոպոսութեան աստիճան տալով անոր:

Արդ, Մկրտիչ եպիսկոպոսը ծնած է Տիգրանակերտ 1815 թուականին:

Ի ծնէ վառվուուն և բարեկարդութեան սիրահար գոլով՝ վայրիեան մը հանդիստ չը մնար: Շաբաթն երեք անգամ տունը կը լուար, զը մաքրէր, կ'աւլէր, պատին վրայ բեւեռ մը քամելու համար տանը հիմերուն բեւեռները կը քակէր բարեկարդ ելու համար տունն՝ որ վանքերէն աւելի հաստատ հիմանվրայ շինված ըլլալուն պատճառաւ չը կործանվեր:

Մայրն զաւակին ըրած բարեկարդութիւններէն ձանձրանալով՝ բռնեց զինքը կոնոնոսի վանքը զրկեց:

1827ին կը մտնէ կոնոնոսի վանքը: Բաւական տարիներ հոն կերակրվելէն ետեւ ձեռք կը զարնէ վանքը բարեկարդելու. իսկ երբ կը տեսնէ որ մէկ կողմէն վանքը յօժարութիւն ցոյց չտար բարեկարդ վելու և միւս կողմէն վանահայրն յարդը չճանաչեր իւր ծառայութիւններուն՝ որովք վանքն օր ըստ օրէ ետ ետ կ'երթար, կը թողու այս ագարակն անիծ ելով մարդերու ապերախտութիւնը: Զը վհատիր սակայն, միտքը կը դնէ վանք մը վինտուել, ինչպէս որ ամեն մարդ գործ մը կը վինտուէ ոչ այդ գործով ապրելու, այլ այդ գործը բարեկարդելու համար:

1837ին Մշոյ Ս. Կարապետի վանքը կ'երթայ: 1839ին վարդապետ կը ձեռնադրվի և իւր ապաշխարանքը կը քաջէ կաղ Գրողին օճախին մէջ: — Աւանդութիւն մը կայ թէ սատանան տարին քանի մը անգամ այդ օճախը կուգայ և անոր մոխիլը կը խառնէ և թէ այս է պատճառ որ յիշեալ վանքին մէջ խռովութիւնն միշտ անպակաս է: Ուրիշ աւանդութեան մը նայելով՝ Մկրտիչ եպիսկոպոս այդ օճախին մէջ ապաշխարանք քաշած ժամանակները սատանան կուգայ մոխիլը խառնելու՝ պաշխարողէն վախնալով կը փախչի, և Մկրտիչ եպիսկոպոս կ'սկսի այս մոխիլը խառնելու:

1841 ին ձանձրանալով վանքին մէջ անս
դործ մնալէ , ճանբայ կելինէ թիւրտստանի
բարեկարգութեան համար , ինչպէս կը գրէ
իւր Հայէն Գործացին մէջ , Հայելի մը որ
դժբախտաբար շատ լաւ կը ցուցնէ անոր պատ-
կերը : Գիւրտստանի բարեկարգութեան խըն-
դիրն , ինչպէս յայտնի կը տեսնըփի , Տիգրան-
եանի օրով ծնած է : Հայաստանի վանքերուն
և Գիւրտստանի բարեկարգութեան վրայ տամ-
երեք յօդուածներէ բաղկացեալ կանոնագիր
մը կը խմբագրէ , և երբ անոնց դործագրու-
թեանը պիտի ձեռնարկէր , իւր գէմը կը տեսնէ
Տօն Քիշօթի օդային ախոյեանները , որոնց գէմ
թէպէտ և քաջութեամբ կը կռուի բայց յաղ-
թըվելով ետ կը դառնայ :

Այս պարտութիւնն զինք սուրբ Յովիչան-
նէսի վանքը կը նետէ : Եւ որովհետեւ առանց
պարտքի վանք չըլլար , այս վանքն ալ ոնէր
իրեն պարտքերն՝ որոնց վճարման համար վա-
նահայրէն կաղաչի Մկրտիչ եպիսկոպոս եր-
թալ Պաղտատ ու Պարսկաստան հանդանակու-
թիւն ընել : Տիգրանեան ոչ միայն Պաղտատ
ու Պարսկաստան կերթայ , այլ Կիլիկիոց կող-
մերն ալ երթալով ցամաքէն Պօլիս կուգայ
1844 ին միշտ հանգանակելով :

Հանգանակութիւնը գոհ չըներ Նորին
Գերապատութիւնը որ կը փափաքի Գիւր-
տստանի — Հայաստանի չհասկնաք — տղայ-
ները դաստիարակել . Պատրիարքէն կոնդակ

մը կառնէ , ուրիշէ մ'ալ ութը հազար դահնե-
կանի արժողութեամբ դասագիրք նուեր առ-
նելէն ետքը Յանուն Հօր և Որդւոյ և Հոդ-
ւոյն Սրբոյ կոկսի նորէն հանգանակութեան
Նիկոմիդիայէն ցամաքէն մինչեւ Տիգրանա-
կերու ուր կը համնի 1845 ին : Ինք ալ իբրեւ
Գիւրտստանի տղայ դաստիարակութեան պէտք
ունենալով բնական էր որ անբաժ չմնար հան-
գանակած գումարէն : Իւր խոստովանութեա-
նը նայելով՝ ամբողջ Գիւրտստանի մէջ վար-
ժարաններ կը շինէ , . . օդի մէջ : Սիլվանայ
մէջ կը փափաքի վարժարան մը հաստատել . . .
գետնի վրայ . բայց այս դործը քիչ մը դըժ-
ուար ըլլալով փափաքն չկրնար իրականացնել ,
մանաւանդ թէ Սիլվանաբնակ ազգայիններն
հայերէն չէին գիտեր , անխնամ , անհովիւ-
և անտէրունջ մնացած էին : Այս ժողովը Պ-
եան համար հասարակօրէն կըսեն եղեր .

Պաղ ջուրը կուգայ մեծ Սիլիվանայ .
Գէշ Քրիմու տղան է սեւ սատանայ .
Ա՛ռ բուրդ բամպակը շուտով միլրտէ .
կուղէ Հայ մնայ կուզէ թրքանայ :

Այսպիսի գեղի մը մէջ , որուն վրայ ա-
սանկ ստանաւոր մը կը զբուցվի , վարժարան
բանալը յայտնի է թէ որչափ դժուար գործ
մէ : Լաւ չենք յիշեր Սղերդի մէջ թէ երա-
զին մէջ ալ վարժարան մը կը բանայ . սակայն

լաւ կը յիշենք որ Սղերդի մէջ են եւդժու աշղանդաւորներն որոնք սատանային համար գէշ չեն ըսեր եղեր : Դիտողութեան արժանի է որ յիշեալ աղանդաւորները Մկրտիչ եպիսկոպոսին վրայօք ալ դովեստով կը խօսին :

Սակայն մարդը հանդիստ չեն թողուր որ ամեն բան կարդաղըէ : Մշց և ծիդրանակերտի առաջնորդներէն առնըված տեղեկութիւններուն վրայ Պատրիարքարանէն հրաման կերթայ որ կոնդակն Մկրտիչ եպիսկոպոսին ձեռքէն առնըվի և ինքն ալ վանքի մէջ բանտարկվի : Մկրտիչ եպիսկոպոս կիմանայ այս լուրն , և փոխանակ ձերբակալվելով վանք տարվելու , յօժար կամքովը անձնատուր ըլլալու համար ճանրայ կելնէ , սակայն ճանրան մոլորելով Մշց վանքը երթալու տեղ կ. Պօլիս կուգայ երկրորդ անդամ 1845 ին : Ա. Պատրիարքին կը ներկայանայ և կը հարցնէ թէ ի՞նչ են իր յանցանքները : Պատրիարքն՝ որ գիտէր թէ իւր հարցման պատասխանելը անօդուտ էր , գուրս հանել կուտայ զինքը : Ամիրաներն որ շատ անդամ գործերն անուշութեամբ կարդադրելու սկզբունքին կը հետեւէին , Քիւրտըստանի վեց վանքերու անկախ առաջնորդ կանուանեն ծիդրանեանն որ կոնդակն առնելուն պէս ճանբու պատրաստութեան կըսկսի :

1846 ին ճանրայ կելնէ . . . յօժարախտութիւնն ալ ետեւէն : Խնուղ Այրօղ գիւղն իշած էր , ուսկից Մուշ պիտի երթար , և ահա

քանի մը անձեր կը ձերբակալեն զինքը զբրպարտելով թէ մախաղին մէջը բողոքականի գերքեր գտած են , և գանակոծելով կը բանտարկեն Աւագի Օվէի ախոռին մէջը : Բասն օրէն ետքը ախոռէն կը հանեն և երբ Ա. Կարապետի վանքին մէջ բանտարկվելու համար ճանրայ կը հանեն , բարեկամ Քիւրտերն կազմատեն զինքն ու կը յանձնեն կառավարութեան , որ կարին կը դրկէ զայն հան գատվելու համար : Ինքը կը փափաքի Ա. Յովհաննու վանքն պատուել իւր ներկայութեամբը , իսկ երբ կը լսէ որ կապանքով Ա. Կարապետի վանքին մէջ պիտի պատուասիրվի , կը փախչի . բայց կը ձերբակալվի , Մուշ կը բերվի , Մուշն Ա. Կարապետ կը դրկվի , ուր կը բանտարվի ութսուն օր : Իւր բանտարկութեան այս շըջանին մէջ կը թարգմանէ Աւետարանն Քըրդերէնի . որպէս զի Քրդերէն գիտցող աղդայիններն ալ համենան Աւետարանի Հոգին և իրեն օրինակին չհետեւին : Բարեկամները կերթան և կը յաջողին այս հալածեալ առաքեալն բանտէն հանելու :

1847 ին երրորդ անդամ Պօլիս կուգայ : Մայրաքաղաքը համնելուն պէս Պատրիարքարանն իրեն պատիւ ընելու նպատակաւ , երկու մարդ կը դրկէ որոնք կընկերանն նորին գերապատուութեան մինչև Քրկիչ , ուր կը բանտարկվի տասնը հինգ օր և ուր խեղճին մախաղէն կը գողցվի հաղար եօթը հարիւր

գահեկան զոր չունէր :

Սակայն գործող մարդ մը բանտին մէջ չկրնար երկար ատեն մնալ . ուստի այս անգամ ալ բանտէն ազատվելու համար կ'առաջարկէ որ Հայաստան գառնայ և Մարտիս կարգնայ Հոյոց Պատմութեան գտնէ : Ամիրային մէկն այս առաջարկութիւնն ընդունելով դրամ կուտայ իրեն որ երթայ գտնէ այդ Ազգային Պատմութիւնը որ թէպէտ և գտած կը համարի Տիգրանեան դրամը գրպանը նետելուն պէս , սակայն նորէն ճանրայ կ'ենէ :

1852ին իւր ըրած ազգօգուտ գործերուն համար նորէն Պօլիս գալու հրաւէր կ'ընդունի . որուն վրայ կ'ենէ չորրորդ անգամ Պօլիս կուգայ . բայց նորէն օձիքը կ'ազատէ և վարպետութեամբն ինքնինքն Եօզդատի առաջնորդ ընտրել կուտայ : Հազիւ թէ իւր պաշտօնատեղին կ'երթայ , պսակի ինսդիր մը կը յարուցանէ հոն և հինգերորդ անգամ Պօլիս կը բերվի : Այս անգամ քիչ մը խիստ կը վարվի . ազգ ային վարչութեան դէմ բողոքող աղերսագիր մը կուտայ կայսեր : կառավարութենէն հրաման կ'երթայ Պատրիարքարան որ Մըրազան Պատրիարքը Բ. Դուռն երթայ և Տիգրանեանի հետ դատվի : Ամիրաները դորժին կը միջամտեն և մեծ նեղութեամբ կը յաջողին ազգին իրաւունքները պաշտպանել Տիգրանեանի դէմ որ ազգին իրաւունքներն պաշտպանելու նպատակաւ դատ բացած էր ազգին

Պատրիարքին դէմ : Պատրիարքարանն այն ատեն կը համոզվի որ անկարելի է այս փորձանքին հետ վարվիլը , Քիւրտստան կը զրկեն զայն . բայց հոն ալ նորէն մնխիր խառնելով կ'ստիպէ Պատրիարքարանն որ զինքը Պօլիս բերել տայ . ուստի 1858ին վեցերորդ անգամ մայրաքաղաքը կը մտնէ :

Այս թուականին Սամաթիոյ Եէնի Մահալէի քարոզիչ կը կարդվի . բայց քարոզչութեամբ չկրնալով ապրել կ'ակսի հրաշագործութեան : կաղեր , կոյրեր , խուլեր , համբներ , այսահարներ , անգամալցյաներ կը բժշկէր : Այնու որ հիւանդներ կ'երթային իրեն :

— Հայր սուրբ , իմացանք որ դուք ամեն ցաւերը կը փարատէք :

— Հրամեր էք օրհնած :

— Քանի մը շաբաթէ ՚ի վեր գլխու ցաւունիմ , կ'ուզեմ որ փարատէք :

— Գլուխդ թէ ցաւդ :

— Գլուխս , հայր սուրբ , գլուխս :

— Շատ լաւ , ինձի համար երկուքն ալ միեւնոյն բանն են : Եկուր խաչահանգիստ մը ընեմ :

Մարդը կը մեկնի և քանի մը ժամէն ետքը անդիր աշխարհքը կ'երթայ :

Երրորդ մը կը ներկայանայ .

— Հայր սուրբ , սենեակին պատուհանը կոտրեցաւ :

— Պատուհանը հոս բեր , վրան բժշկու-

Թեան աւետարան մը կարդամ։ միջնական
Զորբորդ մը . . .
— Հայր սուրբ , մազերս կը թափվին :
— Այս ջուրով գլուխտ լուա՞ .
Հինգերորդ մը կը մտնէ .
— Հայր սուրբ , անձրեւ եկած օրը սեն-
եակս կը վաղէ , ի՞նչ ընեմ :
— Այս ջուրէն քիչ մը դիր սենեակիդ
վրայ :
Պատրիարքարանէն մէկը .
— Հայր սուրբ . . .
— Այս ջուրէն առ :
— Պատրիարքը զրկեց զիս . . .
— Պատրիարքին ալ այս ջուրէն :
— Զեղի ըսելու որ . . .
— Զեղի ալ այս ջուրէն :
— Քիչ մը . . .
— Այս ջուրէն :
— Պատրիարքարան հրամմէք :
— Պատրիարքարանի ալ այս ջուրէն :
— Եթէ չի դաք . . .
— Եթէին ալ այս ջուրէն :
— Նորէն բանտ պիտի երթաք :
— Բանտին ալ այս ջուրէն :
— Եթէ ընդդիմանաք՝ ոստիկանութեան
ձեռքով . . .
— Ոստիկանութեան ալ այս ջուրէն :
— Պիտի բերվիք Փրկիչ :
— Փրկիչին ալ այս ջուրէն :

— Կառավարութիւնը . . . :
— Կառավարութեան ալ այս ջուրէն .
Վերջապէս ամեն ցաւերն այս ջուրով կը
բժշկէր : Միայն այսահարներուն փորէն դեւե-
րը կը հանէր , սակայն չիրնալով միշտ խողեր
գտնել որ անոնց զրկէ , շատ անդամ իւր փո-
րին մէջ կը հիւրընկալէր դեւերը առժամա-
նակեայ կերպով : Պատրիարքարանն թէպէտև
կաշխատէր անոր արգելուլ տուներու մէջ
մտնելն , բայց այն ատեն ամեն տուն հետա-
քրքրութեան համար հիւանդ գտնրվելով , չեր
կընար առաջքն առնել :

Մէկ կողմէն հրաշք կը գործէր միւս կող-
մէն միշտ հանգանակութիւն կընէր : Ազգային
և Քրդերէն գրականութիւնը կը ծաղկեցնէր :
Քրդերէն Քերական , Լողակէր Լուսադառն և Ըստիւցառն
տպել կուտար և տպագրութեան ծախքը ժո-
ղովրդէն կառնէր : Երբեմն տպարանին չեր
վճարեր ծախքը , երբ տպարանապեան երթար
ոտք կոխէր և ստակ ուզէր այս ջուրէն ըսելով
անոր ալ ջուր կուտար :

Բաւական ժամանակ հրաշագործութեամբ
ապրելէն ետքը 1861ին Բալուի առաջնորդու-
թիւնն կստանձնէ : Պաշտօնատեղին երթալէն
քանի մը ամիս ետքը իւր փոքրաւորը ճան-
քայ կը դրվի Պոլիս դալու համար , և զարմա-
նալի զուգագիպութեամբ մը փոքրաւորին
կինն ալ նոյն օրը Պոլիսէն կը մեկնի Բալու եր-
թալու համար : Լրագիրներու մէջ գոռսւմ

գոչումը կսկսի : Տիգրանեանը կզդայ որ նորէն մոխիր խառնած է , գիրք ցրուելու համար բալուէն . . . կը փախչի . թ. Դռնէն հրաման կը տրվի բալուի կառավարութեան որ Տիգրանեանը Պօլիս զրկէ : կը լսէ այս լուրը , կարին կը փախչի , կարինէն էջմիածին , ուր կաթողիկոսն զինքը չընդունիր և կստիպի վեցերորդ անդամ Պօլիս դառնալ 1863ին : Յանձնաժողովը մը կը կազմվի որ իւր յանցանքները քննելով տեղեկագիր մը պատրաստէ : Յանձնաժողովը նկատելով որ տեղեկագիրն տասը հատորի բարձրացաւ և յանցանքներուն վերջը գալիք չունի՝ հրաժարեցաւ պաշտօնէն :

1866 ին Հալէպի առաջնորդ անուանուելով Զէյթուն կը զրկի հոն ծագած խռովութիւները հանդարտեցնելու համար : Զէյթուն մտնելէն երկու ամիս ետքը հինգ տղայ կառնէ հոնկից և անսնց դաստիարակութեանը համար կսկսի ժաղովրդէն դրամ հակաքել : Յիշեալ հինգ տղայները առջեւը ձգած Եղիպտոս կերթայ , հոն ալ բաւական հանդանակութիւնն ընելէն ետքը իզմիր կուգայ , իզմիրէն Պօլիս միշտ հանդանակելով — շող ենաւի մէջ ալ : -- Պօլիս Ալի բաշային կը ներկայացնէ տղայները որոնց երգ մը երգել կուտայ և յիսուն ոսկւոյ դումար մ'ալ նորին բարձրութենէն ընդունելով՝ տղայներն իբրեւ աղքատ ձրիաբար Փրկիչ կը դնէ և , Հալէպի ժողովուրդը հոգեւորապէս միմիթարելու համար

նորէն ճանբայ կելնէ դրամ հաւաքելու : 1868 ին եպիսկոպոսանոլու համար հանրագրութիւններ պատրաստել կուտայ , և Էջմիածին կը մեկնի , ուր եպիսկոպոսութեան աստիճան կընդունի :

Դարձեալ Պօլիս կը դառնայ և Զէյթունի խնդիրը կարգադրելու համար պարտք ըրած կարծելով՝ սաակ ժողովելու համար կոնդակ մը կառնէ և բումանիա կուղեւորի : Բաւական դումար մը կը հաւաքէ , սակայն երբ Պօլիս կուգայ և համար կը պահանջվի իրմէն՝ հաշուոյ տետրակիները Պատրիարքարանի մէջ հրաշքով կը կորսըմին և ինքն ալ ազատ կը մնայ հաշիւ տալէ :

1872 ին Տիգրանակերու կը քաշվի քիչ մը հանդ ստանալու համար . բայց որովհետեւ երկար ատեն չէ կարող հանդիսանատիլ , Մշոյ դաշտը կենէն և որչափ կոյր , կաղ , խուլ՝ համբ մարդեր որ կը տեսնէ ամենն ալ քահանայ կը ձեռնադրէ ի փառս Հայաստանեայց եկեղեցւոյ : Այս ձեռնադրութիւններուն պատճառը հարցվելով կը պատտասխանէ թէ՝ այս խեղերն արդէն քառասուն օրէ ի վեր բան մը կերած ըլլալով՝ իրենց ապաշխարանքն քաշած էին և հետեւապէս իրաւունք ստացած էին քահանայ ձեռնադրվելու : Պատրիարքարանը կսպառնայ . Տիգրանեան կը ծիծաղի , բայց վերջապէս օր մը կը ձերբակալվի ծառի մը տակ եղ մը քահանա

ձեռնադրած ժամանակը : Սակայն անմիջապէս թողով նորոնծայ եղն որուն փիլոն ալ տուած էր, կաներեւութանայ . . . անտառներու մէջ: Երբ Ներսէս արքեպիսկոպոս Պատրիարքական գահուն վրայ կը բարձրանայ՝ կը գրէ վեհափառ կաթողիկոսին որ չնորհ ընէ և Հրաշագործն իւր իշխանութեանը տակ առնէ: Վեհափառ կաթողիկոսն՝ որուն աւելի արժանի էր եօն հոգնան՝ չուզեր զայն իւր քովը պահել յայտնելով թէ ինք արդէն բաւական ունի անոնցմէ: Տիգրաննեան տեսնելով որ Ազգն դժուարութիւն կը յարուցանէ իւր վրայ փորձանք հրաւիրելու մասին՝ առանց հրաւէրի կելնէ գարձեալ կ. Պօլիս կուդայ, ուր կը դանովի այժմ Սամաթիոյ Սուրբ կարապետ եկեղեցին քարոզութեան պաշտօնով :

Այս է ահա Հրաշագործին կեանքը՝ ուրուն մէկ քառորդն անցած է ճանբորդութեան մէջ, մէկ քառորդը բանտերու մէջ, մէկ քառորդը հոփէր խառնելու մէջ և միւս քառորդն ալ ստակ հաւաքելու մէջ:

Շատ բաներ գրված և զրուցված են այս անձին վրայ: Լրագիրները հրատարակած են երբեմն որ իր փոքրաւորներէն մին, ընդհանուր սովորութեան համեմատ, շրջազգեստ հագնելու տեղ սխալմամբ բանիացն կը հագնէր: Շատերը պօռացին այն ատեն թէ այդ փոքրաւորն իդական սեռէ էր. բայց ինքը հերքեց այդ զրագարտութիւնն սա փաստերով

թէ հագուստը յօդ մ'է. բանիացնը արական դոյականներու վրայ կը դրվի իսկ շրջազգետասն իդականներու վրայ. ուստի քանի որ իւր փոքրաւորն բանիացն կը հագնի, քերականութեան կանոնին համեմատ արական է և ոչ իդական. սակայն խմբագիրներն որ քերականութիւնը չատ չեն յարդեր այս բացատրութիւնը գոհացոցիչ չգտան :

Հրաշագործն գիտնական մ'է. սակայն շատ ինդիրներու մէջ կը տարրերի դարուս միւս գիտուններէն: Օդը չէ որ, կըսէ, շըրջապատած է մեր բնակած երկրագունան, այլ խարէսութիւնն որ,

Անօր է, վասն զի հաշիւներու ամենափոքր մասերու մէջ կրնայ մոտնալ:

Տարածուածն է, վասն զի պարագաներու համեմատ իւր նախկին ծաւալէն աւելի մեծ ծաւալ կրնայ ունենալ:

Թագուցին է, վասն զի շատ մը կրօնաւորներ անոր մէջէն կանցնին :

Առաջնական է, վասն զի կրնայ ճնշվիլ Պատրիարքարանէն բայց նորէն իւր առաջին ծաւալը կառնէ:

Գիտնականութեան չնորհիւն է որ մինչեւ այսօր այնչափ պաշտօն վարեց. և մօտերս Պաղտատու առաջնորդ պիտի անուանվի այն տեղի ազդայիններն առաջ տանելու համար:

Ոմանք կուզեն հաւատացնել թէ Հրաշագործն, որուն ճակատէն վաթսուն հինգ չիկ

աստղ անցած է, ազդն այնչափ տարիներ զբա-
ղեցնելուն վրայ շատ զղջացած է և թէ
որոշած է հոքան+ ըլլալ այն ամեն անձերու ո-
րոնք ազդին շահն ոտնակոփ ընել կուզեն :

Մկրտիչ եպիսկոպոս Տիգրամնեան միջին
հասակով, թուխ դէմքով և փոքր աշերով
մարդ մ'է : Փողոցը գնացած ժամանակն այն-
պիսի ուշադրութեամբ կը նայի մարդուս ե-
րես, որ կստիպվիս ձեռքդ բաճկոնիդ տանե-
լու՝ նայելու համար թէ ժամացոյցդ քովդ է :
Եթէ իւր դէմքն կարելի ըլլայ կենդանի գոյ-
ներով նկարել՝ մեր առջեւը կունենանք պատ-
կեր մը որ կարծես մեղի կըսէ . կը բարեհա-
ճիք ձեր քսակն անուշութեամբ ինձի տալու,
որպէս զի ձեղի քահանայ ձեռնադրեմ:

Իւր ամենէն նշանաւոր կարծիքներէն մին
է բոլոր աշխարհականները կրօնաւոր ընել :
Այս եղանակով, կըսէ, աշխարհականները հո-
գեւորապէս միմիթարվելու համար քահանա-
ներու դիմելու հարկ չեն ունենար և իրենք
զիրենք կը միմիթարեն : Այս համոզմամբ է որ
4000էն աւելի քահանայ ձեռնադրած է :



ՅՈՎԱԿԻՓ ՇԻՇՄԱՆԵԱՆ

1820 Թուականին — Քրիստոսէ ետքը ,
Հասունեանէ առաջ — Արբայեան վարդապետ-
ները Հայ եկեղեցին կուգային և իրարմէ բաժ-
նըված եղբայրներուն մէջ սէր և միութիւն
քարոզելով հերետիկոսութիւն կը տարածէին :
Արբայեաններուն այս ընթացքն, որ թէպէտ-
եւ համաձայն էր Քրիստոսի տեսական աւե-
տարանին բայց տարածայն ըլլալով Արբազան
Պապին գործնական Աւետարանին՝ կատաղու-
թիւնը հրաւիրեց Քոլէճեաններուն որոնք վա-
տիկանու Աւետարանը կը գործածեն միտս իր-
եւ լաւագոյն գասագիրք . . . ժողովրդեան
մէջ երկպառակութիւն ձգելու : Ուստի Քոլէճ-
եան կուսակիցներէն դաղատացի մը Հայ կը
ձեւանայ և կսկսի կեսարացի կօշկակարներուն
խանութները պտղուիլ ծոցն ունենալով Արբ-
ազան Պապին մէկ պատկերը : — Բայց ոչ
այն ծիծաղաշարժ պատկերներէն որոնք այ-
սօր գրավաճառներու քով կը վաճառվին և
Պապերը կը ներկայացնեն կամ սեղանի մը առ-
ջեւ նստած օղի խմելու կավմ պատի մը ծակէն

կին մը . . . խոստովաճնանք ընելով — : « Ինչու անհոգ նստած էք , եղբայրներ , կը պօռայ անոնց , Պատրիարքը Լուսաւորիչն ուրացաւ և Պատիք ընդունեց , տեսէք այս պատիերը , Լուսաւորչին կընմանի : Ա՛լ ասկէ ետքը սրբալոյս միւռոն չկայ , մեր զաւակները կամ ձեթով պիտի օծվին կամ ձկան իւղով : Լուրու ժամանակ չէ , ոտք ելէք ովկ կօշկակարներ , և պաշտպանեցէք Լուսաւորչին . . . կօշիկները : » Այս բեմիասացութեան վրայ կօշկակարներն ուրիշ ընկերներ ալ կը գտնեն , հետեւեալ օրը Պատրիարքարան կիջնեն և ազգը տախնուվրայ կընեն : Խոռվայրյող գաղատացին որ ամեն տուներ կը մտնէր՝ գիշեր մը կը գըտնըի տան մը մէջ ուր ներկայ էր նաեւ Շիշմանեանի մայրը : Հոն երբ կսկսի պատմել իւրը ըրած մեծագործութիւնները , և ահա ձայն մը կը լսվի որ կըսէր . բայրու Հաւուցէ + այս հորդը : Ամենքը շուրած իրարու երես կը նային : Նորէն ձայն : Նորէն շուրարում : Երրորդ անգամ լսելի կըլլայ ձայնն : Այս անգամ ուշադրութիւն ըրած ըլլալով՝ կը հասկնան որ ձայնը Շիշմանեանի մօքը նստած կողմէն կուգար և կը վճռեն թէ այդ տիկինը որովայնախօս է : Հարկ չէ կարծեմ հերքել այդ վճիռը . ամենքդ ալ գուշակեցիք արդէն որ տիկինը որովայնախօս չէր այլ Յովսէփ Շիշմանեանն էր որ Քոլէճեաններուն ըրածները լսելով սաստիկ յուղված էր : Եւ ահա այն գիշերն աշխարհ կուգայ Յովսէփ

եօթն ամիս մօրն արգ անդին մէջ մնալէն ետքը : Եթէ այս գէպքը չպատահէր՝ հաւամնական էր որ տամնեւութ ամիսէն ծնէր , վասն զի ամեն զինքը ճանաչողները գիտեն արդէն թէ որչափ ծանր կը քայլէ . . . իւր յօդուածներուն մէջ , կամ բնաւ չէր գար աշխարհ եթէ Հասունեանի մը աշխարհ եկած ըլլալն առաջուց գիտնար , վասն զի շատ անգամ յայտարարած է թէ՝ Հասունեանի գոնչը ունչ եւ հրաժանակ : Կարծես Հոռվմայ եկեղեցին բարեկարդելու պաշտօնով զրկված էր աշխարհ ինչպէս Պէյքը բաշան Հայաստան զրկվեցաւ Հայաստանի Քիւրտերն ի կարգ հրաւիրելու համար . վասն զի լսյս տեսնելուն պէս սկսաւ հարուածել իւր կրօնքը : Մայրն երբ կը տեսնէր որ զաւակն այնչափ հակակրութիւն կը մնուցանէր կրօնքին դէմ , օրհնեալ ջուրով ուրբատ կեփէր և կը կերցունէր իրեն : Զնւր ջանք : Երրոր 4 տարեկան եղաւ թաղին բոլոր տղայները ժողովելով անսնցմէ բանակ մը կազմեց Հոռվմայ գահը տապալելու համար :

1835ին վենետիկի վանքը զրկվեցաւ որ վարդապետ ըլլայ : Յովսէփ ձայն չհանեց և պէտք եղած ուսումն և գիտութիւնն առնելէն ետքը՝ յայտնեց թէ վարդապետութեան յարմարութիւն չունէր թէ աշխարհական մնալ հարկ էր իրեն որպէս զի գիւրաւ կարենար իւր եղբայրներն աղատել Վատիկանու . . . Փարաւոնին :

1844 ին կ. Պոլիս Միջագիւղի Ս. Լուսաւորչեան վարժարանին մէջ դասառու կարգվեցաւ Հայերէն և Ֆրանսերէն լեզուներու : Այս պաշտօնն առիթ տուաւ իրեն որ Պապերն ամեն որ հարուածէ . . . աշակերտներու առջեւ : Վարժութեան համար ինք կը պատրաստէր օրինակներ՝ որոց մէջ անպատճառ Պապ մը պիտի ապտակվէր :

1846 ին դեղագործութիւն սորվելու համար դեղագործի մը քովլ գնաց : Իւր մոքին այն յատկութեամբն որով ամեն բան շուտ կը միռունէ , քիչ ժամանակի մէջ դործնականապէս սորվեցաւ դեղագործութեան արհեստը : Եւ որովհետեւ մեղք կը համարէր Գերապայծառ Հասունեանը հարուածելու համար առիթ փախցունելլ , դրդոիչ դեղերու ամաններուն վրայ Հայուանէն կը գրէր : Կը պատմվի թէ օր մը բժիշկի մը մէկ դեղագիրը կը պատրաստէ և հիւանդին կը յանձնէ դեղն որ զօրաւոր լուծողական էր : Մարդը տուն կերթայ , դեղը կը խմէ և արդիւնքին կսպասէ : Չորս ժամ կանցնին . դեղն իւր զօրութիւնը չցցուներ : Վեց ժամ կը սահին , դեղն անզօր է , կարծես Պատրիարքարաններէ Բ. դուռը զրկված նորէր մ'է , բնաւ աղդեցութիւնը չըներ և վերջապէս մարդը կստիպվի դեղարան երթալ և Շիշմանեանի հարցունել .

— Եղբայր , տուած դեղդ Բ'նչ էր :
— Դեղագրին մէջ դրվածն էր :

— Բնաւ աղդեցութիւն չըրաւ :
— Անկարելի է :
— Բժիշկն ըսած էր թէ այդ դեղը ուժով էր . . .
— Այս , լուծողական դեղերուն մէջ ամենէն զօրաւորն է :
— Ինչու չաղդեց ուրեմն :
— Ի՞նչ գիտնամ . . . Հասունեանի մատըլալու է այս գործին մէջը :

Մարդը ծիծաղելով կը մեկնի : Շիշմանեանը քանի մը ամիս ետքը կիմանայ որ լուծողականի տեղ պնդեցուցիչ տուած էր որ Աննըմանի գրութեամբ պէտք էր լուծումն տալ : Վասն զի բժշկական երկու գրութիւններու համեմատ մի և նոյն գեղը թէ քուն բերող է և թէ քուն փախցնող . քնացողին քունը կը փախցունէ . օրինակի համար եթէ մեր Ընդհանուր ժողովին տրվի՝ իսկոյն կարթննայ . բընաւ չքնացողին ալ քունը կը բերէ , կարծես Ռւետաբեր մ'է , այս աստիճան զարմանալի յատկութիւններ ունին այս դեղերը : Բայց մենք թողունք բժիշկներն իրարու դլուխ պատառել և դառնանք մեր պատմութեանը : Շիշմանեան քաջալերվելով այս գործած սխալն՝ որուն համար պատիժ մը չկրեց , միտքը դրաւ Փարիզ երթալ և բժիշկ ըլլալ : Սակայն մարդս մոքին մէջ բան մը գնելով ամեն ուղածը չկրնար ընել , պէտք է դըսպանին մէջ ոսկի գնել : Շիշմանեան գրպան ունէր բայց

ոսկի չունէր և կը խորհէր թէ ինչ հնարքով
կարելի էր համնիլ առաջադրած նպատակին :
Յանկարծ խորհուրդ մը յղացաւ . այն է փա-
րիզ Մուրատեան վարժարանին մէջ դաս տալ
և բժշկական դպրոցին մէջ դաս առնել . . . ճիշդ
կրկնատոմարի դրութեամբ : 1848ին ֆարիզ
ուղեւորեցաւ և սկսաւ գործադրել ինչ որ
առաջադրած էր : Ճուած դասերովը կապրէր
իսկ առած դասերովն օր մը ուրիշներն պիտի
ապրեցունէր :

Քանի մը տարուան մէջ մեծ յառաջադի-
մութիւն ըրաւ բժշկութեան մէջ . մանաւանդ
ջղային ճիւղին մէջ այնչափ յառաջ գնաց որ-
չափ դացին մեր . . . փոխառութիւնները :
Կատարեալ բժիշկ ըլլալէն ետքը դպրոցէն ե-
լաւ և , ինչպէս որ սովորութիւն է , նէր մը
գրեց որուն մէջ խօսեցաւ ազգային միութեան
վրայ : Վարժարանէն նոր ելած բժիշկի մը
բերնէն առաջին անդամ աղջային մունիկան բա-
ռերը լավելուն պէս՝ շատերն զարմանքով ի-
րարու հարցնել սկսան թէ՝ առողջարանու-
թեան հետ ինչ վերաբերութիւն ունի ազ-
գային միութիւնը , սակայն վերջէն համաշ-
վեցան թէ ազգ երն ալ ապրելու համար միու-
թեան դէզի պէտք ունին :

Վկայականը ծոցը դնելուն պէս ելաւ Պօ-
լիս եկաւ 1853ին : Աստիկանութեան բժիշկ
եղաւ : Ամեն օր մարդասպաններուն գտնը-
ված սենետակը կերթար և անշուշտ քանի մը

մարդ ալ ինքը կսպաննէր . . . որովհետեւ
ամեն հիւանդ չըժշկվիր . և ինչու չսպաննէ
քանի որ վկայական ունի : Մեր ազգ այիններն
որ ամեն օր լրագիրներու մէջ կը կարդային
մարդասպան քիւրտերու ըրած սպանութիւն-
ներն կըսէին իրենց մտքէն , ահ , նշառաւակներ ,
Շէլանեանի պէս հէկէլու և յէջ : Բայց Շիշման-
եան որ պատմագէտ , գրագէտ և ատենաս
բան էր , բնաւ չէր փափաքեր բժշկական աս-
պարէզին մէջ փայլիլ . ինքը միայն իրարմէ-
բաժնըլած եղայրներն ինչ կերպով միացնե-
լու վրայ կը խորհէր : Արդէն 1851ին նամակ
մը գրելով Վ. Ղեւոնդ վարդապետ Յովսան-
եանցին յայտնած էր այս բաժանումը վեր-
ցնելու համար իր կարծիքներն՝ զորս բառ առ-
բառ կը տառագրենք հոս .

« Նախ աղդին մեծ մասը պղտիկ մասին
հետեւցնել այսինքն բոլոր Հայ ազգը Պապա-
կան ընել .

Երկրորդ՝ աղդին պղտիկ մասը մեծ մա-
սին հետեւցնել . այսինքն բոլոր Հայ ազգը
Եղմիածնայ կաթողիկոսին հնաղանդեցնել : »

Այս երկու ճանրաները ցոյց տալէն ետքը
աղդին մեծ մասը պղտիկին հետեւցնելու հա-
մար անկարելիութիւն կը տեսնէր . վասն զի ,
կըսէր , աղդին մեծ մասը ինքնիրեն մնալով
աղդ մը կրնայ ձեւացնել , երբ պղտիկ մասը
անշան և անանուն ժողովուրդ մը կրնայ մնալ
և ոչ տապանագրի արժանի : Այս տողերէն

կուզէր հասկցնել Շիշմանեան որ եթէ ազգին պղտիկ մասը մեծ մասն ըլլար՝ առաջին ճանքան դորձադրելի պիտի առաջարկէր, այսինքն բոլոր Հայ ազգը տանիլ յանձնել Հռովմայ աթոռին և ուժաբոր բաժանման պարհանակ վերանելու համար, ամբողջ Հայ ազգը վերցնել աշխարհէն . . . ազգը միացնելու համար : Եւ որովհետեւ այս տեսակ միութիւնը շատերու ճաշակին դէմէր՝ թող տուաւ առաջին ճանքան և փափաքեցաւ որ պղտիկ մասը առնէ, վրան քիչ մը սոսինձ քսէ և բարակ թելով մը մեծ մասին փակցունէ, ինչպէս կը փակցունեն Հրեաները կոտրված հողէ ամանները : Կը վըսընտէր ժամանակն և անոր պաշտօնն իր վըրայ առնել կուզէր, և երբ կրիայ մնալ հարկէր իրեն՝ նապաստակի պէս կը վազէր: Կը կարծէր թէ համոզումներն մարդերու պէս են և թէ քիչ մը նեղվելուն պէս անմիջապէս կրնան ամենը մէկէն մէկ կրօնքէ ուրիշ կրօնք մը գաղթականութիւն ընել ինչպէս կընեն մարդեր մէկ քաղաքէն միւսը, մինչդեռ ամեն օր կը տեսնենք որ կաթիլ մը օդի չենք կրնար խմցունել այն մարդուն որ ծանուէն ճաթելու մօտ է և այսպէս համոզված է թէ ծանուով կընայ . . . արքայութիւն երթալ: Ազգային միութեան համար ունեցած անյազթ սէրն էր որ ասանկ կարծիքներու մէջ կառնէր կը նետէր զինքը և համարձակութիւն կուտար իրեն չսար անունը տալ թղթեանի որ հակասութեան

մէջ գտնված ըլլալն լրագիրներու մէջ հրատարակելն ետքը կուգար Հայ Պատրիարքարանի իրաւասութեանը ներքեւ կը մտնէր: Մինչեւ մօտ ատեններս կը հաւատար որ Հըռովմայ գահը, որ Բողոքականութիւնը ծնածէ, Շիշմանեանին ատենարանութիւններն նկատողութեան առնելով պիտի հաճի տիեզերական ժողով գումարել և բարեփոխել իւր եկեղեցին՝ չկորումնելու համար ափ մը ժողովուրդորուն անունը վատիկանու մթերատեարին մէջ անդամնշանակված չէ: Որչափ ատեն որ բախտը ժպտեցաւ և Հասունեանի վրայ յաղթանակ տարաւ, բոլոր յաղթութիւններն իւր կարծիքներուն առգրեց. իսկ երբ բախտը քիչ մը ծամածոեց երեսն՝ ինքն ալ ստիպվեցաւ հրաժարական տալ իր առժամանակեայ կարծիքներուն — վասն զի վերջէն համայնքեցաւ որ մշտնջենաւոր կարծիքներ ալ ունի — և ազգութիւնը շահելու համար բռնեց այն ճանբան զոր թղթեանը բացած էր վերջին տարիներս, և զգացուց իր ընկերներուն որ պաշարումէն փախչիլը վատութիւն չէ:

1874 ին Միջագիւղի Ս. Լուսաւորիչ եկեղեցւոյն վարժարանին մէջ անօրէնութեան պաշտօն ստանձնեց զոր կանոնաւոր կերպով շարունակեց քանի մը տարիներ: Զափազանց ճշմարտախօս ըլլալուն պատճառաւ երեմն կը վիրաւորէր աշակերտները: Աշակերտին մէկը օր մը խելօք նստած չըլլալուն համար

վարժարանէն արտաքսեց և անոր հօրն ալ
նամակ մը դրեց գրեթէ այս իմաստով .

« . . . աղա , գուք մարդ չըլլալու հա-
մար երդում ըրած էք . մեր վարժարանը յի-
մարանոց կարծեցիք հէ . . . ձեր զաւակը
խենդին մէկն է , և կարծեմ թէ գուք աւելի
խենդ ըլլալու էք որ ձեր տղան չէք կրցած
քիչ մը կրթել : Այս օրէ սկսելով վարժարա-
նիս դռները դոց են ձեր տղուն համար ,
ուստի կը խնդրեմ որ զայն նորէն զրկելու
անկրթութիւնը չունենաք . հասկցաք :

Ընդունեցէք , կաղաշեմ , խորին յարդա-
նացս հաւաստիքն որով մնամ ձեր խոնարհ
ծառայ եւ :

Նամակն կսորագրէ և ուսումնապետին
կը յանձնէ որ սնտեսն հետ զրկէ : Ուսում-
նապետը քովը կը պահէ նամակը : Հետեւեալ
երեկոյ Շիշմանեան կուգայ և կը հարցունէ
ուսումնապետին .

— Նամակը զրկեցիր :

— Ոչ , կը պատասխանէ ուսումնապետն :

— Շատ խոհեմութեամբ վարված ես ,
վասն զի դրելիս ետքը ես ալ զզջացի , թէ-
պէտ և վիրաւորիչ խօսք մը չեմ ըսած մէջը ,
այնպէս չէ :

— Այս . . .

— Մնաք բարով :

— Երթաք բարով :

Վարժարանի տնօրինութիւն ըրած ժա-

մանակն ալ իւր ժամերուն մեծ մասը չասուն-
եան խնդրոյն կը զբհէր . Հակահասունեաննե-
րու հրամանատարն ըլլալով ամեն բան ինքը
կը կարդագրէր և գլուխը քերելու ժամանակ
չէր գտներ : Շատ անդամներ հիւանդները
տունը կ'երթային և սպասաւորէն հետեւեալ
պատամանը կ'առնէին .

— Բժիշկը հոս է , բայց հիւանդ չկրնար
լնդունիլ այսօր , վասն զի բեկեռութեանի դէմ
յօդուած շինելու զրադած է :

Ետ կը գառնային հիւանդներն և իրարու
կը լսէին .

— Մինչեւ որ չուզմայ եկեղեցին չբարե-
կարդվի այս մարդը հիւանդ նայելիք չունի :

Կը պատմըվի թէ օր մը Հակահասունեան
բժիշկի մը հետ խորհրդակցութեան կը հրա-
ւիրվի հիւանդի մը տունը : Հիւանդը քննե-
լին ետքը իւր ընկերին հետ ուրիշ սենեակ
մը կը մտնէ տրվելիք դեղին վրայ խորհրդակ-
ցելու համար . նախ Շիշմանեան խօսք կ'առնէ .

— Նոտէ նայինք :

— Շնորհակալ եմ :

— Ի՞նչ կարծիք ունիք :

— Նախ և ուսաջ հրամանքնիդ ըսէք :

— Ես կաւձեմ թէ ալ չյաջողիր բեկեռու-
թեան :

— Ես ալ այն կարծիքն ունիմ , բայց չեմ
կարծեր որ . . .

Տան Տիկինը ներս կը մտնէ .

- Դեղադիրը դրեցիք :
- Հանդիստ եղէք, Տիկին, անոր վրայ
կը խորհրդակցինք, կը պատասխանէ Շիշման-
եան :
- Տան Տիկինը դուրս կ'ենէ :
- Սակայն ինչ որ ալ ըլլայ կ'ըսէ միւս
բժիշկը, պարտաւոր ենք Հասունեանի գէմ
մինչեւ վերջը մաքառիլ :
- Այո, մինեւ որ ամբողջ ժողովուրդը
հասկնայ անոր բռնած ընթացքը :
- Սիկար մը կը շինէք :
- Շնորհակալ եմ չեմ գործածեր կե-
րակուրի վրայ :
- Ճաշ ըրած էք :
- Այո, ազուր ոէֆիէտ մը կերայ . . .
- Հիւանդին եղբայրը սենեակին դուռը
զարնելով ներս կուգայ .
- Դեղադիրը կուտածք, գլխուն ցաւը
նորէն բռնեց, կը չարչարիի . . . կ'ազաշեմ :
- Հիմայ, հիմայ, կը պատասխանեն եր-
կու ընկերները :
- Այս տեղ չպիտի կընանք խօսիլ, դե-
ղադիր մը տանք ու երթանք : Մատիտն և
թուղթը հանեցէք Տէր բժիշկ, կ'ըսէ Շիշ-
մանեան :
- Դուք դրեցէք, քանի որ հիւանդը
ձերն է :
- Վնաս չունի . դրեցէք հրամանքնիդ :
- Ինձի չվայլեր :

- Կաղաշեմ :
- Ոտքդ պագնեմ :
- Զեմ ընդունիր :
- Կը բարկանամ :
- Անկարելի է :
- Հիւանդին հայրը կը ներկայանայ .
- Քիչ մը շուտ ըրէք, կաղաչեմ, ցաւէն
պիտի մեռնի :
- Հիմայ, հիմայ, կը կրկնեն երկու բա-
րեկամները :
- Տղայութիւն մի ըներ, գրէ որ եր-
թանք ուրիշ տեղ մը խօսինք :
- Վերջապէս ընկերը կը հաւանի դեղադի-
րը տալու և երկուքը մէկէն դուրս կերնեն
նորէն սկսելով Հասունեանի վրայ շարունակել
իրենց խօստկցութիւնը :
- Շիշմանեան զդալով որ ազգային միու-
թեան խնդիրը շատ գրաւած է իր միտքը,
կորոշէ Պօլիսէն քիչ մը հեռանալ և հանդիստ
ընել: 1876 ին կիպրոս կը մեկնի, ուր տարի
ու կէս մնալէն վերջը Պօլիս կը դառնայ, ուս-
կից Տփղիս կուղեւորի . նորէն Պօլիս կը դառ-
նայ, ուր քանի մը շաբաթ մնալէն ետքը
դարձեալ ճանրայ կելնէ երթալու համար
Տփղիս ուր կը դանըվի հիմայ :
- Իբրեւ պատմագէտ մեծ համբաւ կը վա-
յելէ և որուն իրաւամբ արժանի է : Միայն
թէ պատմութեան կը դիմէ երբեմն այնպիսի
խնդիրներու մէջ ուր պէտք էր թուաբանու-

թեան դուռն ափ առնել։ Երբ ջրավաճառն խարէ զինք և յստակ ու մաքուր ջուրի տեղ պղտոր ջուր տայ, Շիշմանեան իսկոյն Պատմութիւնը ձեռք առնելով՝ գաւաթ մը ջուրի համար ջրհեղեղին պատմութիւնն ընել կակսի համողելու համար ջրավաճառը թէ։ Նոյ նահապետին օրով ալ ջրավաճառներուն այսպէս վարվելուն համար Աստուած ջուրին մէջ խըղդ դեց զիրենք, թէ եթէ շարունակեն ասանկ պղտոր ջուր ծախել անկարելի կըլլայ ազգային միութիւնը, թէ պղտոր ջուր ծախելը Հասունեանի հացին եղ քսել է։

Ոչ նոււազ նշանաւոր հանդիսացած է իւր ատենաբանութիւններովն զրոս արտասանած է Միջադիւղի լսարանին մէջ։ Ամեն անդամ որ ատենաբանութիւնը լինցնէր՝ լսարանին սպասաւորը օժեակներուն դուռները կը բանար և կարթնցնէր անոնց մէջ գտնելովզ ունկ կընդիրներն իմացնելով թէ ատենաբանութիւնն վերջացած է, թէ աղատ են իրենց տուներն երթալու և անկողին մանելով հանգիստ քնանալու։ Ունկնդիրներուն քնանալուն պատճառն այն էր որ Շիշմանեան է Փէնտին լակոնական ոճին վարժեցնել կը փափաքէին։

Ազգային թերթերու մէջ ալ երեւցած է և կ'երեւի երթեմն բուն և երթեմն կեղծ սառը բութեամբ։ Լրագիրներն երկար տարիներէ ի վեր մէկմէկ պարահանդէմներ դար-

ձած են։ Հոն դիմակով ալ կընդունվին առանց դիմակի ալ։ Իսկ ես, կը զարմանամ թէ ճշմարտութիւն խօսելու համար ինչու ամբջնայ մարդ և երեսը դիմակ անցունելու հարկադրի։ Թէ հրապարակի թէ լսարաններու և թէ վէպերու մէջ Շիշմանեան էֆէնտին աշխատած է և կ'աշխատի երիտասարդներու սրտին մէջ հայրենասիրութիւն արծարծել։ ուստի իւր խօսքերն միշտ սիրով մտիկ ըլլվելու արժանի են։

Շիշմանեան էֆէնտին որչափ ալ ծեր կարծէ ինքինքը՝ դեռ երիտասարդ է իւր զգացումներով։ Երիտասարդի պէս կրակոտ և երբ կէսի մը վրայ պնդէ՝ քար կը կտրի, բնաւ չկակուզնար և վայրիեան մը իրաւունք կուտայ մեղի հաւատալ Տեւկալիոնեան ջրհեղեղէն ետքը մարդերու քարերէ կազմակերպվելուն։ Ծերի հետ ծեր կըլլայ, տղայի հետ տղայ և կնոջ հետ կին։ Զուարճախօս է, ընկերութիւններու մէջ կախորժի կատակներ ընել, իսկ երբ մէկն իր մէկ արարքն հրապարակաւ հեղնէ՝ կրակ կը կտրի։

Քանի մը տարիներէ ի վեր Շիշմանեան է Փէնտիին գլուխն իւր արտաքին կարծիքը փոխած է։ Ֆէսի տեղ գլխարկ կը դնէ։ Ասկից հետեւցնելու չէ թէ աւրեւուր փոխած չէ, քանի որ իջմիածնայ գիրկը կը գտնելիք այսօր։ Մազերն ուսերուն վրայ կը ծածանին և բարերարի մը կ'սպասեն որ սանտրըլին։ Մտաւո-

բական աշխատութիւններն ստիպած են զինքը գլուխը ծռելու, որով միշտ գետինը կը նայի և բարձր նիւթերու վրայ կը խորհի : Դրեթէ միշտ ի ձեռին ունի հովանոց մը՝ զոր անձրեւի ատեն չբանար որպէս զի չթրջվի հովանոցը . արեւուն ալ չբանար , բայց երբ գիշեր ատեն լապտերով դուրս ենէ՝ կը բանայ հովանոցն որպէս զի լապտերին լրյան արդ իլէ որ վեր չենէ : Թեւին տակը միշտ ունի լրագիրներ , թուղթեր և գիրքեր զորս այնչափ տարիներէ ի վեր կը կարդայ և չկրնար լմընցընել :

Շիշմանեան էֆէնաին միջին հասակով , ոչ ճերմակ և ոչ թուխ դէմքով մարդ մ'է : Չայնը հաստ է , եթէ օբեռյի թատրոնի մը մէջ ուսուցի գեր կատարէր՝ հինգ հազար ֆրամսական կառնէր : Այնպիսի դէմք մը ունի որ կարծես փոնդտալ կուզէ և չկրնար :



որդուա ունի և ուս ու շահակա մաժամանի
և զինք մաժամանի ունի : բայց ու այսպիս
առանձ ուսական և առանձ ուսական ու զինք
ուսական ուսական ուսական ուսական ուսական
ԿԱՐԱՊԵՏ Յ. ՓԱՆՈՍԵԱՆ

կարապետ Յ. Փանոսեան , Խմբագիր - Տը-
նօրէն Մանկումէի Եփքեար Էսէֆէնիւ լրագրոյ ,
Տէր - Տնօրէն Ագապեան Կէհչէն-Դէվ վարժարա-
նի , ծնած է կեսարիա 1836 թուականին : Խոր
անհամբեր և նեղ սիրտ բնաւորութիւնը գիտ-
ցողները կրնան գուշակել թէ ինն ամսուան
մէջ որչափ չարչարած է իւր մայրը , արդեօք
քանի քանի անգամներ փախչել փորձած է :
Եւ արդարեւ ինն ամիս արդանդի մէջ բան-
տարկիլը մեծ ժամավաճառութիւն էր փա-
նոսեանի համար որ ինը ժամուան մէջ ինը հա-
րիւր փոխաւութիւն և ինը հազար հայհոյու-
թիւն կրնայ ընել : Ուստի բնաւ թերեհաւա-
տութիւն ընելու չէք երբ ըսեմձեզ թէ փա-
նոսեան մօրն արդանդին մէջ սկսաւ խորհրդա-
ծել թէ ինչ հսարքով կարելի է որ մարդ մը
մօրն արդանդին չհանդիպելով ուղղակի աշ-
խարհ գայ : Ասոր վրայ կը խորհիէր և պատ-
րաստված էր յօդուած մ'ալ գրել երբ ման-
կաբարձն իրեն իմացուց պայմանաժամին լը-
րանալը :

ֆանոսեան աշխարհ դալուն պէս աչերը բացաւ և պօռաց . ի՞նչ նանց տէկութեան մէջ է՞ հասցեր : Բարեկարգութեան և աղատութեան ջերմ սիրահար ցոյց տուաւ ինքինքն՝ ոտներն ու ձեռներն միշտ դուրս հանելով խանձարութէն : Դպրոցասէր ըլլալն ալ հասկցուց իւր մանկական հասակին մէջ : Հաղիւ չորս տարեկան կար , խաղի թուղթերէն դպրոցներ կը շինէր , դրացիներու տղայներէն դրամ , կարասիք և այլն կը ժողովէր ինպաստ իւր շինած վարժարաններուն և գրապանը կը նետէր : Հայրն ու մայրը նկատելով որ իրենց զաւակն փառաւոր ապագայ մը կը խոստանայ — թէպէտեւ վերջէն հասկցվեցաւ որ շատ հաւատք ընծայելու չէ անոր խոստումներուն — կորոշէն կ. Պօլիս զրկել զինքն որպէս զի երթայ հօն դաստիարակութիւն առնէ :

1846 ին վոսփորէն ներս մոտաւ ֆանոսեան : Այս թուականին՝ մէկ օրուան մէջ բարեկարգ վարժարան մը դանելը խիստ դժուար ըլլալով՝ նախնական ուսմունքն առնելու համար զրկվեցաւ խասդիւզ հացագործի մը խանութը : Հօն սկսաւ քարոզել հաց առնելու համար խանութն եկող գործաւորներուն և արհեստաւորներուն որ իրենց գործերը թողուն և մարմնամարզութեան պարապին եթէ կուզեն ազգին ծառայութիւն մատուցանել : Իր քովն աշխատող գործաւորները կը խրատէր դաշնակ և պարսորվիլ : Իւր քարոզներն և խրատներն ար-

դիւնք մը չունեցան , և երբ օր մը առաջարկեց տիրոջն որ խանութը փլցունեն և դպրոց շնորհ՝ տէրը բարկացաւ և պաշտօնն առաւ վրայէն :

Քանի մը ժամանակ պարապ մնալէն ետքը 1851 ին Պօլսոյ երկրագործական վարժարանն ընդունվեցաւ բարերարի մը միջամտութեամբ : Այս ճիւղին մէջ մեծ յառաջադիմութիւն ըրաւ : Փորձ մը ընելու համար օր մը հին կոչիկները տանը պարտէզին մէկ անկիւնը տնկեց , առտու երեկոյ ջուր տալ սկսաւ , բայց երբ տեսաւ որ կոչիկները չեն բուսնիր՝ անիծեց հողն և բուսաբանութիւնը և ազգը մարդընելու համար պաշտօն մը վինտուելու ետեւէ եղաւ :

1859 ին խմբագրութեան ասպարէզը նետվեցաւ Մէկուսպէի էրճիառա անուն լրագիրը հրատարակել սկսելով : Ամիրան ու արհեստաւորն , կաթողիկոսն ու փոքրաւորն , հարուստն և աղքատն ամենը բաժանորդ էր այս լրագրին յարձակումներուն , որոնք արդարացի ըլլալով լաւ ընդունելութիւն կը դանէին ժողովուրդէն որ մինչեւ այն ատեն կը կարծէր թէ ամիրայի մը թաշկինակին գէմ խօսիլը երկնից գէմ ապատամբիլ էր : Այս ատենները գերագոյն ժողովոյ մէջ անիրաւութիւնն ճշմարտութեան ներկայացուցիչն էր . բանութիւնը դաւազան ի ձեռին կը նախագահէր . արդարութեան աթոռին վրայ ամիրաներու կամքը բազ-

մած էր . իրաւունքը ֆալքոս կանուանվեր և
փանոսեան իրեն մունետիկ փողոցներու մէջ
կը պօռար .

« Հայեր , երէկ հազար տարեկան ճշմար-
տութիւն մը կրտսէցաւ Պատրիարքարանի մէջ ;
ժողովաբդն այս կեռարացիին ընթացքին
հաւնելով կը քաջալերէր զայն որուն խմբադա-
րատունն էր այն ատեն վէզիր խանին մէջի
սրճարանը , աթոռն էր տոպրակի մէջ լեցված
հարիւր տրամխոտ , գրասեղանն էր սրճարա-
նապետին գրան քով դրված մնտուկը և թաշ-
կինակն էր իւր հագուստին թեւը : Ընթերցա-
սիրութեան նոր վարժվող ժողովութեան մը քա-
ջալերութիւնն այս աստիճանին մէջ կը պահէին
զինքը և հարուստներն որք տաղանդին , ինչ-
պէս կըսէ Յորնաղ , գովեստներէն ուրիշ բան
չեն տար , միայն կը ծափահարէին Փանոսեանը :
1853 ին երբ Զէյթունի կոտորածն սկսաւ , Փա-
նոսեան քաջ ախոյեան հանդիսացաւ այս խնդ-
րոյն մէջ որ պատճառ եղաւ իւր լրագրին խա-
փանման և իրեն բանտարկութեանը :

Խափանում , բանտարկութիւն ընաւ նշա-
նակութիւն չունէին իւր առջեւ , մանաւանդ-
րանան որ իրեն համար առանց վարձու սեն-
եակի մը մէջ նստիլ էր : Բանտէն ելնելուն պէս
թոփառական Հքեային տաճկերէն թարգմանու-
թեանը ձեռնարկեց : Այս աննման վէպին
թարգմանութեամբը մէկ կողմէն նախապա-
շարումները կ'սպաննէր , միւս կողմէն տաճ-

կերէն լեզուին ջարդ կուտար և ամեն օր սիրտը
կը դողար որ ըրլայ թէ Էօժէն Սիւ ելնէ դատ
բանայ իրեն դէմ : Այս ահուդողի մէջ անհը-
նար ըլլալով թարգմանութեան շարունակու-
թիւնը կիսատ թողուց զայն թէպէտ և բա-
ժանորդներէն ամբողջ բաժանորդագիններն
առաւ :

1866ին յաջողեցաւ արտօնութիւն առնել
Մանուկէն լէֆեար անուն լրագրի մը որուն հրա-
տարակութիւնը մինչեւ այսօր կը շարունակէ :
Այս լրագրին մէջ սկսաւ շարել իւր կարծիք-
ները մարդերու հասկնալի կերպով . իսկ երբ
1869ին Ագապեան վարժարանը բացաւ և անոր
դէմ դիտողութիւններ տեղի ունեցան , սկսաւ
էշերուն խօսիլ : Առաջ իւր յօդուածներուն
գլուխը Հայէ՛ր , Հայէ՛ր , կը դործածէր , վերջէն
սկսաւ տառակինէ՛ր , էլէ՛ր դնել : Ագապեան վար-
ժարանի կուռոյն մէջ այնպիսի անդուռն բե-
րանով յարձակեցաւ իւր մէկ պաշտօնակցին
վրայ որ ստիպվեցաւ դատի հրաւիրվիլ 1872ին :
Այս դատն այնքան հետաքրքրութիւն շար-
ժեց որ Մուսաս Պարնասի գագաթէն իշնա-
լով ներշնչեց ինձի և ես երգեցի այն դատը :

Ինչու չերգեմ նաև այսօր այն պատե-
րազմն դիտցապներու որք , սաղի վետուրի
զինված , վեց ամիս իրարու դէմ կատաղա-
րար պատերազմեցան և դաշտի վրայ հաղա-
րաւոր ընթերցողները վիրաւորելին ետքը ա-
րիւնով ներկեցին համեստ դէմքերը : Ըսէ՝

ինձ , ով Մուսա , բնչպէս եղաւ որ Օրագիր
սհրդէր՝ բառին վրայ սրամտելով ասպարէղ
կարդաց Մանզումէին : Շուտ ըրէ , եկուր և
օդնէ՛ ինձ որ այս վեցամսեայ պատերազմն
արձակ երդով մը կարող ըլլամ երգել :

Այն ինչ վարդամատն Արշալոյս արեգա-
կան դռները բանալու համար դարբին փրն-
տըռելու իջած էր Հեփետոսի բնակարանը ,
Օրագիր յանկարծ արթնցաւ և օք անու և հե-
նաց դոչեց այնպիսի սրտառուչ ձայնով ուսկից
շարժեցաւ մահճակալը : Քանի մը վայրիկեան
ձեռն ի ծնօտ խորհելէն ետքը դիմեց զէնքե-
րուն , առաւ զանոնք և դրապանին մէջ դնելով
արիաբար հեծաւ իւր կոշիկներուն վրայ և
սկսաւ յառաջանալ դէպ ի հոն ուր պիտի
սպաննէր թշնամին :

Միւս կողմէն Մանզումէն հապճեպով հագ-
վեցաւ իւր պատերազմական հագուստները ,
զզ եցաւ զրահն ուսկից արեւուն ճառադայթ-
ները չեն կրնար թափանցնիլ , առաւ իւր զէն-
քերն որ կը բաղկանային առանակ , էւ , մէք , « ս-
րուժոր , անաօթ բառերէ և հետեւեալ ատենա-
բանութիւնն ըրաւ . դողացէք ուսներուս տակ
ով գուլպաներս : Այս ատենաբանութենէն
ետքը վերջին ողջոյնը տուաւ իւր սենեակին
այնպիսի սրտաճմիկ խօսքերով որ լալ սկսան
բարձերն ու բազմոցները : Վերջին ողջոյնը տա-
լէն ետքը մորակեց իւր կոշիկները և պատ-
րաստվեցաւ իւր ոստին դէմն ելնելու : Հա-

սաւ վերջապէս այն ժամშն որ դէմ առ դէմ
պիտի բերէր այս երկու ըմբիշներն որ իրարու-
երես տեսնել չէին ուզեր . . . սոսկալի վայր-
կեան . . . մուկ մը ասոնց մէջտեղէն անցաւ .
Երկու դիւցազները զարհուրեցան բայց քա-
ջութեամբ ետ ետ քաշվեցան : — Յառաջ
մօտեցիր , դոչեց Մանզումէն , երկու քայլ
առնելով դէպ ի ետ : Այս հրաւէրին վրայ Օ-
րագիր անզգուշութեամբ Մանզումէին ոտքին
վրայ կոխեց . — այ թշուառական , ասանկ
կատակ կըլլայ , պօռաց Մանզումէն . Օրագ-
րին վրայ յարձակեցաւ , քաշեց մէջքէն դօ-
տին և անանկ հարուած մը տուաւ սհրդութով
որ վիրաւորեց Օրագրին . . . ականջը : Օրա-
գիր իւր ուժն ժողովելով Մանզումէին գլխուն
իջեցուց Տրամաբանութեան ահեղ զէնքը :
Ամպակուտակն Հայր Արամազդ երկնքին
բարձրէն սարսափով կը դիտէր այս արիւնալի
պատերազմը : Աստուածներէն ոմանք միջա-
մտել կ'ուզէին , ոմանք չէզոքութիւնը նախա-
մեծար կը համարէին , ոմանք զրահաւոր զըր-
կել կ'որոշէին , ոմանք փոխատուութիւնը գաղ-
րեցունել կը փափաքէին . վերջապէս տարա-
ձայնութիւնն այնքան սկսաւ շփոթել աստ-
ուածներն որ աստուածներու Հայրն շանթ
ի ձեռին ոտք ելաւ և այսպէս խօսեցաւ . « Ան-
մահ մը չկրնար անխարի մնալ մահկանացու-
ներուն այս խեղճ վիճակին . ուստի առանց
ձեզմէ խորհուրդ հարցնելու , որոշեցի Առա-

քինութիւնը զրկել որ երթայ հաշտեցունէ զա-
նոնք : Յայց որպէս զի Առաքինութիւնը կա-
րենայ իւր պաշտօնն կատարել հարկ է որ կրն-
կան կերպարանքով երեւի անոնց . որովհետեւ
կիները իրենց փափուկ խօսքերովն կարող են
քարէ սիրտերն անգամ կակուզջնել : » Ասո-
ուածներն թող տուին որ Արամազդ իւր պա-
տաշանատուութեանը ներքեւ գործէ : Ուս-
տի Առաքինութիւնն յանձն առաւ այս պաշ-
տօնն և իսկոյն գեղեցիկ աղջկան մը կերպա-
րանափոխվելով , ժամանով մը վար իջաւ և
կանդնեցաւ մեր դիւցազներուն մէջտեղն ո-
րոնց մին բանական կապելու զբաղած էր և
միւզը ֆէն կը մաքրէր : — Ով դիւցազներ ,
գոչեց Առաքինութիւնը , կը ճանաչէք զիս . —
Ամենեւին , չեմ ճանաչէր զքեզ , պատափա-
նեց Մանզումէն — բնաւ երբէք , այդ անու-
նով բաժանորդ չունիմ , ըսաւ Օրագիր . — Նե-
րեցէք , մեր կեանքին մէջ բնաւ տեսած չու-
նինք , պատափանեցին երկուքը միաբերան .
— Առաքինութիւն է անունս , ըսաւ . — կար-
գըլած էք Օրիորդ , հարցուց Օրագիր որ կը
պնդէր թէ Փանոսեան իրաւունք չունէր վար-
ժարանը պառկելու քանի որ ամուրի էր .
— Մարմնամարզութիւն դիտէք , հարցուց
Մանզումէն որ սրմնամարզութենէն գուրս
ամեն բան իրբեւ անօդուտ կը նկատէր . Այս
հարցումներուն վրայ առաքինութիւնը ժըպ-
տեցաւ և կոտրավելով Մանզումէին դիրկը

նետվեցաւ . վերջը երկուքը մէկէն գըկելով
կնքել տաւաւ պատուաւոր հաշունիւն մը որ կէս
ժամէն աւելի չտեւեց : Այս վայրկենական հաշ-
տութենէն ետքը Առաքինութիւնը թուաւ ա-
սոնց վրայէն : Երկու բարեկամներն քանի մը
վայրկեան ապշած իրարու երես նայելէն ետքը
բաժնըվեցան իրարմէ իրաբանչիւրն հետը
տանելով մէյմէկ պատուաւոր հաշունիւն : Արեւն
որ ինչան արտմութեան ապարանքէն գուրս
չէր ելած , այս հաշտութեան վրայ իւր դէմքը
ցոյց տուաւ և իւր լուսասփիւռ ճառագայթ-
ները տարածելով սկսաւ չորցնել երկու դիւ-
ցազներու վարտիքներն որ թրջված էին . . .
քրտինքով :

Այս կերպով վերջացաւ ահա այն պատուա-
որ հաշունիւնն որ վերջէն Սամաթիոյ մէջ այն-
քան յուզում պատճառեց :

Փանոսեան այս պատուաւոր հաշտութեան
վրայ չփոխեց լեզուն և ամեն անգամ որ ժո-
ղովրդեան խօսելու կելնէր միշտ անահէն , սոս-
իս , խռէբայ ածականներէ կառաջնորդվէր :
Վարժարաններու վրայ գրած յօդուածներէն
աւելի ազդեցութիւն ըրաւ այն յօդուածն որ
ճեմիչներու նու իրված էր : Ցիշեալ յօդուա-
ծով , որուն վերմագիրն էր քէշէնէ ըսլնոնի , ոչ
միայն աղդային այլ միջազգային ճեմիչներու
նկարագրութիւնն ընելով անոնց բարեկար-
գութեանը վրայ կը պնդէր , բայց Մալթայէն
Պէշիքա բերելու համար զրահաւոր չունենա-

լով իւր առաջարկութիւնն անբնդունելի կը
մնար : Ազգի մը յառաջադիմութիւնը , կը-
սէր , ոչ թէ անոր լրագիրներէն այլ ճեմիշնե-
րէն կը ճանչցի : և իբրև փաստ ֆարիզու ճե-
միշները կը ներկայացնէր իւր ընթերցողներուն
այնպիսի գեղեցիկ գոյներով որ մերիններուն
արժանապատութիւնը կը վիրաւորէր : Փա-
նոսեան ամեն բանի մէջ միշտ առաջնութեան
փափաքելով՝ շատ անդամ սիսալ քայլեր ա-
ռած է , և իւր սիսան զդալէն ետքը շարու-
նակած է զայն թերեւս կարծելով թէ մարդս
եթէ յարատեւէ իւր սիսալին մէջ այդ սիսան
ուղիղի կը կերպարանսափոխի : Սոսկալի յա-
մառ մ'է իւր սիսալին մէջ : Հին իմաստասէր-
ներէն մէկուն հարցվեցաւ օր մը թէ ինչ
պէտք է մէկն գինեմոլութենէ կտրելու հա-
մար . գինով մը գրէք առջին , պատասխանեց
իմաստասէրն , որ ուշի ուշով քննէ զայն : Մենք
ալ խրատ կուտանք յամառ զաւակ ունեցող
հայրերուն որ գոնէ անդամ մը ֆանոսեանը
ներկայացնեն իրենց զաւակներուն : Այս յա-
մառութեամբ է որ երկու տարիէ ի վեր վայր-
կեան մը չկրսնցներ դէմ խօսելու այն ամեն
որոշումներուն զսրս Պատրիարքարանը կընէ
ի դարման իւր ժողովրդեան վերքերուն : Զը
խղճար նաեւ վիրաւորելու այն աղնիւ երիտա-
սարդութիւնն որ Հայաստանի մէջ ձրի ուսում
ծաւալելու համար անձնանուիրաբար կաշխատի
փոխանակ անոր թերութիւնները ցոյց տալու

և ուղղութեան հրաւիրելու փատի կտոր մը
կառնէ և անոր գլուխը կիշեցունէ : Թէպէտ
և միշդ Որդոս կը ձեւանայ այն թերութիւն-
ներուն որ իրեն չեն դպչիր , սակայն ես լաւ
դիտեմ որ սիրամարդի պոչին վրայ դտնված
աչերուն երկուքն իւր աչերն են որ չեն տես-
ներ այն խաբեբայութիւնները և թեթեւու-
թիւններն որ ազգին պատուոյն կը դպչին :
Շատ անդամ թագ կը շինէ այնպիսի անձե-
րու որոնց ես մազերը կը փեթտեմ . և երբ
ինքն ուրիշներուն շուրջէն , սրբին կը սէ , ես
ալ իրաւունք չունիմ իրեն հարցնել թէ՝ բա-
ւական սուր աչեր ունի ուրիշներուն կոյր ըսե-
լու համար : Այսու ամենայնիւ պէտք չէ կար-
ծել թէ իւր յօդուածներուն մէջ ճշմարտու-
թիւն չկայ . սակայն ինչ օդուտ , ճշմարտու-
թենէ աւելի հայհոյութիւն են . են . են . կայ :
իւր թերթին էլերուն մէջ միշտ կիրքն ու դա-
տողութիւնը մենամարտութեան կ'ելնեն . կիր-
քը միշտ յաղթանակը կը տանի և ճշմարտու-
թիւնը կը վիրաւորի : Զեմ հասկնար իւր ոճը ,
բայց կը խորհիմ թէ կարելի չէ միթէ համո-
գել մէկն որ երկու անդամ երկու չըս կ'ընէն առանց
կնքահայրութիւն ընելու և առանակ անունով
մլրտելու զոյն : Սակայն ես վեր կը դասեմ
զինքն միշտ այն քանի մը խմբագիրներէն որ
միշտ երկու անդամ երկուուր հինչ կը ներկայացնեն
վահագույլ , բայց բաղադրէած ածականներով երբ մէկը
հաճի կէս կանգուն + զիր նուիրել իրենց .

վասն զի՞ անվայել ոճով պաշտպանված ճշմարտութիւնը միշտ նախապատիւ է բաճկոնի մը զոհված ճշմարտութենէն :

Միայն խմբագրական ասպարէզին մէջ չէ որ Փանոսեան ծառայած է աղդին : 1867 ին՝ աղդային Հիւանդանոցին ցաւալի կայութիւնն նկատողութեան տոնելով՝ ինքինքը ընտրելի ներկայացուց անոր — ոչ իբրև խենդ այլ իբրեւ ջնօրէն — և ջնօրէն անուանվեցաւ այդշէնքին խոստանալով որ կարծ ժամանակի մէջ պիտի բարեկարգէ խենդերուն փիճակը : Խենդերն անպատմելի ուրախութիւն զգացին այս լրոյն վրայ : Փանոսեան տնօրէնութիւնը վրան առնելուն պէս սկսաւ Հիւանդանոցին պատերը բարեկարգել վիցունելով զանոնք և քաղաքակրթութեան պահանջումներուն համաձայն վերստին շինելով : Հիւանդանոցը պարտքի տակ ճեղքիլ սկսաւ : Հոգ չէ, կրուեր Փանոսեան, առանց դրամի բարեկարգութիւն անկարելի է, ժողովուրդը միայն ստակ տալու է և որիշ բանի բնաւ խոռնըլիցու չէ : Զափէն աւելի կաշխատէր որ Հիւանդներն ու խենդերը աղէկ ուտեն, խմեն և պառկին, այս աշխատութիւնն այնքան արդիւնաւոր եղաւ որ շատ մը տնդործ մարդեր խենդ ձեւանալով Փրկիչ մտան և հզն . . . պաշտօն վարեցին : Պատրիարքարանն Փրկիչին այս կայութիւնը տեսնելով՝ ստիպվեցաւ ջնօրէնութիւնն առնել Փանոսեանէն որ խոչոր դումար մը

պարտք թողլով ծառայեց աղդին :

1866 ի ատեններն էր Նիկոմիդիոյ կողմերն սովոր երեւան ելաւ և մեր հարուստներն իւրենց ալիւրի շտեմարաններուն և ուկիի մնտուկներուն հարիւր փականք կախեցին : Կեսարացի խմբագրին ախոյեան կամնդնեցաւ սովին և առաւոտէ մինչեւ երեկոյ վաճառականներուն և արհեստաւորներուն խանութները թափառելով ձեռները բացաւ, ողորմութիւն մուրաց և հաւաքած դրամովս ալիւր գնելով զրկեց սովալլուկ աղդայիններուն որք եթէ Աղդային ծողովին որոշման սպասէին՝ անդիի աշխարհին մէջ պիտի տեսնէին ալիւրի երեսը :

Որպէս զի աղջիկներն անուս մնալով աղդային դաստիարակութիւնը կազ չքալէ՝ 1869 ին վարժարանն մը բացաւ Սամաթիս Աբովյան անունով որուն մէջ աղատ դաստիարակութիւն պիտի առնէին աղդին աղջիկները : Ժողովուրդն իւր քաջալերութիւնը չէր զանար, գիրք՝ դրասեղան, դրամ, դաշնակ ամեն բան կը նուերփակ իրեն, բայց այսավի նուերներով դարձեալ բաւական ըլլալով վարժարանին ծախքերուն համեմ, Փանոսեան սկսաւ յառաջագէմ աշակերտներն իւր ծանօթներուն տունը տանելով, երգել և պարել տալով նուեր հաւաքել : Այս ընթացքն ալ դոհացուցիչ արդիւնք մը չերերաւ և Փանոսեան սկսաւ իւր յառաջագէմ աշակերտները Սարբեար տանել պարտէզի մը մէջ խաղցնել և մէկ ոսկի Օս-

մանեան մուտք առնելով Աղդային Սահմանադրութեան տարեգարձը կատարել։ Ասով ալ չշատացաւ և սկսաւ ամեն տարի մէկ երկու անգամ + ժամանակամատ մէջ։ Ժողովուրդն որ այս տեսակ զարմանալի դաստիարակութիւն ոչ տեսած ունէր և ոչ լսած՝ դիտողութիւնները ըրաւ իրեն։ Այս դիտողութիւնները Մանզումէի յատուկ լեզուով հերքվեցան։ Ժողովուրդը դադրեցուց իւր օգնութիւնները և ֆանուսեան ստիպվեցաւ մեալերեք աշակերտով զորս + ժամանէր կը հանէր ամեն անգամ որ ձեռքը դրպանը կը խօթէր և դըրամ չէր գտներ հոն։ Այնչափ շատ գործ ունէր որ ցերեկը աշխատելով չէր կրնար իւր գործերն ի գլուխ հանել, ուստի դիշերներն արթնալու համար Արիստոտէլի պէս հնարք մը դտած էր։ այնչափ նեղ մահճակալի մը վրայ կը պառկէր որ դառնալուն պէս գետինը կիյնար և կարթնար։ բայց ետքէն հարկ չմնաց նեղ անկողինի մէջ պառկելու, երկու հոգւոյ անկողինի մէջ կը քնանար բայց դիշերը քանի մը անգամ կարթնար։ վասն զի հացագործն, նպարավաճառը և մասվաճառն կուդային կարթնացնէին զինքը իրենց առնելիքները պահանջելու համար։ Փանուէան անուամբ վարժարան մ'ալ բացաւ որ մէկ տարուան մէջ քառասուն անգամ տեղ փոխեց։ Այս վարժարանը չկըցաւ յարատեւել, վասն զի խաւարեալ, տղէտ և բարբարոս ժողո-

վուրդն արական աշակերտներուն ձայնէն չէր ուզէր զգածվիլ, ուստի երկու տարուան մէջ գոյվեցաւ ֆանոսեան վարժարանը քսանի չափ աշակերտ հանելէն ետքը։ Փանոսեան պղտիկ մարդ չէ և ազգային ջոջերու մէջ աթոռ ունենալու իրաւունք ունի։ Մեծ բարեկարգիչ մ'է, և եթէ Պօլսայ Թաղապետութիւնն այսօր իրեն յանձնըմի՝ ամեն փողոցներու մէջ մէյմէկ սքանչելի ճեմիշ կը կառուցանէ և փողոցին մէջ միզողներու վրայ տուրք մը սահմանելով կառավարութեան դըրամական տագնապին առաջքը կառնէ։ Իւր բառարանին մէջ Հնագութիւն չկայ։ Յանդուգն ձեռնարկու մ'է, քսակին մէջ առանց դրամ մ'ունենալու օդի մէջ շոգեկառք բանեցնելու արտօնութիւնը սիրով կընդունի եթէ իրեն առաջարկի։ Հոգնութիւն բնաւ չգիտեր, շաբաթ մը շարունակ կարող է քալել. լեզուն այս մասին ծունկերէն աւելի յառաջադէմ է։ Սովորութիւն ունի փողոցէն վազելով երթալ այնպէս որ հետք ծանօթութիւն չունեցողները կը կարծեն թէ պարտատէրն ետեւէն կուդայ։ Իւր քանի մը պաշտօնակիցներէն շատ աւելի վեհանձնէ. արժանապատուութիւնը միշտ կը պահէ ծոյը և տունէ տուն չպարտիր բաժանորդ գտնելու համար։ Փոխառութէնէ բնաւ չվախնար և երբ անկարող գտնըմի իւր պարտքը վճարելու՝ բնաւ չկարմրիր։ կարմիելը, կըսէ, նախապաշարում մ'է զոր մեր նախնիք

կը դործածէին և մենք, տասնիններորդ դարու զաւակներ, պարտաւոր չենք նախնեաց նախաղաշարումներուն հետեւիլ: Լուսաւորիչ մ'է, և եթէ լեզուն և ընթացքը քիչ մը բարեփոխէ՝ շատ ծառայութիւններ կարող է ընել ազգին որ դժբախտաբար կաւիճով պատի վրայ կը դրէ լրագրի մը բարիքները և օրացոյցի մէջ կարձանագրէ անոր թերութիւնները:

Փանոսեան բարեկազմ և արագաշարժ մարդ մ'է: Ունի սեւ աչեր և ընքույներ: Գլուխն ոչ մեծ կը սեպիի և ոչ պղտիկ. այդ մեծութեամբ ովասրի գլուխները երեք ու կէս դահեկանի կրնան գնվիլ այսօր: Լեզուն բաւական մեծ է. բայց դժուարամարս ըլլալուն համար չուտիլիր, և հետեւապէս բան մը չարժեր այսօր: Խւր դէմքին վրայ դաղափար մը տալու համար կը հարկադրվինք յիշեցունել այն մարդն որ լուր կառնէ թէ վիճակահանութենէ հարիւր հաղար ֆրանք շահած է, և երբ այդ գումարը պահանջելու համար խւր բաժնետոմսին թիւը կը ներկայացնէ ընկերութեան, պատասխան կը տրվի իրեն.

— Պարսն, շահող թիւը այդ չէ. լրտպիրները սխալ հրատարակած են:



ՅԱՐՈՒԹԻՒՆ ՄԵՐԵԿՄ-ԳՈՒԼԻ

Յարութիւն Հեթում Մէրէեմ-Գուլի, հաշուագէտ, ազգային երեսփոխան, ծնած է, Խաս-դիւղ, 1840 թուականին: Լսած ըլլալով այն առածն որ կըսէ թէ համաց ուլու հոգինք, բնաւ քալել չէր ուզեր բնաւ չհոգնելու համար: Երեք տարեկան եղած էր և դեռ ենելու կայնելու ջանք մը ըրած չէր: Հայրն ու մայրը կը յորդորէին զինքն որ ենէ քալէ և շատ անգամ, անոր բարի նախանձը գրդուելու համար, կըսէին իրեն.

— Յարութիւն, տես, ընկերներդ Բնչպէս կը քալեն:

— Քալողն ես եմ, բայց ձեզի այնպէս կը թուի թէ անոնք կը քալեն, կը պատասխանէր Յարութիւնը:

Ծնողքն իրենց զաւակին բռնած այս ընթացքին վրայ ցաւելով հնարք մը կը խորհէին որով կարելի ըլլար զինքը քալեցունել: Աւետարան, խաչահանդիստ, բժիշկ կարող չեղան ոտք հանել այս տղան որ սենետակին մէկ անկիւնը նստած կը խորհէր:

Բայց դիպուածն՝ որ շատ անգամ մեծ հիւանդութիւններ բռնժած է, այնպէս ուղեց որ այս տղուն հայրը ստիպվի օր մը սենեակին մէջ ստակ համբել: Արդ, երբ հայրն առաւոս մը քսակը գրապանէն հանելով ոսկիները կը համբէր անզգութեամբ անոնցմէ հատ մը ձգեց գետինը: Յարութիւն ոսկիին գետինը իյնալը տեսնելուն պէս նստած տեղէն մէկէն և մէկ կանգնեցաւ: Հրաշք, գոչեց հայրն և ոսկի մ'ալ նետեց գետինը: Երկրորդ ոսկին տեսնելուն պէս քայլ մ'առաւ տղան: Երկու ոսկի նորէն նետեց հայրը. Երկու քայլ նորէն առաւ տղան: Զորս ոսկի ալ. չորս քայլ ալ: Հայրը քսակը նետեց սենեակին մէջ տեղը և Յարութիւն սկսաւ վաղել: Ահա այսպէս դիպուածով քալել սորվեցաւ Յարութիւն, և այս է ահա պատճառն այն խօսքին որով կը սեն թէ Յարութիւն էֆէնտի Մէրէեմ-Գուլի առանց ստակի քայլ մը չառներ ոչ դրասենեակին մէջ և ոչ հրապարակին վրայ:

Ոչ միայն հաշուագէտ այլ նաև տնտեսագէտ ըլլալով՝ կը պատուիրէր ծնողացն որ իւր վարտիքն ու շապիկն քիչ մը մեծ կտրեն ու ձեւեն որպէս զի քանի մը տարիէն նեղ չի գան և կարենայ զանոնք մէկ երկու տարի շարունակ հազնիլ: Մարմինն համեմատուրէն իւր խելքին խիստ ծանր մեծնալուն՝ յիշեալ ճերմակեղէններն հինգ տարի յաջողեցաւ գործածել: Այս բանը շատերուն զար-

մանք պատճառեց և մինչև անգամ կատակի համար իրարու ըսին.

— Դիտմամբ չմեծնար որ նոր ճերմակեղէն շինվելով անտեսագիտութեան դէմ վարդած չըլլայ:

1846 ին արվեցաւ իրեն քերական մը զոր երկու ժամաւան մէջ սորվեցաւ: Դասատուն անոր սրամմութիւնը տեսնելով՝ ընթերցանութեան գավին վրայ թուաբանութեան դասն ալ աւելցուց: Յարութիւն իրեն արված բոլոր դասերուն մէջ ալ յառաջադէմ գտնվեցաւ. չէր այն աշակերտներէն որք թուաբանութեան մէջ արագոտն են և լեզուին մէջ կազ: Ծընողքն երբեմն անհանգիստ կը լլային մտմտալով որ եթէ այս տղան մեծնայ՝ որ ճիւղն ընտրելու է իրեն. փաստաբան ընելու է թէ վաճառական, համարակած թէ դործակալ, տաենախօս թէ ժողովական. առն ալ, առն ալ կը պատասխանէր Յարութիւն և դասերուն կը պարապէր: Շատ անգամ դաս տալու եղանակն կը սորվեցունէր դասատուին և երբեմն ալ անոր սիսալները կուզզէր թուաբանութեան մէջ: Ութը տարեկան էր՝ թաղին փերեզակին տեսրակները կրկնատումարի կը վերածէր: Մինչև տասներկու տարեկան տունը դաս առնելէն ետքը 1852 ին Պէշիկթաշի վարժարանը գնաց. բայց գոհացուցիչ չգտնելով զայն նաւակ մը մտաւ և իւսկիւտար անցաւ: Հոն Նոր Թաղի վարժարանը մտաւ որ մինչև այսօր Ճե-

մարան անունը կը կրէ ինչպէս անուական անունը կը կրէ մէկն որ իւր հօրը բոլոր հարստութիւնը խաղի մէջ՝ առաքինութիւնը պարահանդէմներու մէջ մախելով իւր ազգատոհմին պատիւը կարատէ : Հոն ալ բաւական անունդ չգտնելով՝ գումարու Մայր եկեղեցին Ուսումնարանը մտաւ . բայց հոն ալ բան մը չը գտնելով Պէպէքի Եզութիւներու դպրոցն առաւ իւր շունչն և հոն աւարտեց իւր ուսման շրջանը :

Այս թուականին Պօլսոյ բնակիչներն ինքնինքնին վիճակահանութեան տուած էին : Յարութիւն տեսնելով որ ժողովուրդը շատ յարած է վայրկենի մը մէջ մարդերը հարուստ ընող վիճակահանութեան , առանց իւր պզտիկ խելքին նայելու նոտաւ շաբաթ մը խորհեցաւ , ինքնիրմէ նոր տեսակ վիճակահանութիւն մը հնարեց որուն մէջ ամեն թիւերն ալ պիտի շահէին , բոլոր աշխարհ մէկէն ի մէկ հարուստ պիտի ըլլար , աղքատութիւնը երկրիս վրայէն պիտի չնջվէր , հոփուռունիւն բառն բառարաններուն մէջէն պիտի քերթվէր : Հաստատապէս միտքը գրաւ որ գործի մարդ ըլլալուն պէս իւր ծրագիրն ի գործ գնէ , և ժողովուրդը հարատայնէ գումարին մեծ մասն իրեն բաժին հանելով : Ափսոս . . . հաղար ափսոս որ ուշ մնացած ըլլալուն համար չկրցաւ նպատակին հասնիլ , վասն զի եւրոպայի վարպետորդի սեղանաւորներն մի և նոյն բանն իրմէ

առաջ մտածեցին և անոր ծրագիրն խանձարուրին մէջ խղղեցին : Յարութիւն բարկացաւ և ծրագիրն ծալլելով գրասեղանին տակի գըղըցը թխմեց , որով հարուստ ըլլալէ զրկեց զմեղ և թողուց որ խեղճ մահկանացուներս ապրելու համար հաղար սուտ խօսինք և երկու հաղար շողոքորթութիւն ընենք :

1858ին վարժարանէն ելաւ և վաճառականի մը քով մտաւ իրբեւ համարակալ : Տերարակներն այնչափ կանոնաւոր կերպով կը բըռնէր որ իւր տէրը տեմնալով անոր յաջողակութիւնն վեց ամիսէն վաճառատան Տեօրէն կարգեց զայն : Աստիճանաբար բայց հաստատապէս առաջ երթալն հիմ գրած ըլլալով իրեն , մինչեւ որ փառքին մէջ օգուտ և մեծութեան մէջ իրականութիւն չտեսնէ՝ ետեւէն չերթար : Պղտիկ հասակէն ի վեր մէկ ոտնը սանդուխին առաջին աստիճանին վրայ լաւ մը կոխած ըլլալուն չհամոզված՝ միւս ոտնը երկրորդ աստիճանին վրայ կոխած չէ և մինչեւ այսօր եթէ Զալաթիոյ կամուրջէն անպնիլ հարկ ըլլայ իրեն՝ նախ և առաջ երկու ծարտարապետ կը բերէ և անոնց քննել կուտայ կամուրջն , անոր հաստատութեանը կը համոզվի և ետքը տասը բարա կուտայ և վրայէն կ'անցնի :

1860ին ազգային գործերուն մէջ նետվեցաւ : Սահմանագրութեան հաստատված ժամանակ Աբէ+ Հայութւուն+ երգեցողներուն ետեւէն կ'երթար և կը պաշտպանէր ժողովրդականու-

թիւնն որ մինչեւ այն ատեն պարզ ծունկի կապ մ'էր և զոր Սահմանադրութիւնը վերցը-նելով պատուանշաններու կարգը բարձրա-ցուց . այն թուականէն ի վեր է որ ադրին մե-ծերը ուրիշի չեն տար այդ պատուանշանը :

Ադրին մէջ դաստիարակութիւն մտցունել աշխատողներուն միանալով արժանացաւ հիմ-նադիրներէն մին ըլլալու այն շէնքին որ նախ Արեւելքան նապրոն , ետքը թառրոն յէւրու : Քիչ մը ետքը գաղղուկան նապրոն , քանի մը տարի ետքը Աբովը կոչվելով տասը տարուան մէջ չորս ա-նուն փոխեց Գեր : Խորէն Գալֆայեանի պէս : Որչափ ատեն որ ընկերութեան մէջը մնաց՝ թատրոնը կանոնաւորութեամբ շարունակեց իւր ներկայացումներն՝ զորս իր ներկայու-թեամբը կը քաջալերէր ժողովուրդն և իրենց բացակայութեամբը կը ծափահարէին մեր հա-րուսաներէն շատերը : Խոկ երբ գիշեր մը գե-րասաններէն մէկը վարագոյրէն գուրս ելնե-լով յայտաբարեց թէ՝ « չկրնար նոյն գիշեր իւր գերը կատարէլ եթէ իւր ամսականը անմիջա-պէս չվճարուի » Յարութիւն էֆէնտին հիմնա-գիրներուն մէջ չէր այլ բերայի վարժարանին մէջ որուն ցնօքէնութիւնը յանձն առած էր : Այն ատեն փորձով հաստատեց որ ինքն պայ-քարէ չվախնար բայց վտանգը նախատեսելուն պէս անձն ու պատիւը մէկտեղ կ'ազատէ փախ-չելով : Գլութէ այն գիշերէն քանի մը ամիս ետքը Արեւելքան նապրոնը թողուց հասարակու-

թիւնը կըթելու պաշտօնը : Եւրոպացի մը եկաւ հոն և սկսաւ դաստիարակել իւր ձիերն որոնք Ս. Երրորդութեան եկեղեցւոյն բակը կը ճա-շէին ցերեկները : Բանի մը տարի ետքը Պ. Մա-նաս Փրանսացի գերասաններ ու գերասանու-հիներ բերելով բարոյապէս կըթեց ադրիս հա-րուսանները : Ասոր յաջորդեց ուրիշ մը որ լե-ցուց այդ շէնքն Փրանսացի երգչու հիներով որք բարոյալից երգերով ոչ նուազ բարոյակա-նութիւն սորվեցուցին արդոյ հասարակու-թեան : Բայց մենք դառնանք մեր պատմու-թեանը :

Ինչպէս վերը յիշեցինք Յարութիւն էֆէն-տի բերայի վարժարանին տեսչութիւնն ստանձ-նած էր : Թէպէտ և իւր տնօքէնութեանը ներ-քեւ վարժարանը քիչ մը բարեկարգվեցաւ , սակայն հրաժարելուն պէս բարեկարգութիւնն ալ հրաժարեցաւ . վարժարանէն : Այն ատեն ոմանք ըսմն թէ Յարութիւն էֆէնտին իւր բարեկարգիչ ըլլալն աշխարհի ցոյց տալու հա-մար բարեկարգութիւնն այն հաշուով կ'ընէր որ ինքը պաշտօնէն ելնելուն պէս ըրած բա-րեկարգութիւնն ալ կը հստնէր . կան նաեւ ըսողներ թէ աւելի կ'աշխատէր բարեկարգիչի համբաւ առնել . քան գտնըված պաշտօնին մէջ տեւողական բարեկարգութիւններ ընել :

Բանի մը տարի ետքը ցնտեսական խոր-հրգոյ անդամ ընտրվեցաւ և երկրորդ շրջա-նին մէջ ատենապէտ : Պաշտօնի մէջ խօսելէն

աւելի գործելու միասում ունենալով՝ ատենապետ ընտրվելուն պէս ատենապետիր ընտրել տուաւ իւր ընկերներէն մին որ շատ խօսելու ասպարէզին մէջ առաջին մրցանակն առած է : Այս ճանրով իւր ընկերն շատ խօսելու իրաւունքէն դրկելէն ետքը սկսաւ գործել : Կը վկայեն թէ իւր ատենապետութեան շրջանին մէջ չնորհակալութեան գիր մ'ուղղած են իրեն Պատրիարքարանի ձիերն որք շաբաթը մէկ անդամ գարի ուժելու սովորած ըլլալով իւր օրովը երեք օրն անդամ մը գարի կ'ուտէին : Պատրիարքարանի պաշտօնեաներն ամեն ամսու գլխուն իրենց ամսականները կ'ընդունէին . մէկ ամիսը երեսուն օրէ կը բաղկանար և ոչ թէ եօթանասունը հինգ օրէ , և հետեւապէս , պաշտօնեանները հիմակուան պէս երկու ամիս ու կէս չէին սպասեր ամսական մը առնելու համար : Առանց մէկուն ամսարկութիւն մ'ընելու կը զրուցենք որ եթէ ընտրութիւններու մէջ ազդք քիչ մը խոհեմութիւն բանեցունէր և երկաթագործն ժամագործութեան պաշտօնին չհրաւիրէր , համարական բանաստեղծութեան ընտրելի չներկայացնէր , այս անձը միշտ Ցստեսական Խորհրդույ մէջ պիտի մնար և թերեւս ազդային մնատուկն՝ որուն շատ յարմար կուգայ Սողոմոնի առաջնորդնեան առաջնորդնեան առնայն նշանուայն էն , քիչ մը դրամի երես պիտի տեսնէր :

1870 ին ազդային ժողովոյ երեսփոխան

ընտրվեցաւ : Այս պաշտօնին մէջ ազնուապետութեան յարած է դէմքով և ժողովրդականութեան դարձած է կարծիքով , բայց այնչափ վարպետ է որ ներկայացված խնդիրները դէմքով ալ կարող է պաշտպանել կարծիքով ալ : Ու ե խնդիր մը քննելու համար անոր հիմ կը դնէ սկզբունքն և ոչ պարագաները : Աւելորդ է ըսել որ կան դատեր զորս պարագաները կարդարացնեն բայց սկզբունքը կը դատապարտէ այդ դատն որչափ ալ արդար ըլլայ : Ասոր օրինակ կրնանք բերել Տիգրանակերտի Գեր . Փիլիպպոս եպիսկոպոսին դատը : Այս առաջնորդը իւր պաշտօնատեղիէն հոս կը բերվի Վարչութեան հրամանով որ հոս դատիի :

Հարցուր երեսփոխանական ժողովը մէջ Յարութիւն է փէնստիին .

— Ի՞նչ է այս մարդուն յանցանքը :
— Այս մարդուն յանցանքն այն է որ Ազգ . Վարչութեան կողմէ Տիգրանակերտ զըրկը ված քննիչն գրեց Պատրիարքարան որ զինքը հոս բերենք ու դատենք :

— Բայց անմեղ է այս մարդը :
— Կրնայ ըլլայ որ սուրբ մ'ըլլայ . ով կը մէ թէ մեղաւոր է :
— Ժողովուրդը կը սիրէ զինքը :
— Մենք ալ կը սիրենք :
— Եթէ ժամ առաջ իւր պաշտօնատեղին

չերթայ՝ ժողովուրդը կրօնափոխութեան պիտի դիմէ :

— Ազատ է դիմելու :

— Ժողովս պատասխանատու չը մնար :

— Բնաւ . ոչ ոք պատասխանատու կը մընայ . եթէ ֆիլիպպոս եպիսկոպոսը արդարանայ՝ Քննիչը պատասխանատու կը մնայ և կը պատժըի :

— Քննիչը անիրաւութիւն ըրած է :

— Կարելի է . բայց այն անձին՝ զոր կեդրոնը Քննիչ անուանեց պարտաւոր Ենք գըրածներուն հաւատալ . եթէ հաւատալու չեինք՝ անօդուտ բան մը ըրած պիտի ըլլացինք Հայաստան Քննիչ զրկելով :

Այսպէս կը պատասխանէ ահա ով որ ալ ըլլայ իւր ընդդիմաբանը , էֆէռտ , ու կամ Էռլու :

Ուրիշ երեափոխաններու պէս ժամերով չը խօսիր . ձիւնին սպիտակ ըլլալը փաստաբաններու համար զոյներու իմաստասիրութեան չը մտներ այլ համառօտիւ իւր կարծիքը կը յայտնէ և տեղը կը նստի : Բարձր ձայն չունենալուն համար շատ անդամ իւր խօսքերը չի կրնար լսելի ընել — բառին երկու նշանակութեամբ ալ , վասն զի այն կարծիքներն միայն ուղիղ կը նկատվին որոնք բարձր ձայնով և յատակ արտասանութեամբ յայտնված են — որով իրաւունք կուտայ իւր ընկերներուն որ ըսեն .

— Զայնդ չենք լսեր , բարձր զրուցէ՛ : Եւ Յարութիւն է Փէնտի կստիպի իւր ատենաբանութիւնն երեք անդամ կրկնել :

Խրիմեանի պատրիարքութեան օրով անդամեղաւ ազգային պարտուց բարձման Յանձնաժողովոյ որ բարձաւ առանց ազգային պարտքը բառնալու :

Տարի մը ետքը Սովելոց Յանձնաժողովոյ ատենադպիր ընտրվեցաւ : Ազօթք ընենք որ ատենապետ չէր այս ժողովին . եթէ ըլլար՝ Պարսկաստանի մէջ սովեալ մը չէր մնար , ամենն ալ անօթութենէ կը մեռնէին . վասն զի տարի մը շարունակ խորհելէն , տրամաբանելէն և դատելէն վերջ որոշում պիտի տար և սովեալներն անօթութենէ մեռցնելէն ետքը պիտի ենէր անոնց ալիւր բաշխելու : Պաղարեամբ գործելու այնչափ վարժված է որ բոցերու մէջ եթէ մարդ մը տեսնէ՝ փոխանակ զայն բոցերէն դուրս քաշելու հնարքներուն վրայ խորհելու , հրդեհին ինչ բանէ ծագում առած ըլլալն կը հարցունէ և պատճառն իմանալուն պէս՝ զայն վերցնելու ճանբան խորհելու համար անմիջապէս կը մեկնի մարդը բոցերու մէջ թողլով և կը կարծէ թէ հրդեհին մէջ ձեռք՝ եկած բարիքը զլացած չէ :

Եթէ պաղարիւն չես՝ կը կարծես թէ այս մարդուն հետ վարկիլը շատ գժուար է : Հետու որչափ ընդհարիս՝ այնչափ կը կարծրանայ . չէրդեի անուշ կը նմանի : Եթէ առանց համա-

բակալութեան, հաշուոյ և տրամաբանութեան խօսիս՝ և ոչ մէկ ըսածիդ կը հաւատայ :

Աղդային ամեն ձեռնարկութիւններուն քաջալերիչ է, նոյն իսկ այնպիսի ձեռնարկութիւններուն որոց յարատեւութեանը զվատահիր : Այս կարգէն է այն քաջալերական նամակն զոր քանի մը բարեկամներով ստորագրելով ուղղեց կիներու ընկերութեան մը՝ որ նպատակ ունի պարզ հագնել սորվեցունել մեր աղդին տիկիններուն և օրիորդներուն : Ինքը լաւ գիտէ թէ,

Ա. Ինչ որ դաստիարակութեան արդիւնք է չկրնար դաստիարակութեան պատճառը ըլլալ :

Բ. Դաստիարակութիւնը մտքին և սրտին մէջէն կ'սկսի և ոչ թէ հագուստէն .

Գ. Պարզասէր չեղպիր այն կինն որուն միայն հագուստն պարզ է այլ սիրտն ու դէմքն բաղադրեալ .

Դ. Երբ պարզասիրութիւնը դաստիարակութեան արդիւնք չէ՝ ճաշակի խնդիր է .

Ե. Ճաշակի խնդիրը տրամաբանութեան հետ դործ չունի .

Զ. Մեծ սիալ է պճնասիրութիւնն անոր համար հարուածել, որովհետեւ մեծ ծախսքերու կարօտ է . պէտք է զայն իրերեւ մոլութիւն հարուածել, վասն զի մոլութիւններ կան որ ծախքերու կարուութիւն չունին և առանց ծախքի եղած մոլութիւններն առաքինութիւն չեն .

Կ. Կիները համոզվելու են թէ գեղեցկութիւնը պարզութեան մէջ է, թէ որչափ վնասակար է երբ կիները այնպէս կարծեն թէ մեծ զոհողութիւն կ'ընեն պարզ հագ վելով .

Ը. Գովելի են այն կիներն որք ինքնարերաբար զգացած են պարզութեան յարգն և առանց ուրիշներէն քաջալերու կամ իրենց ընկեր վնտուելու կրնան պարզ հագ վիլ .

Թ. Եթէ հագուստն աղդեցութիւն ունենար մարդուս սրտին վրայ՝ փիլոնն մեղի սուրբեր հասցնելու տեղ շատ անդամ սատանաներ չպիտի ընծայէր .

Ժ. Առանց դաստիարակութեան ընդունված պարզ հագուստն իրերեւ նորաձեւութիւն կ'ընդունվի և այնչափ կը տեւէ որչափ որ կը ներէ հագուստին հիւսուածքը . պատովելուն պէս պարզասիրութիւնն շրջազգեստին հետ մէկտեղ կամ կը նետվի կամ աղքատի մը կը տրվի :

Այս ամենը գիտէ բայց քաջալերութեան վրայ մեծ վստահութիւն ունենալով կը կարծէ թէ ապառաժի վրայ ինկած սերմելն քաջալերութեամբ կրնան բուսնիլ և աճիլ : Եթէ նոր ձեռնարկութեան մը համար երթառ իրմէ խորհուրդ հարցունեա՞ կը քաջալերէ զքեզ միայն թէ այդ ձեռնարկութենէ իրեն ալ շահ մը հանելու ես . վասն զի, ինչպէս ըսինք, առանց ստակի տեղէն շարժիր, թէպէտե աղդային կեանքին մէջ անշահախնդրութեան օ-

բինակ մը կրնայ համարվիլ:

Յարութիւն էֆէնտին պարզ հագվելէն
աւելի կը սիրէ անկախ կեանք վարել և մա-
քուր ապրիլ: Եթէ մէկու մը բարեւ տալ հարկ
ըլլայ՝ երկու շաբաթ տուաջ ժիւլ-Ծիմնի Ար-
տունիւնը կը կարդայ որպէս զի չըլլայ թէ բա-
րեւ տալու մէջ անկախութեանը դպչող բան
մը գտնըլի: Մաքրութիւնն այնքան կը սիրէ
որ ձեռները չաղտոտելու համար ուրիշին
մատներովը կը քերէ գլուխը, բայց ամեն ա-
տեն ուրիշին ձանձրութիւն չպատճառելու հա-
մար իւր բթամատը միայն գործածել սկսած
է վերջերս: Եթէ հարկ ըլլայ ձեռները լուալ,
գեղագործներէն զտված ջուր կը փնտուէ: Եթէ
այսչափ մաքրութիւն մարդս իւր սրտին մէջ
ունենար՝ չէր կրնար այս գարուս մէջ ապրիլ,
բայց քանի որ ձեռներու մէջ է՝ վնաս չունի:

Յարութիւն էֆէնտին թերութիւններու
կողմէն այսչափ աղքատ ներկայացնելէն ետքը
կսկսիմ խորհիլ և ինքնիրմէս ըսել. այս մարդը
կամ քիչ թերութիւն ունի և կամ ունեցած թե-
րութիւններն արամաբանութեան օրէնքներուն
համաձայնեցուցած է: Օրինակի համար ուրի-
շն բարութիւն ընելն աղէկ բան մ'է. բայց
ուրիշին բարութիւն ընելու ատեն մեր շահն
ալ խորհելը երբեւ գէշ բան չեն դատապար-
տեր օրէնքը, մանաւանդ Անդ զիացիներուն
քաղաքականութիւնն որ կըսէ. նախ իմ շահս
և ապա ուրիշներունը: Որդ ինչ որ ներելի է

կառավարութեան մը ինչու ներելի չըլլայ նաև
անհատներուն:

Յարութիւն էֆէնտին ազդին օգտակար
անձ մ'է և ամենուն սիրելի: Քաջ հաշուա-
գէտ մ'է, ամենէն կնճռալի հաշիւներն եր-
կու օրուան մէջ կը պարզէ: Իւր սենեակն խել-
քի խանութ է, ամեն մարդ կերթայ անոր
և իր գործին վրայ խորհուրդ կը հարցունէ:
Երբ կը տեսնես զինքն որ թուղթ մը առած
կը պլորէ՝ դիտցիը որ գժուարալոյժ խնդրոյ մը
վրայ կը խորհի, իսկ երբ պլորած թուղթը
բանայ և գրասեղանին վրայ գնէ՝ խնդիրը
լուծած է:

Այս անձը ոչ պճնասէր է և ոչ պարզա-
սէր այլ երկուքին մէջ տեղն է: Զմեռուան ե-
ղանակին մէջ երբեմն մինչև մէջքը զյուգ մը
կոշիկներու մէջ կը մանէ. բայց որչափ ալ ը-
սեն թէ այդ մեծ կոշիկներն արդելք կը լան
իրեն քալելու, մենք կը վկայենք թէ ժամա-
նակով իերայէն քարոզիչ մը հալածած է այդ
ահագին կոշիկներով: Միջին հասակ և բարակ
կազմ մը ունի: Մազելն սեւ են, եթէ ճեր-
մակ ըլլային աւելի պիտի վայլէին, վասն զի
միշտ իրբեւ ծեր կը խորհի թէպէտ և ետ չկե-
նար իրբեւ երիտասարդ գործելէ:

Փողոցի մէջ երբեմն ծանր կը քալէ և
երբեմն ալ կը վաղէ. ծանր քալած ժամա-
նակը շահու վրայ կը խորհի, իսկ երբ վաղէ
շահ մը գտած է: Այս վերջին պարագային

մէջ շուրջը նայիր և չբարեւեր իւր ծանօթ՝
ներն՝ որոնց ամենը եթէ բարեւել հարկ ըլլար՝
մինչև երեկոյ չպիտի կրնար երթալիք տեղը
հասնիլ։ Իսկ երբ դէմքն վեր առնէ կը ներ-
կայացնէ այն մարդուն դէմքն որ կղզիի շո-
դենաւուն հասնելու համար վաղելէն ետքը
երբ մէկ ոտնը շոգենաւին մէջ պիտի դնէ՝
շոգենաւն սուլխով կը մեկնի։



ԱՆՏՈՆ ՀԱՍՈՒՆԵԱՆ

1810 թուականին ծնաւ Անտոն Հասուն-
եան, կաթողիկոս հռովմէական այն հայերուն
որոնք նախապատիւ կը սեպեն իրենց ազգային
իրաւունքներն Ա. Պապին հողաթափներուն մէջ
տեսնել քան թէ իրենց ձեռուներուն մէջ։ Իւր
ծննդեան գիշերն ամեն մարդ սկսաւ իրարու-
հարցնել թէ ինչու գիսաւոր աստղ չերեւցաւ։
վասն զի նախնիք գիսաւորներն չարագուշակ
նշան համարելով՝ կը հաւատային թէ նախ գի-
սաւորը՝ կուգայ և ապա փորձանքը։ Նոյն գի-
շեր շատերը մէյմէկ գիտակ առած՝ երկնի ե-
րեսը կը գիտէին տեսնելու համար գիսաւորն
որ անպատճառ երեւցած ըլլալու է բայց մեզի
անտեսանելի է կըսէին։ Իրաւունք ունէին։
զիսաւորն որոշած էր Հասունեանէ երկու ա-
միս առաջ դալ. բայց Հասունեան՝ որ միշտ
գաղտնի գործել կը սիրէ, գիսաւորին գիտա-
ւորութիւնն իմանալով՝ պոչէն բռնած էր և
թող չէր տար որ երթար։ Սարսափելի կու-
մը ծագած էր արդէն այս երկուքին մէջտեղը.
թէպէտ և գիսաւորն վերջապէս յաջողած էր

իր թշնամեոյն ձեռքէն պրծիլ և երկնի երեսն
երեւիլ . սակայն պոչը Հասունեանի ձեռքը
մնացած էր : Այս էր պատճառ որ մինչև մօտ
ատեներս հայերու ու ամիկ մասը պոչ կորած կը
կոչէր հռովմէական հայերը : Գիսաւորն՝ որ իւր
հակառակորդին չափ հաստատամիտ էր , ետ
դառնալով ուրիշ պոչ մը գտած էր և տարի
մը ետքը , 1811 Օգոստ . 11ին երեւցած էր
աւելի մեծ պոչով մը . սակայն խեղճը չէր
կրնար հասկցունել թէ այս անդամ փորձանքն
իրմէ առաջ եկած էր : Եթէ գիսաւորն իւր ե-
րեւմամբն Հասունեանի փորձանք ըլլալն կ'ու-
զէր յայտնել աշխարհի , անշոշտ իւր պոչին
մեծութեամբն ալ անոր մեծ փորձանք ըլլալն
կը փափաքէր ծանուցանել : Այս համառօտ
բայց կարեւոր տեղեկութիւնը տալէն ետքը
պէտք է , անհրաժեշտ պէտք է հոս յիշել ,
գոնէ Հասունեանն ադտուեաց չկոչելու համար
երբ իւր կրնադրութիւնը կը կարդանք , որ
այս կրօնաւորն զաւակ է եազուպ իպն եռ-
սէֆ Հասօ անուն բերիացի Ասորիի մը և ոչ
թէ Հայու զաւակ ինչպէս կ'աւանդեն անհա-
ւատարիմ պատմադիրներէն սմանք : Իւր գոր-
ծերն բաւական են ապացուցանել թէ Հայու
զաւակ չէ . եթէ ըլլար՝ անկարելի էր որ իր
ազգն սպաններու աշխատէր քանի որ ազգն
սպաննողներու համար պատիժ մը սահման-
ված չէ : Երբ հարցվեցաւ Սոլոնի թէ ինչու
օրէնք մը չդրաւ հայրասպաններու համար .

չէի կարծեր որ , պատասխանեց Աթէնքի օրէ-
նըսդիրն , պիտի գտնվին մարդեր որ համար-
ձակին իրենց հայրն կամ մայրն սպաննելու :

կը պատմեն թէ ծննդենէն տասն օր ետքը
եկեղեցի տարվեցաւ կնքըվելու համար : Մկըր-
տութեան ժամանակ իմացուց կերպով մը որ
երկար արարողութիւններէ շատ չախորժիր ,
այնչափ շատ լացաւ որ մկրտող քահանայն
ստիպվեցաւ սղագրել . . . արարողութիւնը :
Փառասէր ըլլալն ալ հաստատեց նոյն օրն . Երբ
կնքահայրը քահանային պատասխանելով կ'ըսէր
թէ՝ Երախայն հաւատու , յայ և ուր կը ինուրէ մէկէն
ի մէկ կնքահօրը գրկէն նետվելով Երախայն կ'ըս-
էն նուստունէն կը ինուրէ պօռաց : կնքահայրն իւր
սանին սիրուը չկոտրելու համար ուր վերցուց
և տեղը կ'ըսէն նուստունէն դնելով կրկնեց . Երախայն
հաւատու , յայ և կ'ըսէն նուստունէն կը ինուրէ : Պատրի-
արքութիւն ալ կը ինդրեմ , կրկնեց տղան .
կնքահայրն՝ որ վարժված էր զաւակին տալ
ինչ որ ուղէր , չհամարձակեցաւ սանին խրն-
դիրքը մերժել . ուստի հաւատու բառին տեղ
պարբերունէն դնելով ըսաւ , Երախայն պարբեր-
ունէնէն , յայ և կ'ըսէն նուստունէն կը ինուրէ :

— Հապա հաւատոքը :

— Հիմակու հիմայ թող մնայ այն , պա-
տասխանեց երախայն :

Այս պատմութիւնն ըստ մեղ առասպել
մ'է . բայց որովհետեւ առասպեկներն շատ ան-
դամ ճշմարտութեան այլաբանութիւններն են

կրնանք այս առասպելէն ալ այս ճշմարտութիւնը քաղել որ Հասունեան իւր ամեն ուշ զածը ձեռք բերելու կարողացած է, նոյն իսկ իւր ծննդեան օրերուն մէջ :

Մինչև տասնըհինգ տարեկան կ. Պօլոյ վարժարաններուն մէջ դաստիարակութիւն առնելէ ետքը 1825 ին Քոլէնցի քահանաներու ձեռամբ զրկվեցաւ Հռովմ, Բրօրական տայի գպրոցը, քահանայ ըլլալու համար: Նախ յիշեալ գպրոցին մեծաւորներէն մերժը վեցաւ բայց յետոյ Տուրսունեան Հ. Բարսեղ և Յովսանեան Հ. Կարապետ վարդապետներուն ջանքովն և աղաշանքովն ընդունվեցաւ հոն ուր քանի մը տարի կարդալէն ետքը քահանայ ձեռնադրվեցաւ: Այս կէտին մէջ Հասունեան անմեղ է և մեծ անիրաւութիւն է Տուրսունեանի և Յովսանեանի յանցանքն անոր վրայ բեռնաւորելը:

1833 ին Պօլիս գարձաւ և բնակեցաւ, Ղալաթիա, Յիսուս Փրկիչ Մայր Եկեղեցւոյն վանատան մէջ: Այս թուականին՝ Եկեղեցականներէն ումանք իրենց նախագահին գէմ վարված ըլլալու համար ամեն օր նորանոր խընդիրներ կը յարուցանէին. օրինակի համար եթէ նախագահն պատուէր տար որ պատարագին մէջը խաչակնքեն՝ ասոնք փողոցը կելնէին և հոն կը խաչակնքէին: Յիշեալ Եկեղեցականներն յաջողեցան իրենց մէջ առնել նաև Հասունեանն որ, վանքէն նոր ելած՝ մաքուր

աղաւնի մը ըլլալով խարվեցաւ անոնցմէ և խեղճը միամտութեամբ աթոռակալ անուանվեցաւ քանի մը տարիէն:

1838 ին երբ Գաղատիոյ հռովմէական հայերը կը կեղէքվէին քանի մը քահանաներէ որոնք Հասունեան կուսակցութիւնն թև և թիկունք առած կը գործէին ինչ որ կուղէին, նախագահ Մարուշ գերապայծառն քննիչ մը զրկել կորոշէ հոն ժողովուրդը հանդարտեցընելու համար: Հասունեան յօժարակամ ըստանձնեց այս պաշտօնը. գնաց և ետ դարձաւ երեք օրուան մէջ ժողովրդեան յուղում . . . սաստկացնելէն ետքը:

Իւր անունը անմահացնելու համար կը փափաքէր հռովմէական հայերուն բարութիւն ընել՝ այնպէս վարվելով անոնց հետ ինպէս կը վարվի կօշկակար մը իր աշակերտին հետ: Ժաղով կը կաղմէր Պէլկրատի անտառներուն մէջ ուր թէպէտեւ կերթար օդ փոխելու, բայց նախագահը փոխելու համար աշխատելէ ետ չէր մնար: Անտառային ժողովի մէջ որոշվեցաւ օր մը և գրվեցաւ Բրօրականտային թէ Մարուշ նախագահը ծեր էր, տկար էր, անդամալոյծ էր, անկար էր, և վերջապէս էր ինչ որ կուղէր Հասունեան ընել զայն, և թէ՝ օդնիչ եպիսկոպոսի մը կարօտ էր: Արդարեւ նախագահը ծեր էր, բայց քանի որ իւր պաշտօնը կը պարել չէր՝ իւր ծերութենէն մնաս մը չէր գար ազդային իւ-

բաւունքներուն : Բրօրականստան հաւատքը ընծայեց իրեն զրկված գրութեան և Հռովմ կանչեց Հասունեանը որ 1842 ին հասաւ հոն — առանց այս ուղեւորութիւնն աղդին հազորդելու և անոր հաւանութիւնն առնելու — և օգնիչ եպիսկոպոս ձեռնադրվեցաւ :

1842 սեպտեմբեր 21 ին Պօլիս դարձաւ :
 Հեղեղի պէս արցունք կը վազէր իւր աչերէն երբ կը տեսնէր որ կը շատնային Պատրիարքին վրայ գանգատմաներն որոնք իւր գործարաննէն կելնէին . սիրաը պատառ պատառ կը լար՝ երբ կը դիտէր որ աղէկ չէին երթար աղդին գործերը զօրս ինքը կը խառնէր , կուլար , կողբար և կը հառաչէր որ պատրիարքական իշխանութիւնը ձեռք անցունէ և ժողովրդեան վերքերը դարմանէ : Իւր ողբերը մինչեւ Արամազդաց քիթը բարձրացան , փըռնդտաց Աստուածներու հայրը . Պատրիարքըն իւր աթոռնէն վար գլորվեցաւ . Հասունեան բարձրացաւ պատրիարքական աթոռին վրայ . Հով , անձրեւ , կարկուտ , փոթորիկ անմիջապէս հասան . շատ մը տուներու ապակիներն փշրվեցան . մեծ ծառեր արմատախիլ եղան . քանի մը տուներ կործանեցան :

1845 ին պատրիարքական աթոռին վրայ ելնելէն ետքը ուղեց , աղդին լաւ ծառայելու համար , նախագահական իշխանութիւնն ալ իւր վրայ առնել : Ուստի սկսաւ նախագահին դէմ գանգատներ բազմապատկել և

ըսել . նախագահը ցնդած է , անկարող է իշխանութիւնը գործածել : Գեր . Մարուչն օդափոխութեան համար Պիլէզիկճի Պօղոս աղային տունը կը գտնըվի օր մը : Հասունեան իմանալուն պէս ժողվեց իր մարդերը , յիշեալ տունը գնաց և նախագահը պաշարել տալով ըսաւ իրեն .

— Դուն ծեր ես , ցնդած ես , անկար ես , ուստի քեզի յանձնըված հոգիներու փրկութեանը համար , եկեղեցիին շինութեանը համար , պայծառութեանը համար անպատճառ հիմայ նախագահութենէդ հրաժարելու ես :

Ահա առաջարկութեան ձեւ մը որուն մէջէն եթէ նախագահութիւն բառին տեղ +ա՞կ բառը գնենք ճիշդ այն ձեւը կունենանք որով առաջարկութիւն կընեն մեղ քանի մը զինված մարդեր երբ լեռներու մէջ հանդիպին մեզի : Ծերունին այս առաջարկութեան վրայ անբարբառ անոնց երեսը նայեցաւ և երբ գուրս ելաւ նաւակ մը մտաւ , նաւակին մէջ կաթուած իջաւ և քանի մը օրէն վախճանեցաւ . . . ի փրկութիւն հոգւոյ , ի շինութիւն և ի պայծառութիւն եկեղեցւոյ տեառն մերոյ Հասունեանի : Յուղարկաւորութեան հանդէսին օրը երբ Հասունեան Ս. Պատարագ կը մատուցանէր և ահա սարկաւագներն խորանի վրայ Հասունեանը նախագահ կընտրեն և կը հոչակեն երգելով եւս առանել լորնէպիսկոպոսն մէր լուսագործ նախագահ և այլն : Եւ որովհետեւ Բ. Դըռ-

նէն հրամանագիր զրկված չէր սարկաւադներուն յայտարարող թէ նախագահ ընտրելու իրաւունքն սարկաւադներու տրված է եկեղեցական և աշխարհական կը յուղին եկեղեցին մէջ այս նոր ընտրութեան վրայ և 1848 օդոսոս 6 ին Յիսուս Փրկիչ Մայր եկեղեցւոյ մէջ լինդհ . ժողով կը գումարվի : կը հարցի ժողովոյ մէջ գեր . Հասունեանին թէ՝ որուն ընտրութեամբն նախագահ եղած է . Հասունեան ձեռները շինելով կը հրամայէ երկիւղածութեամբ որ Հռովմէն իրեն տրված կոնդակը կարդացվի : կոնդակը կը կարդացվի Լատիներէն լեզուով . ժողովականներն իրարուերես կը նային :

— Մենք Լատիներէն չենք հասկնար , գերապայծառ , կրսեն ժողովականք :

— Վնաս չունի , կը պատասխանէ Հասունեան , թող կարդացվի :

— Բան մ'ալ չենք հասկնար :

— Աւելի աղէկ . . . արդէն մարդու ամեն կարդացածը կամ լսածը հասկնալու պարտաւոր չէ :

Կոնդակին Լատիներէն ընթերցումը կը վերջանայ և Տաճկերէնը կակսի , վասն զի այն թուականին Հայերէն լեզու չկար : կոնդակին իմաստն էր հետեւեալը .

« Հասունեան , երբ որ կ. Պօլսոյ նախագահը վախճանի՝ այն ատեն դուն Անարզարայ թեմը թողով կ. Պօլսոյ նախագահութիւ-

նը ձեռք առ . . . եթէ այդ իշխանութեանդ դէմ դնելու ըլլան՝ զօրութիւնդ ցցուր անոնց . եթէ չկարենաս զսպել՝ մեզի իմաց տուր որ պէտք եղածը տնօրինենք և անոնց գլուխը ջախճախենք . . . »

Տիրութիւնը և լուռութիւնը կը թագաւորեն ժողովոյ մէջ . բայց ինչ օդուտ , արտաքին գործերու պաշտօնեայն միշտ Հասունեան է : Հասունեան , ինչպէս յալտնի է , գովելի համբերութեամբ վարված է այս պարագային մէջ . վասն զի կարող էր գանակով զարնել սպաննել Մարուշը քանի որ կոնդակին մէջ գրված էր թէ՝ անոր մեռնելէն վերջը ինք նախագահ պիտի ըլլար : Ժողովականները տեսնելով որ իրենց ազգային իրաւունքներն բըռնարարված են այս կոնդակով՝ զոր Հասունեան ձեռք անցուցած էր Հռովմէն օդնիշեալիսկոպոս ձեռնադրված ժամանակ և զոր գաղտնի պահած էր՝ կը զայրանան : Ցակոր չէլէպին կը հարցունէ գեր . Հասունեանին .

— Տէր , ազգին իրաւունքներն բռնարարված են այս կոնդակով :

— Ինձի ալ այնպէս կը թուի , կը պատասխանէ Հասունեան ցաւակցութիւն յայտնելով :

— Կ'ընդունէք որ Հռովմէ մեր ազգային իրաւունքները յափշտակէ :

— Քաւ լիցի . . . կը պատասխանէ համբէքը հանելով ծոցէն :

— Երկու թուղթ գրենք մէկը Ս. Պապին ,

միւսը թրօթականտային և մեր իրաւունքները
պաշտպանենք :

— Այս գրենք ոչ երկու այլ երկու հա-
զար թուղթ . ինչու մեր իրաւունքները պիտի
յափշտակեն կըսէ և իւր ծիծաղը ծածկելու
համար կսկսի վարի շուրթին տակը բուսած
մաղերը խառնել :

Ժողովոյ որոշմամբ կը դրվին , կստորագ-
րըվին և կը դրկվին այս թուղթերն՝ որոնց
պատավխանը մինչեւ այսօր եկած չէ :

Պատրիարքական և նախագահական իշ-
խանութիւններն այսպէս հագնելէն ետքը
սկսաւ ինք իր գլխուն գործել . ամեն բան
ինքը կորոշէր և կը տնօրինէր , ուրիշներուն
ձանձրութիւն չէր տար : Ժողովուրբքը նկա-
տելով որ իր Պատրիարքը առանձին կը գոր-
ծէ , զինքը հոգնութենէ ազատելու համար
ուղեց տասներկու անձերէ բաղկացեալ Աղ-
դային ժողով մը կազմել : Դէմ կեցաւ Հա-
սունեան պնդելով թէ ինքը ազդին անձ-
նանուէր պաշտօնեայն է և թէ ամեն գոր-
ծերը վարելու պատրաստ ըլլալով պարապ
աշխատութիւն է տասներկու հոգիի ձանձրու-
թիւն տալ : Հակահասունեանք աղերսագիր
կուտան Բ. Դրան և Ազգային ժողովոյ հաստա-
տութիւնը կը ինդրեն . Հասունեանք ալ ու-
րիշ աղերսագրով մը Հակահասունեաններուն
ուզածը չեն ուզեր յայտնելով թէ իրենք շատ
գոհ են Հասունեանի բուսած ընթացքէն : Եր-

կու կողմէն մարդեր կը հրավիրվին Բ. Դուռը
ուր Հասունեանները լալով և ողբարվ կազդա-
րարեն թէ գժոխք կերթան եթէ այդ բարե-
կարգութեան հաւանութիւն տան մինչև որ
Համազգեաց ընկերութեան մարմինը մէջ տե-
ղէն չվերնայ , առարկելով միանդամայն թէ
յիշեալ ընկերութիւնն , որ հայերէն ու հոռով-
մէական հայերէն կազմված էր ազգին մէջ
դաստիարակութիւն ծաւալելու նպատակաւ ,
հակառակ էր հոռմէական սուրբ եկեղեցւոյ
քարոզութիւններուն , թէ երկրագործութիւ-
նը ազգին մէջ ծաղկեցնելն վատիկանու օ-
րէնքներուն համաձայն չէր , թէ հին գրամմեր
և ձեռագիրներ ժողովելն աւետարանին հա-
կառակիլ էր , թէ գիւղերու և քաղաքներու
մէջ դպրոցներ հաստատելն Պետրոս առա-
քեալին ուռկանին մէջ քարեր ձգել էր , թէ
վերջապէս հերետիկոս հայերու հետ միաբա-
նիլն ու հազորդակցութիւն ունենալն իրենց
նախատինք էր Հռովմայ գահուն առջև : Հա-
սունեան իւր արածած հօտին լուսաւորութե-
նէն մեծ օդուտներ քաղելով յաջողեցաւ քան-
գել Համազգեաց ընկերութեան հիմերն որոնց
վրայ շինվեցաւ Հռովմէական սուրբ եկեղեց-
ւոյ փառքը : Բայց Հակահասունեան կուսակ-
ցութիւնը ազդային ժողովը հաստատութեա-
նը վրայ պնդելով կը պնդէր : Բ. Դուռն ալ
ձանձրացաւ Հասունեանէ և հրաման դրկեց որ
Հակահասունեաններու աղերսագիրն գործա-

դըրսի : Հասունեան այս անդամ չկրցաւ թ. Դրան հրամանին դիմադրելու և ստիպվեցաւ պատրիարքական իշխանութենէ հրաժարիլ պատճառելով թէ անձնական տկարութիւն ունէր, մինչդեռ օրը տասներկու անգամ կը ճաշէր և երկաթէ մը աւելի քաջառողջ էր :

Մեծ սխալի մէջ իյնալ է կարծելը թէ Հասունեան պատրիարքութենէ հրաժարելուն պէս դործէ քաշվեցաւ : Վենետիկի միաբանութիւնն՝ որ Հասունեան քաղաքականութեան թշնամի նկատված էր, հաճեցաւ իւր երեսին վրայ ապատի մը ընդունել Հասունեանէ որ իտալերէն պարսաւագիրք հրատարակելով ամբաստանեց վենետիկի միաբանութիւնն իրեւ հերետիկոս և հերձուածող պատճառելով թէ յիշեալ վանքին միաբանեներն միշտ պաշտպան են հայերու : Վենետիկի Միաբանութիւնը ինքզինքն արդարացներու համար պարստաւագիրքին պատասխան մը գրեց պարսաւագիրքով մը սրաւն մէջ յայտարարելէ ետեւ թէ Հռովմայ պապին ամեն հրամաններուն հպատակ էր՝ կը յարէր նաեւ թէ հայ ազգն ու եկեղեցին հերձուածող և հերետիկոս էր : Այս պատասխանին վրայ Հասունեան ուրախութենէն ամիս մը ինդաց :

1853 ին՝ գործերն այն աստիճանի եկան հասան որ Հակահասունեաններն յայտնեցին վերջապէս թէ իրենց անհնար է Հասունեաններու հետ միանալը : Հասունեան՝ իւր վար-

պետութեան զէնքերուն վրայ բարդեց նա և կրօնական զէնքեր : Բանագրեց այն ամեն անձերն որոնցմէ չէր ախորժեր : Քանի մը օրէն իւր վարդապետները իրեն հրաւիրելով իշխանութիւն տուաւ անոնց մինչեւ նոր կիրակի արձակել անուղղակի գործողները — ինքը բանագրելու զբաղած ըլլալով արձակելու ժամանակ չունէր — իսկ ինք ստանձնեց ուղղակի գործողներն արձակելու պաշտօնը՝ զոր մինչեւ այսօր արժանի չեղաւ վարելու : Առաւոտը արթնալուն պէս վարդապետներուն կը սէր, բանագրելու անձուն շնորհ բարեկարգ անձուն կը սէր, վարդապետները կը պատասխանէին թէ բանագրվելու մարդ չմնաց՝ կսպառնար իրենց որ մարդ գտնեն որպէս զի բանագրէ : Ճաշէն առաջ կը բանագրէր, ճաշէն ետքը քիչ մը կը կախակայէր, թէպէտ և երբեմն ալ կարձակէր բայց շատ անդամ գիշերը կը քակէր և առաւոտուն կը կապէր . եթէ կապէլու համար չուանի պէտք ունենար՝ չուանի վաճառականները մեծ գործ մը տեսած պիտի ըլլային : Հասունեան երբ տեսաւ որ բանագրելն, անիծելն ու կախակայելը մեծչարդիւնք մը չունեցան սկսաւ Ս. Պապէն շրջաբերականները բերել տալ, ամեն օր արեւուն հետ մէկաեղնոր շրջաբերական մը կենէր : Հակահասունեաններն այդ շրջաբերականները կարդալով՝ հետեւեալ կերպով կը պատասխանէին Հասունեանին .

« Գեր. Հասունեան
Մեծապէս միսիթարվեցանք կարդալով Ա.
Հօր Պիոսի թ. Քահանայապետին կոնդակը :
Մենք քու վրայ վստահութիւն չունինք :
Զեր բռնած ճամբան անհամաձայն է
Քրիստոսական ոգւոյն :

Ուստի ամենեւին անվստահ ըլլալով ձեր
վրայ գարձեալ հաստատութեամբ կը նորո-
գենք մեր բողոքը աշխարհի առջեւ որ աս-
կից էտքը մէկ կերպով մը չենք ճանչնար ըզ
ձեղ մեզի հովիւ և առաջնորդ . . . դնա՛,
մարդ Աստուծոյ, թող տուր քիչ մը մեր օձիքը:»

Հասունեան այս պատասխանը կարդալով
աչերը վեր կը վերցունէր և կաղօթէր . Հայ
նու ո՞յս ո՞ւ ո՞ւ էտքն չնչ էտքն . աղօթքը լմէն-
ցընելուն պէս ինքնիրեն կըսէր . ո՞ւ ո՞ւ էտքն
էս , ես շյել հուզէմ :

1857 ին հոգեւորական իշխանութեան հա-
մար տէրութենէն պէտք ընդունեց սրով իրա-
ւունք ստացաւ իր ձեռնադրած եպիսկոպոս-
ներն ուղած տեղը զրկել առանց ազգային իշ-
խանութեան հարցնելու : Այս պէտքի ինդիլն
աղգը տակնուվրայ ըրաւ : Ամեն անիրաւու-
թիւն կընէր, կըսէին , և երբ դուռը բացատ-
րութիւն պահանջէր՝ առ էտքն հոգեւորական է
Էնէ և վերբէրէ կը պատասխանէր :

Հասունեան քսան տարի վանականներու
և աղգին դէմմաքառելէ ետքը ուղեց որ կի-
լիկիոյ տան աթոռն Պօլսոյ աթոռին քով դը-

նէ , միացնէ զանոնք և երկու աթոռներուն
վրայ նարա մը դնելով իւր ժողովրդեան հետ
խաղայ և զուարձանայ : Կիլիկիոյ տան կաթո-
ղիկոսն բանակցութեան մոտաւ Հասունեանի
հետ , որ լուց երբ տեսաւ թէ հակառակ ըս-
կըզբունքներուն վրայ պիտի հիմնըվէր այս
միութիւնը :

1865 դեկ. 23 ին հոգին կը փչէ կիլիկիոյ
Պատրիարք Գրիգոր կաթողիկոսը . 1865 դեկ.
28 ին նոր հոգի կառնէ կ. Պօլսոյ նախագահ
Անտոն Հասունեան : Վանականներն իրենց
սահմանադրութեան համեմատ անմիջապէս
գաղտնի քուէարկութեամբ տեղապահ կընտ-
րեն դաւթեան Սերովիէ վարդապետը : Նա-
խագահ արքեպիսկոպոս Գասպարեան Բար-
սեղ անպատճութիւն սեպելով իրեն վրայ
պարզ վարդապետի մը տեղապահ ընտրվիլը
անմիջապես պէտք եղած տեղերը կը դիմէ
և երուսաղէմայ Լատին Պատրիարք մօնսինեօք
վալէրկայի ազգեցութեամբ և մէկու մը ձե-
ռամբ դաւթեան վարդապետը հսկողութեան
ներքեւ կը բանտարկվի սա յանցանքով թէ
ինչու միաբանները իրեն շատ քուէ տուած
են : Հասունեան ամեն ճիգը թափելով կաթո-
ղիկոս կընտրվի միշտ կրկնելով թէ « Եթէ հան-
գույեալ կաթողիկոսին իրաւունքներէն Հոռովմ
գուցեալ կաթողիկոսին մը ընել ուղէ , բնաւ
փոքր փոփոխութիւն մը ընել ուղէ , բնաւ
յանձն չեմ առներ կաթողիկոսութիւնը . Աստ-
ուած մի արասցէ , իմնախագահութիւնս ին-

ձի բաւական է : » Ասոր վրայ կենէ չոռվմ
կերթայ իւր կաթողիկոսութիւնը հաստատել
կուտայ և ետ կը դառնայ բէլքրաբուռով մը
որ հռովմէական հայերը ամեն իրաւունքներէ
կը զրկէր :

Դարձեալ կոիւ և վէճ : Բ. Դուռը ալ
ձանձրանալով Հասունեանի ընթացքէն , ինչ-
պէս որ մենք ալ ձանձրացանք անոր ըրած-
ներն պատմելէն , Մահմուտ Նէտիմ բաշային
օրով կը վճռվի որ այս բարի մարդը քիչ մը
դուրս ենէ օսմանեան հողէն : Հասունեան
բանադրելով իր . . . բազդը Պօլիսէն կը մեկ-
նի և Քիւրէլեան պատրիարք կընտրվի կախա-
կայեալ և բանադրեալ հռովմէական հայերու :
Հասունեան պարագ նստիր . կը համոզէ Քիւ-
րէլեանը՝ որ ադարակի մը դատն վաստկած
ըլլալով Հասունեանի թշնամի ըլլալու պատ-
ճառ մը չունէր այլ եւս , որ պատրիարքութե-
նէ հրաժարվի : Քիւրէլեան զզջումի կուգայ .
Ս. Պապին առջեւ Գրա կը դոչէ աղդին իրա-
ւունքներն քանի մը տարի պաշտպանելով մեծ
մեղք դորձելուն համար : 1879 ին Հասունեան
պատրիարք կընտրվի :

Հոս կը վերջանայ ահա կենսագրութիւնն
այն մարդուն որուն դէմքն օր մը պղտիկ տը-
ղայ մը տեսնելով վախցած է և մինչեւ այսօր
կուլայ :

ՎԵՐՋ ԱՌԱՋԻՆ ՀԱՏՈՐՈՅ

ՑՈՒՑԱԿ ԱԶԳԱՅԻՆ ԶՈԶԵՐՈՒԻ

| | Էջ |
|----------------------------------|-----|
| Կորէն Գալֆայեան | 1 |
| Տիգրան Եռևուոփեան | 17 |
| Մտեփան Առանեան | 33 |
| Յովհաննէս Տէրոյէնց | 49 |
| Կարապետ Ս. Խթիւճեան | 65 |
| Մկրտիչ Տիգրանեան | 81 |
| Յովսէփ Շիշմանեան | 97 |
| Կարապետ Փանոսեան | 113 |
| Յարութիւն Մէրեէմ-Գուլի | 129 |
| Անտոն Հասունեան | 145 |

Վ Ր Ի Պ Ա Կ

| Էջ | Տար. | Այսաւ | Ուղիղ |
|----|------|--------------------|---------------------------|
| 1 | 1 | ԱԶԳԱՅԻՆ ՃՈՃԵՐ | ԱԶԳԱՅԻՆ ԶՈՉԵՐ |
| 1 | 3 | 1780ին | 1870ին |
| 4 | 28 | 1850ին | 1856ին |
| 11 | 5 | Հօրեղբայրներուն | Հօրեղբօրն ու եղբայրներուն |
| 12 | 20 | Նետելել | Նետելով |
| 24 | 24 | Նուզարեան | Նուզարեան |
| 28 | 22 | անձնասիրութիւնները | անձնանուիրութիւնները |
| 34 | 13 | չեն կարծեր | չենք կարծեր |
| 33 | 17 | ընծայել | ընծայել |
| 41 | 26 | ունէի | ունէր |
| 76 | 27 | կայսեր | կայսրը |
| 78 | 7 | ընդունելով | ընդունելով |
| 80 | 14 | բաժանորդ | բաժանորդ |
| 81 | 6 | գէմ | գէմ |
| 82 | 15 | կը կոչվի | կը կոչվէր |
| 88 | 9 | որ | զոր |
| 92 | 19 | հակաքել | հաւաքել |
| 97 | 24 | խմելո կավճ | խմելով կամ |



| | 1 | 2 | 3 |
|----|----|----|-----|
| 1 | 2 | 3 | 4 |
| 5 | 6 | 7 | 8 |
| 9 | 10 | 11 | 12 |
| 13 | 14 | 15 | 16 |
| 17 | 18 | 19 | 20 |
| 21 | 22 | 23 | 24 |
| 25 | 26 | 27 | 28 |
| 29 | 30 | 31 | 32 |
| 33 | 34 | 35 | 36 |
| 37 | 38 | 39 | 40 |
| 41 | 42 | 43 | 44 |
| 45 | 46 | 47 | 48 |
| 49 | 50 | 51 | 52 |
| 53 | 54 | 55 | 56 |
| 57 | 58 | 59 | 60 |
| 61 | 62 | 63 | 64 |
| 65 | 66 | 67 | 68 |
| 69 | 70 | 71 | 72 |
| 73 | 74 | 75 | 76 |
| 77 | 78 | 79 | 80 |
| 81 | 82 | 83 | 84 |
| 85 | 86 | 87 | 88 |
| 89 | 90 | 91 | 92 |
| 93 | 94 | 95 | 96 |
| 97 | 98 | 99 | 100 |

173

63

115

95-100

ՀՀ Ազգային գրադարան



NL0585592

Դեկտիբ

230